



園燕山燕義

夏小正云二月囿有見韭傳曰囿園之燕者也四月囿有見杏
傳曰囿山之燕者也按國語云囿有林池注云囿苑也周禮囿
人注云今之苑說文云囿苑有垣也詩亦言靈囿以供遊息若
園則種韭山則樹杏小正不言園有韭山有杏蓋就王言之以
王當於囿中見之故傳析言園之燕山之燕言園垣中可燕息
之囿有韭山垣中可燕息之囿有杏王燕於此得見時物以知
民事蓋囿之義明則見韭見杏自明此古傳之最工者

輔車義

說文輔訓輔車之輔云頰輔也此古左氏說說文序云春秋左
 氏古文是也僖五年左傳云宮之奇曰輔車相依唇亡齒寒注
 云輔頰輔車牙車蓋賈逵義韓非子十過篇呂氏春秋權勳篇
 並云宮之奇曰虞之與虢也若車之有輔也車依輔輔亦依車
 虞虢之勢然也淮南子人間訓則云虞之與虢若車之有輪輪
 依於車車亦依輪案輔相之輔從人輔頰舌良其輔之輔從面
 雖借輔而輔自有義管子乘馬篇云曼山木可以為輔九而當
 一汎山木可以為車十而當一林木可以為車五而當一則輔
 自是一物詩正月云其車既載乃棄爾輔載輸爾載將伯助予
 無棄爾輔員於爾輻則輔所以員輻車既載即可去之但必錄
 之勿棄今不能實指為何物

公之棄今不詳實哉

無棄爾輔是故爾雖敗歸我

公之棄今不詳實哉

公之棄今不詳實哉

公之棄今不詳實哉

公之棄今不詳實哉

公之棄今不詳實哉

公之棄今不詳實哉

公之棄今不詳實哉

公之棄今不詳實哉

公之棄今不詳實哉

書隱三年左傳後

左傳隱公三年鄭武公莊公爲平王卿士王貳于虢貳欲兼任
兩用之也文公十四年周公將與王孫蘇訟於晉王叛王孫蘇
叛者初與合而後相背也公羊傳昭公二十五年昭公將弑季
氏告子家駒曰季氏爲無道僭于公室久矣吾欲弑之弑者畏
忌之不敢直殺也古語上下共之秦漢以後始定于一今讀古
書多險詞當知古今之所以異

禮記冠義記冠義古今之禮以異

冠之入如前深也古謂士不共之秦則以劍鉞或士一令嚴古
冠古于案陳曰季刃無齒晉于公室八公吾游越之於香吳
冠之與合而冠則許也公羊謂冠全二十五平臥公孫孫季
冠之入如前深也古謂士不共之秦則以劍鉞或士一令嚴古
冠古于案陳曰季刃無齒晉于公室八公吾游越之於香吳
冠之與合而冠則許也公羊謂冠全二十五平臥公孫孫季

釋士補儀禮篇名義

鄭目錄云士冠禮童子職任居士位年二十而冠此鄭就士爵
言之非古言也士者古人年少未冠娶之通名易象言老夫女
妻老婦士夫詩言求我庶士又言有女懷春吉士誘之又言士
如歸妻又言以穀我士女夏小正言綏多士女孟子言綏厥士
女士與女對明是未冠娶左傳言女而不婦國語孔子言女智
莫如婦女與婦異是士與夫異大戴本命云上古五十而娶荀
子大略篇云古者匹夫五十而士天子諸侯十九而冠是士未
冠娶也士冠禮記冠義郊特牲皆云天子之元子士也天下無
生而貴者也言冠然後知貴賤太古天子元子未冠與庶人之
子未冠者同是總角之士無貴賤故庶人子未冠娶亦通謂之
士知是常言之士非頌爵之士也白虎通云王太子亦稱士何

舉從下升以爲人無生得貴者莫不由士起是以舜時稱爲天子必先試於士禮士冠經曰天子之元子士也案白虎通多傳古義而此說獨不然左傳晉太子將下軍士蔿曰太子不得立矣位以卿先爲之極又焉得立天子元子豈當先以士爵處之且禮云繼世以立諸侯象賢也文義相屬豈得言天子元子舉從下升又記云士也謂總角之士故無貴賤若爵弁之士豈得言元子總角時兼戴士冠是東漢人不知古言之證古人女婦之稱隱二年公羊傳云在其國稱女在塗稱婦入國稱夫人實則在父母家曰女親迎時亦曰女在壻家未廟見亦曰女既廟見始曰婦詩幽風女心傷悲殆及公子同歸此許嫁之女也召南有齊季女此將嫁時之女也魏風摻摻女手可以縫裳此未廟見之女也說文云婦從女執帚洒埽是未三月女手不執帚

也春秋經稱婦者均以姑言僖十五年宋蕩伯姬來逆婦三十一年杞伯姬來逆婦是也逆夫人稱婦者文四年宣元年之婦姜成十四年之婦姜氏皆有始故桓三年莊二十六年不稱婦穀梁文四年傳云不稱氏速婦之夫人與有貶焉檢左傳文公未親迎貴聘賤逆非速婦之杜預文闕之義長矣然穀梁亦以未成婦不稱婦而禮親迎言出御婦車者承迎婦本意言之三月稱女者明歡喜愛重之意詩女曰雞鳴士曰昧旦女心悲止征夫歸止皆新昏之辭又總角之宴則曰吁嗟女兮無與士耽兩小無猜則云女曰觀乎士曰既且士女相應明非大過所謂老夫老婦詩載芟言思媚其婦有依其士傳云士子弟也正義言婦士皆行饒之人七月同我婦子子卽此士俗師以士對婦正大過所言可醜者何媚何依焉誤也說文壻從士亦從女以

俱總角也詩候人季女斯飢傳云季人之少子女民之弱者少弱未冠娶故男假女名既醉云釐爾女士謂女有士行以士亦總角故女假士名二詩義相證也古人愛之則曰士惡之則曰夫夫也美之則曰如處女譏之則曰婦人也古言茫昧意則可知吳越春秋云貞明執操其丈夫女哉出辭倍矣且此女三十未嫁子胥何得呼爲夫人尤作書者東漢人不明古語之證後世因有封處女爲夫人者亦誤也新迎新婚夫婦士女並稱者稱夫婦爲士女不得稱士女爲夫婦故易言娶婦亦言娶女魏策言韓氏以一女子史記言士女雜坐其辭至慎密宋書后妃傳王后兄景文謂后在家爲倅弱婦人尤是誤也不知女婦之分正由不知士夫之分荀子非相篇云婦人莫不願得以爲夫處女莫不願得以爲士此三代古語最爲明顯者管子小問篇

云苗之生也朏朏然似孺子其壯也莊莊然似士其成也似君子其言莊莊然似士者詩有依其士之士又古人言士之甚勇之甚者如後人言俠少士定爲子弟未冠娶之稱故儀禮云士冠禮士昏禮言於此始冠昏也然則士相見禮何也曰少儀也記可證也因以通之大夫國君也然則總題士禮何也曰十七篇以首篇題目之也然則爵爲士何也曰爵取士名非士取爵名士方可任事故初仕取之通古今辨然否推十合一制字又別取義名稱則幼小也白虎通云大夫爵之下者也知士未成爲夫士幼位亦卑也然則士貳其行士也罔極何也曰追稱之也如稱氓然故旣老矣猶曰女之耽兮女也不爽

釋小補楚語笄內則總角義

小妻曰妾曰媼曰姬曰側室曰遼室左傳注曰次室金史海曰

偏房列女傳云曰如夫人曰如君曰姨均言曰姬怡娘曰旁

妻曰庶妻曰次妻曰下妻曰少妻曰細君曰姑娘少女曰孺子

曰小妻曰小婦小妻漢書倭幸傳小婦元后傳曰小夫人釋法顯佛國記或但曰小小

者幼也易說卦傳兌為少女為妾后於王夫人於邦君皆稱妾

論語則云夫人自稱曰小童然則妾者少女小童也或曰秦穆

公夫人自稱婢子則妾為婢子曰晉君朝以入婢子夕以死此

非古文也左傳正義釋文皆言古本無是杜注亦不得有後年

婢子侍執巾櫛注云婢子婦人之卑稱若此有文不應舍先注

後故知夫人不稱婢子也然則懷羸固稱婢子矣曰懷羸閨房

暫言不拘禮稱也後年季隗云我二十五年矣懷羸云何以卑

我亦閨房暫言不拘禮稱不依我字立義故亦不依婢子立義也童者奴也知小童是少女非奴者史記伍子胥列傳卑梁兩女子爭桑楚世家作兩小童吳世家及呂氏春秋察微篇作處女然則小童者少女也妾名緣於接而義歸於幼聖賢之道謙幼古婦人稱妾魏晉至唐稱孳兒皆取幼小又稱有難言者則必通之陳乞難言其妻則曰常之母後人以妾有主名難言之改稱兒猶戰國及漢初人稱臣後改稱僕僕卽臣知兒卽妾今民婦見貴官曰小婦人卽妾義幼小也妾若小童憧憧然無所知故后夫人以鳴謙或曰稱妾者謙賤也案記云王侯有妻有妾各有其位謙不得替位陵下且不當於他男子稱妾故知妾是幼小通義也或曰大夫有家老天子之老謙與后夫人稱賤同日此則異也天子之老正是美名非謙也且不敢代天子謙

也非正妻亦有大者王有世婦比大夫其小者漢書藝文志中山王孺子妾歌注云孺子王妾之有名號者齊策云王有七孺子韓非書作十孺子又韓非八姦篇云一曰在同牀貴夫人愛孺子是也左傳哀公三年季桓子卒南孺子生子謂貴妾注云桓子妻者非是秦策亦云某夕某孺子納某士漢書王子侯表東城侯遺爲孺子所殺則王公至士民妾通名孺子合之小童知古人謙在幼小小婦小妻尤以小爲義也楚語云司馬子期欲以其妾爲內子訪之左史倚相曰吾有妾而愿欲笄之內則云妾雖老笄總角拂髦謂笄而猶總角妾有子而笄然猶總角者以別於妻若子期所謂笄則不復總角笄者卷髮之簪如男子有冠韋昭注云笄內子首服衡笄也詩副笄六珈傳云笄衡笄周禮追師鄭注云衡垂於副之旁當耳其下以紃懸瑱是前

人步搖今謂之釵簪釵皆成婦之飾古兼言之詩獨以笄稱夫人知入妾皆有總角以表幼小內則注以角字爲衍恐未然也笄比男冠總角比男兩髦入妾若不總角則笄何以異於夫人民婦皆笄而貴人妾猶總角者猶庶人皆冠而奴僕至老無冠漢書言文帝憐罪人無髮賜之冠奴皆髡鉗如季布貫高孟舒田叔皆髡爲奴髡奴故無冠自文帝時奴始有冠妾亦笄而不總角歟內則爲文帝以前書鄭君東漢人見漢制無可况因疑角爲衍文此又事與時可互證者歟宋陸佃疑總角爲不足當君子之意角字非衍而不得其證近方氏苞非之云女子十五笄旣嫁豈尙總角以陸爲謬不知本文是妾陸不謬也自漢時妾不總角然猶妻冠妾髡宋時未廢詩甫田傳云總角聚兩髦本童子及冠者具父母之飾而宋史五行志以理宗朝削童髮

留鵝角爲服妖此又論世修史者不可不明經學歟子期妾不果立則至老猶笄總角宋史輿服志云婦人大衣長裙女子在室者及衆妾皆褙子則妾與女子在室者衣同是知幼小爲妾本義幼卑則長者爲尊而世易俗變稱謂亦或不同婆老母也娘少女也而輟耕錄云江南於婦人賤之則曰婆娘說文嫗母也而廣雅釋親云妻謂之嫗南史袁昂傳云我無少年老嫗則以謂妾說文媼下妻也易歸妹以須釋文陸作媼李衡義海撮要引陸希聲云天文織女爲貴須女爲賤左傳昭十年注引星占云婺女爲旣嫁之女織女爲處女婺卽須不應爲賤故廣雅釋親云妻謂之媼媼須同也以爲小妻則小妻中之長者耳因習之致蝨簡不詳其因緣通生以常談證之居然可觀愛古人尊長謙幼之意有益禮經爲展轉申說焉

吾浩然之氣連文不與上印字吾字相複大誥予惟往求朕攸
濟予曷敢不終朕畝朕攸濟朕畝自爲義予曷敢不越印牧寧
王圖功越予冲人不印自恤越印牧印自恤自爲義肆予告我
友邦君肆予大化誘我友邦君我友邦君自爲義皆不與予字
複左傳宣三年云鼎遷于商載祀六百言商之祀卽古之載二
義並舉非文複僖四年云一薰一蕕十年尙猶有臭尙且也猶
如也言十年且如有猶氣未歇十年尙連文猶有臭連文非尙
猶複昭二十六年云髡王亦克能修厥職能修厥職連文髡王
亦克連文均非複語故閔馬父稱其文辭史記張儀列傳云蘇
君在儀寧渠能乎集解云渠音詎索隱云古字假借非也渠爾
也爾如是也言豈有如是之能非寧詎複也蓋複語入辭則辭
窒其以複語入辭者詩多有之采采卷耳不一采也玼兮玼兮

詠歎之也不我以不我以更端也坊記引詩云相彼盍旦尙猶
患之故鄭重言之書召誥云曷其柰何不敬公羊哀十四年傳
云末不亦樂乎堯舜之知君子也禮三年問云然後乃能去之
莊子逍遙遊云而後乃今將圖南爲漢書金日磾傳云然後迺
去史記商君列傳云乃遂去之秦陳丞相世家云且又乃呂后
弟呂須之夫蜀志郤正傳釋譏云嗚呼有若云乎耶皆鄭重言
之荀子宥坐云汝庸安知吾不得之桑落之下莊子列禦寇云
闔胡嘗視其良徐無鬼云闔不亦問是已是乃欲言中止而又
言之也均有文理存焉禮檀弓云人喜則斯陶論衡明雩云歲
氣調和災害不生尙猶而雩當是誤字

釋毛

後漢書馮衍傳云飢者毛食注云毛草也臣賢案衍集作无今俗語猶然者或古亦通乎郭忠恕佩觿集序云河朔謂無曰毛自注云漢書毛音無與無同義徧檢漢書絕無毛音無者必是誤記後漢書注如鄧騭傳云元二之災注引石鼓文重字積二畫郭亦謂是顏師古語皆誤以後漢書爲漢書然後漢書注亦不云毛音無佩觿辨正云今河朔謂無爲謨毛亦音謨俱不作毛音其語尤非執筆者方音不同耳豈有明著毛字反不作毛音者漢書功臣表序秬矣注孟康云秬音毛言無有毛米在者也師古云今俗語猶謂無爲秬音毛則是古人言無毛相近故通寫非寫此字而讀彼音也毛亦轉莫末沒蔑靡莫者晏子春秋問下莫三人而迷末者論語吾末如之何檀弓不忍一日末

有歸文王世子未有原公羊隱六年傳吾與鄭人未有成沒者
詩曷其沒矣傳盡也蔑者左傳成十六年蔑有貳矣靡者詩靡
不有初義皆爲無音轉至毛也春秋左傳昭元年務婁音謀一
音無瞽胡音茂一音無荀子成相篇牟光卽務光列子有伯昏
瞽人伯昏無人殷敬順釋文云無莫侯切則以無就瞽案莊子
德充符與田子方兩篇伯昏無人列禦寇篇作伯昏瞽人陸德
明釋文云瞽音茂又音務顏氏家訓宣務山務卽旄邱之旄引
字林旄亡付反蓋瞽與戊皆兼務茂兩音荀子哀公篇務而拘
領淮南汜論訓鑿而繕領則務鑿卽冒同音也模範之模漢書
作撫說文無規模字眉州彭模山漢岑彭時說模如無音所謂
彭亡者也內則淳母鄭讀如模匡謬正俗云小兒羸疾曰摹姑
巫蠱轉也是模摹無巫一聲之證知亦無莫音同因話錄唐帝

問黃繙綽云是勿兒得人憐是勿卽今是麼曾子立言云君子
終身守此勿勿也注云勿勿猶勉勉漢書引詩密勿從事今詩
作黽勉從事曲禮卹勿注爲搔摩墨子小取篇摹畧萬物之然
論求羣言之比卽今言之模量古言之無慮晉段務目塵通鑑
作段務勿塵則無毋戊勿務牟末慕莫沒目蔑靡勉瞽冒茂摹
模謨摩麼旄亡忙毛俱同音佛書南無讀如那毛又作曩謨又
作莆忙又作那模又作那未又作那莫又作那謨又作南慕又
作娜謨又作娜麼時毛無對音之證其番言縛羅此言毛道凡
夫而解之云行心不定如輕毛隨東西風動則後人不知古毛
無音同之故也今人言無知者曰毛識五代時黃繙綽賜緋而
無魚袋則曰毛魚袋是皆說無爲毛江休復雜志謂泉南人不
改鄉音無讀作謨以爲譏笑則陋矣水經灑水注無鄉城引地

里風俗記云燕語呼毛爲無今改爲宜鄉其時毛無音分故有呼毛爲無之論凡今人字別讀者皆古遺音自周至漢毛無必同一音晉以後始分之而古文散見方言相牽唐以後人摘其一字標爲奇異加以考論其理反昧矣

歌音義

左傳僖三十年昌歎自以從久蜀聲在惑反者爲是而惑誤爲感則在感反矣又改在感爲在敢又改在敢爲徂敢字母之說盛行而在惑之音遂亡此如詩鸞字自以從鳥唯聲以水反者爲是而水誤爲小則以小反矣又改以小爲以紹又改以紹爲五沼沈重至以爲雉皎反字母之說盛行而以水之音遂亡春官鼐字自以從雨聶聲力胃反者爲是而胃誤爲胃則力胃反矣又改力胃爲力救字母之說盛行而集韻類字中無鼐溜字中有鼐而力胃之音遂亡顏氏家訓言中朝有史記音者顛頊許綠反譌爲許綠反因讀頊爲顛許許古同音此今許綠切唐摭言云李相讀春秋叔孫婁敕略誤爲敕晷以吏言而悟爲敕略幸顏氏王氏明言之否則言字母者別爲審定部分頊婁亦如歎鸞鼐之

不可識矣。陸德明依用歌在感反，孔穎達尚以蜀聲疑之，謂不知與郛歌字爲同爲異。玉篇欠部歌，則云徂敢反，昌蒲菹也。其音甚謬。日知錄忽以此一字譏陸孔諸儒不能徧通南北之學，請得質之。據說文欠部歌，云龍聲，龍部龍，云去聲。中部去，云六聲。然則作昌歌則六聲，作昌歌則蜀聲，何應得爲在感徂敢。如此南北之學，又何足通乎。

夥頤何乃洵還音義

史記陳涉世家客曰夥頤涉之爲王沈沈者，楚人謂多爲夥。天下傳之夥涉爲王，由陳涉始。夥頤者，驚大之辭。二字合音，漢書止作夥。史亦止云楚人謂多爲夥，又連涉爲夥。涉知頤字是合上音矣。楚人謂多爲夥者，多卽驚大也。天下傳之夥涉爲王，由陳涉始者，言其時天下相王者多，時人輕之，謂王爲夥。涉蓋庾辭相喻也。夥頤合音若虺，今俗語猶然。應劭夥音禍，乃長言之。葉夢得避暑錄話云，夥唇音若壞，其音亦可通。惟錄語言王丞相何乃洵謂洵爲冷，今二浙無此語，則誤甚。王導暑日以腹熨棋局，學吳語曰何乃洵者，何字一句卽史記之夥頤，言其熱至此也。乃洵一句，今吳語那杭文言奈何。六朝俗言寧馨爾馨，如馨也。意言其熱故熨棋局取冷耳。夥頤何乃洵俱單字還音，不

從字文生義
 卷一
 三
 乃洵還音義
 乃洵即甯馨爾馨如馨馬永嬾真子謂馨音亨是也日本全唐
 詩逸遊仙窟詩云婀娜腰支細細許賺睡眼子長長馨是唐時
 亦讀馨同亨張溟雲谷雜記不明語言之致反謂馬好奇而吳
 曾能改齋漫錄至云兒豈馨香者與當日語氣全背馨亨本一
 聲者如亨享同一聲顏師古匡謬正俗云俗言某人處為某享
 是某鄉之轉非也享即亨即許即洵某享即某許也甯馨
 即乃洵宋時寫作恁行元人寫作那杭亦作那桁亦作那行老
 學庵筆記云百官入宮門閣門使輒促之曰那行那去聲案當
 云行去聲行讀如桁也南宋雜事詩押行入庚韻非也其字亦
 作能亨矣辛雜識續集徐淵子一剪梅云他年青史總無名我
 也能亨你也能亨亦作奈何之意亦通如此之意洵亦作向秦

乃洵還音義

乃洵即甯馨爾馨如馨馬永嬾真子謂馨音亨是也日本全唐
 詩逸遊仙窟詩云婀娜腰支細細許賺睡眼子長長馨是唐時
 亦讀馨同亨張溟雲谷雜記不明語言之致反謂馬好奇而吳
 曾能改齋漫錄至云兒豈馨香者與當日語氣全背馨亨本一
 聲者如亨享同一聲顏師古匡謬正俗云俗言某人處為某享
 是某鄉之轉非也享即亨即許即洵某享即某許也甯馨
 即乃洵宋時寫作恁行元人寫作那杭亦作那桁亦作那行老
 學庵筆記云百官入宮門閣門使輒促之曰那行那去聲案當
 云行去聲行讀如桁也南宋雜事詩押行入庚韻非也其字亦
 作能亨矣辛雜識續集徐淵子一剪梅云他年青史總無名我
 也能亨你也能亨亦作奈何之意亦通如此之意洵亦作向秦

觀鼓笛慢云仗何人細與丁甯問呵我如今怎向黃庭堅好女兒詞云擬待不思量怎奈向目下恹惶歸田樂引云前歡莫未已奈向如今愁無計盧祖臯洞仙歌云更奈向月明露濃時候徐伸轉調二郎神云動是愁端如何向但怪得新來多病蔣捷祝英臺近云幾回傳語東風將愁吹去怎奈向東風不管呂同老天香云怎奈向飄零賦情老秦觀八六子云怎奈向歡娛漸隨流水葉道卿鳳皇閣云春去也這般愁沒處安着怎奈向黃昏院落梅苑瑀紅云粉香猶嫩霜寒可慣怎奈向春心已轉周邦彥大酺云怎奈向蘭成憔悴衛玠清羸等閒時易傷心目拜新月慢云怎奈向一縷心思隔溪山不斷向卽洵言如此也向許同一音奈何向奈何許也許許亨洵馨享向一也各詞傳本有誤向作何者蓋不合觀之不悟其意耳

等還音義

浙東西語何爲底底乃等之轉等乃何等之急省後漢書禰衡傳云黃祖大會衡言不遜祖訶之衡更熟視曰死公云等道祖大怒箠殺之云等道者云爲吾欲云云之云等爲陛下在妾又何等可言者之等道爲道盛德至善之道言所云是何等說道以宋語錄例之乃所說成甚言語也衡平原人死於江夏今作吳語疑是江左人作史追改之也東漢時吳人越人多有此語吳越春秋漁者子歌蘆中人者再子胥聞之愕然大驚曰何等謂與語公爲何誰矣作者亦東漢末越人也何等謂者卽云等道與語者遣人問之莊子擊壤歌帝力於我何有哉論衡須頌篇藝增篇俱作堯何等力力與上食息韻也藝增又云觀者曰大哉堯德此何等民者年五十擊壤於路與暨子未成人者伍

何等賢者語增篇云紂爲肉林令男女裸而相逐其間何等潔者論衡亦上虞人也吳志云董襲會稽人督樓船往濡須口暴風船傾衆散走襲曰受將軍令在此備賊何等委去也何等作一句卽云等道等義爲何等又爲此等故通底又通堵通堞通墮通得通的所謂兀底恁底甯底凭底惡得惡堞阿墮阿堵皆言此等也匡謬正俗謂等本都在反轉丁兒反以底音爲唐人不詳非也

天字音說

天字之音釋名言之近顯坦二音此自聞之者有異在言者止一音也有正字通者言天字君字父母字不可改叶亦當各就其方音正言之欲強歸於一音則在一已之見謂之不改叶而他人聞之乃真改叶矣故言叶韻者非而言不改叶不知彼此古今之異者其事仍歸於改叶且義加窒焉天者國語曰阿卜喀蒙古語曰騰格里古作撐里史亦曰祁連漢書亦曰統格落明菽園雜記

宇文語曰字番語曰朗苗語曰各達臺灣番語曰綿視亦

日務臨回語曰阿思滿朝鮮語曰哈嫩二日本語曰梭嫩或曰甸的日本國考安南語曰雷琉球語曰甸尼亦曰甸馱陳侃高澄使琉

球紀百譯語曰法緬甸語曰謀邏羅語曰普喇占城語曰刺宜

滿加刺語曰安刺梵語曰提婆西番語曰那安亦曰那木喀西

洋語曰霄吾

又陳焚請曰焚焚西番語曰無焚夜曰代本焚

百蠻語曰去蘇曰蘇曰蘇蘇蘇蘇曰昔聖古焚焚曰焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

曰焚焚曰焚焚曰焚焚曰焚焚曰焚焚曰焚焚曰焚焚

四夷樂古名義

四夷樂名有互異禮明堂位云昧東夷之樂也任南蠻之樂也

儒者奉為正經詩鼓鐘以南傳云東夷之樂曰昧南夷之樂曰

任西夷之樂曰株離北夷之樂曰禁春官鞀師掌教鞀舞注云

舞之以東夷之舞鞀鞀氏四夷之樂注云東方曰鞀南方曰任

西方曰株離北方曰禁疏云出孝經鉤命決文選東都賦注引

鉤命決文亦同詩正義引亦同此一說也詩正義春官疏引虞

傳云陽伯之樂舞侏離鄭注云侏離舞曲名言象萬物生株離

若詩彼黍離離是物生亦曰離公羊昭公二十五年注云東夷

之樂曰株離南夷之樂曰任西夷之樂曰禁北夷之樂曰昧疏

云以下皆樂說文彼注云物離其株物皆懷任禁如收斂陽消

昧然禮正義引白虎通樂元語云東夷之樂曰朝離萬物微離

昧然禮正義引白虎通樂元語云東夷之樂曰朝離萬物微離

地而生南夷樂曰南南任也任養萬物西夷樂曰味味味也萬物衰老取晦昧之義北夷樂曰禁言萬物禁藏此又一說也東西正相反詩禮正義言春秋二方物生與成俱有味株離之義故各舉其一說似非也昧任等皆四夷本名名從主人單字還音故諸書有味味赫休任南朝侏株兜離儗禁儻之異今琉球謂樂妓為株離周煌琉球國志畧卷四下云土妓甚眾謂之侏儗實為傾城之士音則東夷樂株離西夷樂味之名信矣

烏孫朱耶還音義

漢書張騫傳云烏孫王難兜靡為大月氏攻殺其子昆莫新生有人抱置草中狼來乳之又有烏銜肉翔其上後仍為烏孫王虎乳子文烏翼后稷天地好生物亦有之或援以解烏孫烏孫其本名不因昆莫也北夢瑣言云盧汝弼為張潛傳檄云致赤子之流離自朱耶之板蕩謂人曰天生朱耶赤子供我之筆也夢溪筆談云自朱耶之狼狽致赤子之流離不惟赤對朱子對耶亦流離烏名對狼狽獸名按五代史補云沙陀之先出於雕窠中酋長以其異生諸族傳養之遂以諸爺為氏言非一父所養也其後言譌以諸為朱爺為耶則當盧汝弼時俗傳有此說以入文筆不知沙陀言語不通並不呼父為耶稱眾為諸烏孫朱耶皆還音字惜知之者少今對音按巴堅唐楊鉅翰林學士

院舊規契丹書頭及五代史謂之阿保機胡三省通鑑注引虜
廷雜記作阿保基歸田錄云李琪金門集有詔作阿保機而趙
志忠又言實阿保謹蓋還音字或還者不審又或傳久而音自
變如闕氏龜茲南無般若之類致有別讀又當時還音者所不
及料也

吉貝木棉字義

南史呵羅單傳中天竺傳渴盤陀傳干陀利傳婆利傳唐書環
王傳俱有吉貝是吉利之吉宋板譌作古貝爲古今之古彭乘
墨客揮犀云吉貝依南史爲古貝蓋古譌吉程大昌演繁露云
唐書古貝今作吉貝古吉二字不同豈譌名抑兩物此乃宋板
之誤彭程兩論尤輕忽也佛書四分律有拘遮羅劫貝楞嚴經
有劫波羅天所奉華巾觀佛三昧經有天劫貝華大方等大集
經有劫波育一作劫波娑一作迦波羅卽木棉本名單字還音
拘劫迦音轉爲吉又由中國字形吉轉爲古是吉貝必當作吉
利之吉也佛典卽不知唐皮日休給孤園詩云巾之劫貝布饌
以旃檀餌劫自是吉豈得爲古又木棉字本止作木綿謂木中
之綿袁文襄臚閒評云木綿止合作此綿字今字書又出一棉

字爲木棉是棉字亦始於宋此字可云新增不可云俗於六書
法從木從綿省卽聲卽義也

薝蔔音義

薝蔔西域香樹其花黃色六出刻房七道果可作油唐高僧傳
云形如茅根裏甲沙土是也後乃多異說段成式酉陽雜俎云
梔子花六出相傳爲西域薝蔔張鑑南湖集薝蔔詩云衆香不
復推沈水六出分明是雪花周去非嶺外代答云卽蕃梔子花
六出趙汝适諸番志云梔子出大食狀如中國紅花土人采花
曬乾卽佛書薝蔔普陀山志云卽蕃梔子花陸谷菽園雜記云
薝蔔卽山礬花亦名鄭花其葉可染功用如礬蓬軒類記言普
怛落伽山亦同翻譯集義云薝蔔卽梔子一名林蘭依諸說無
果可取油知定非也其言薝音瞻尤非般若經云占蔔之林妙
法蓮花經云瞻蔔諸花香油又云瞻蔔油燈俱藥王菩薩品又云瞻蔔
花香法師功德品勝天王般若經云瞻蔔茄維摩詰所說經作瞻蔔

增一阿含經則作旬匄第十卷大菩薩藏經則作瞻博依元應音
義則瞻博一作占婆亦作瞻蔔亦作詹波瞻蔔迦一作旃簸迦
正言占博迦此單字還音也占旬詹瞻詹旃一音博簸蔔婆波
一音不應雜入瞻音唐顏師古等慈寺塔記銘茹蘆在阪化爲
瞻蔔之林段成式寂照碑瞻蔔惟嗅多羅不斷皆正作瞻視之
瞻流俗短書偶誤作肝膽之膽好字母者又爲膽作一反切遂
致奇誤

拔都還音義

會典屯田司防護陝西三原有元郝和尚拔都墓按元史兵志
宿衛云名忠勇之士曰霸都魯勇敢無敵之士曰拔突世祖紀
張宏範以拔都兵船千艘西掠珠金沙虞集淮陽王張宏範碑
云憲宗賜其祖汝南王名曰拔都拔都者國語勇敢無敵之名
也世祖又以賜王又云張氏史氏俱稱拔都史氏謂天澤家也
盛如梓老學叢談云雪不斛那顏爲領軍霸都侍衛吳澄速哥
察兒墓表云父哈石霸兒太祖嘉其勇鷲錫名霸都今歷城縣
唐王道口元進義副尉張仁墓有李吉撰神道碑云元帥察罕
以拔都呼之賜以銀盃鐫字其上曰察罕那顏賜濟南張拔突
去金帳子裏要飢喫休當者輟耕錄謂漢人賜名者惟史天澤
張宏範張興祖今按宗室表有拔都大王卽鐵速傳之宗王拔

都也表又有合丹八都兒忽蘭八都兒寧海王拔都兒楚王八都兒勲臣有乞里改索羅海阿朮魯阿速拔都折米思卜迭捏拔都兒列食貨志歲賜中兵志至元十七年仍集荅刺罕軍聽李拔都節制站亦有劉二拔都兒卽劉國傑傳云行第二因稱劉二拔都也王楫傳從三合拔都南征張柔傳加河北東西等路都元帥號拔都魯張榮傳云太祖曰真賽因八都兒也完者都傳云至元十三年江南平入見帝曰真壯士也因賜名拔都兒鄭鼎傳云賜名也可拔都耶律留哥傳言薛闡積功爲拔都魯弟善哥襲充拔都魯則入侍衛怯薛中史又有拜延八都魯荅失八都魯劉哈刺八都魯失刺拔都兒苦徹拔都兒也烈拔都兒張拔都郝和尙拔都攸哈刺拔都其言拔都霸都八都魯霸突魯巴士魯拔都兒八都兒與霸都魯拔突皆單字還音卽今巴圖魯史志分爲二明人不深解元語意也乃元人作宋史亦不解元語宋史張威傳云襲金人於大安軍俘其將巴士魯杜杲傳云蒙古攻城拔都魯皆死囚爲之攻城以自贖其時蒙古人在史局者不知其何所爲也

衷藜櫻反切文義

宋書五行志詩妖云桓元時民謠語曰征鐘落地桓迸走征鐘至穢之服桓四體之下稱元自下居上猶征鐘之廁歌謠下體之詠民口也而云落地墜地之祥迸走之言其驗明矣其解迂曲晉書五行志詩妖及通考物異考不載其文蓋由義晦難明刪之今案其文當作征鐘落地丸迸走解云征鐘者衷衣之衷兩合音也征鐘落地者征鐘之廁如魏書于什門傳言披袴後褙褙衷衣落下也丸迸走者下體之稱也南齊書祥瑞志云尙書中候儀明篇曰仁人傑出握表之象曰角姓合音之于蘇侖曰蕭角姓也又八音之器有簫管也史臣曰案晉光祿大夫何禎解音之于爲曹字謂魏氏也王隱晉書言卯金音于亦爲魏也候書章句本無銓序二家所稱既有前釋未詳侖言爲何推

據其解說亦晦案蘇偁傳撰聖皇瑞命記一卷奏之說中候當是記中語史臣意以偁說為是但與何王異未知所據也偁以角姓合音為句而之于無義何王以角姓為句合音之于為句其解義何當作音之于為邾字謂魏氏也王當作金刀之于亦為魏也卯金比例也之于合音為邾宋書符瑞志上云先是周敬王三十七年宋景公問大夫邢史子臣曰天道何祥對曰後十五年君終後四百邾王天下蓋謂魏也邾曹姓魏亦曹姓何言合音為邾乃魏之氏王以其時多反語之于為邾亦為易運期鬼在山禾女連之魏也語曲義隱轉寫又誤人多棄之太平御覽笠部載僅約云雨墜如注瓮披薛戴子公注云薛蓑衣也子公笠也語亦難解輯僅約者俱不采之今案子公乃稷字兩合音言披蓑載稷笠也閻檢此三文見古文章之變焉

○反切證義

三國時孫炎作反語以雙聲字讀就疊韻字即得之後人惡反字因名之曰切蓋兩合讀法緩呼之則二字急呼則一字也論者謂反切自西域入中國且分別反切異義乃不思之過就緩讀急讀法求之春秋穀邱左傳句瀆之邱桓十句瀆穀也春秋遇于垂左傳遇于犬邱隱犬邱垂也春秋垂葭左傳實鄆氏定三垂葭音如鄆也春秋吳子乘左傳吳子壽夢襄十壽夢音萌年乘也春秋密州左傳買朱鉏襄三朱鉏州也左傳先言寺人披僖二後言寺人勃提僖二勃提披也左傳先言公子鉏哀五後言十四且于哀六且于鉏也是皆一字古人緩讀之則二字以反言切之即是反切注謂地之一名人之一名者未明反語義也以此推之大祭為禘蔽膝為鞞茅蒐為鞮詩茲其為鉏丁音寧為鉏行

人爲信。妹婿爲婿。公羊。邾婁爲鄒。不來爲狸。顓孫爲申。鞠窮爲芑。

蕨攢爲芟。蒺藜爲茨。終葵爲椎。負螿爲蜚。不聿爲筆。編笄爲篋。

口齒爲齧。早晚爲寔。居間爲介。還來爲迴。叱人爲喚。何不爲益。

柰何爲那。之焉爲旃。之乎爲諸。之矣爲只。如是爲爾。而已爲耳。

皆見經傳。合讀二字爲一。又有常語。叔母爲嬭。舅母爲妯。姆阿。

爲媽。常行字。山井爲神。七經孟子。未有爲靡。弗曾爲分。不要爲別。

不可爲叵。等物爲底。是麼爲傻。山瓦切。作麼爲怎。不阿爲巴。未有。

阿爲嗎。皆中土自然之言。急讀之卽反切。又析張爲渚鄉。漢張縣今

任邱。潘爲蒲坂。皇甫謐言如。衷爲征鐘。宋書五行志。征鐘櫻爲

子公。子褒僅約披薛戴子公注。子老爲潦倒。癩爲龍鍾。恰爲邱。

八。鑿錄馮涓對蜀。太爲特殺。一作。覲爲麻披。曲爲屈律。圈爲。

屈攀。孔爲窟籠。團爲突樂。餽爲饌饌。衙爲衙衙。就爲卽溜。精爲。

鯽令。荆芥爲舉鄉。古拜則又卽一字。緩讀爲二。亦切法也。溪蠻

叢笑不乃羹。不乃是擺。謂數調之。史記陳涉世家。夥頤。是驚美。

辭分言之。則音爲夥。而頤爲音助。合言之。則音如虺。今人語猶

然。凡此皆反切所出。自然之故。至美之義。見經史正文及小說。

所記方言。彥文其人皆不見。西域書反切不出。西域至顯白突。

鄭樵云。中土人明於目。梵聰於耳。則尤自誣其耳。中國諧聲。是

耳聰也。孫炎作反語。後又互反之。匡謬正俗云。晉灼漢書音義。

楊惲反由嬰。楊舊音盈。吳志諸葛恪傳云。成子闇者。反語石子岡也。

宋書五行志同。晉書五行志作常子闇。又云清暑反楚聲。宋書

云。袁愨反殞門。齊書云。勝憲反始興。又陶郎來反。唐來勞。又東

田反癩童。又舊宮反窮廡。梁書云。同泰反大通。又鹿子開反來。

子哭。隋書五行志云。楊英反羸殃。南史云。叔寶反少福。搜神記

子求日益。齊刻。

云温休者是幽婚也金樓子云高厚者狗號甄異傳云高褐者
葛號宣室志云侵詰者金截隋唐嘉話云盧浩反老胡集異記
云任調反饒甜珍藥反張鑑續異志云盧鉤反螻蛄談藪云蓬
萊反裴龔朝野僉載云叔麟反身戮又寵之反癡種又德靖反
鼎賊酉陽雜俎云洗白馬反瀉白米啟顏錄云天州反偷瓊毛
賊反墨槽曲錄鐵反契緘禿又木桶反矇禿又奔墨反北門窟
後反口缺唐摭言云方干詩草裏論反村裏老譯佛書者亦以
般若反不染其他酒則索郎反桑落物則螞蚶反龜鼈金樓子
云宋玉戲太宰屢游之談流連反語遂有鮑照伐鼓孝綽布武
韋粲浮柱之作顏氏家訓文章篇云世人或有文章引詩伐鼓
淵淵者宋玉已有屢游之誦如此流比幸須避之書證篇云鮑
昭謎字皆取會流俗不足以形聲論也蓋反切以雙聲疊韻或

案疎俗字說文祇有疏

案俗字古僻舞字祇作滋

流為口吃詩故求古反切在方言異文廢辭雅諧微茫之際中
國自言反切佛書自言字母離之則兩美且有字則有反切北
齊書廢帝紀云跡字自反足亦反為跡足責反為蹟也其先亦
有此義說文云風動蟲生從虫凡聲論衡商蟲篇云夫蟲風氣
所生倉頡知之故凡蟲為風之字是倉頡從凡蟲省太平御覽
引春秋考異郵云其字虫動於凡中者為風則凡虫自切為風
也推之舍予自切為舒赤至自切為經赤貞自切為積東疋自切為疎中氏
切為味刺音辣貝自切為賴禿貴自切為積東疋自切為疎中氏
自切為帑羽異自切為翼羽立自切為翊女襄自切為孃女信
自切為伎至秦自切為臻兩云自切為雲日安自切為晏邑牙
自切為邪人延音曳自切為延人育自切為份十育自切為肝
必自切為宓自切為倉衣谷自切為裕欠金自切為欽

案目氏自切為眠當作目冥自切
為眠目与眠雙聲也說文本無
眠字古祇以眠為眠

言台自切為詒。目少自切為眇。角奇自切為觥。火斤自切為所。
火共自切為烘。虫之自切為蚩。羊久自切為羸。月又自切為有。
肉去音突自切為育。肉與自切為腴。佳奚自切為雞。目民自切為
眠。麥可日切為麪。委鬼自切為魏。八弋自切為必。者竹自切為
箸。如此之類。半為雙聲。半為疊韻。李陽冰亦言。矢引為矧。說文
繫傳譏為七書。今略舉之。其類甚多。六書中諧聲一義。豈七書
耶。知兩合為反切。則緩讀急讀。古人用文字中自有反切。兩合
自反。則古人制文字中亦自有反切。度文隱義。又見世俗常言。
亦有反切。反切自中國之學。若沈括引奕為而。犬兩合。此又不
學之過。奕字豈得從犬。亦僧徒之莠言矣。

書古韻標準後

楚詞天問云。勳闔夢生。少離散亡。何壯武厲。能流厥嚴。嚴蓋莊
字。漢人所寫。改管子內業篇云。泉之不涸。四體乃固。泉之不竭。
九竅遂通。心術下篇云。泉之不竭。表裏遂通。泉之不涸。四肢堅
固。通是徹字。漢人傳寫。亦不依韻也。古韻標準云。因殷武詩。嚴
遑。連用屈原。遂以嚴亡為韻。殆不然矣。離騷云。求矩矱之所同。
摯皋陶而能調。七諫云。恐矩矱之不同。恐操行之不調。同調雙
聲。卽韻也。古韻標準云。因詩弓矢。既調。射夫既同。而誤古人韻
文。取其耳順。後人始分韻部耳。迨語音遞變。始取古韻學之古
人無是也。

劫劓字形說
 集韻云劓疲極也亦作劫居偽切又云劫刀取物也紀披切又
 曲刀也舉綺切案顏氏家訓書證篇謂斨劫之民是斨倦義張
 揖呂忱並云劫支旁着刀亦是劓字然則魏志蔣濟言斨劫或
 是借劓之劫六朝人劫劫字俱不分斨實俱假借劫劓則曲刀
 劫斨則崎嶇非倦疲也漢書司馬相如傳子虛賦微劓受詘注
 云蘇林曰劓音倦劓之劓似分劓劓為兩字宋婁機班馬字類
 二十四職列微劓受屈字又從瓦上林賦窮極倦劓注云郭璞
 曰倦劓疲憊也劓劓劓俱不成字疲劫斨劫倦劓均當作劓
 從人卻聲微仰受屈也通作踣劓之劓從尹谷聲

書劉杳傳後
南史劉杳傳云杳在任昉坐人餽昉榕酒字作椹昉問此字是
否杳曰非也葛洪字苑作木旁吝按顏氏家訓書證篇云張敞
東宮舊事以木旁作椹代盞字竹簡反則椹自音盞宋書謝靈
運傳山居賦注云櫛酒味甘兼以療病治癰核魏賈勰齊民要
術卷七作櫛酒法云取櫛葉合花釀之唐皮日休詩櫛酒三瓶
寄夜航注云櫛酒出沈約集音式徑反木名汁甘可爲酒是謝
靈運賈勰沈約自作櫛葛洪任昉劉杳自作榕梁人自作椹俱
於篆文無以下筆正當作初也

鮠字形說

南史梁邵陵王綸問賣鮠者令吞鮠而死又後梁天保中韋琳有鮠表太平廣記二百三十四二百四十六兩載之又有何允門生鮠議俱從只且之且字不可識郭茂倩樂府解題曹子建鮠鮠篇云一作鮠鯪則從只且之且得聲今案鮠可吞鮠表云漱流湖底枕石泥中詔荅云穿蒲入荇肥滑有聞鮠議云鮠之就腊驟於屈申則是今之鱠魚古作鱠單聲廣韻與善同音云魚名異苑言死人髮化也玉篇則鮠鱠同云魚似蛇集韻則鱠鱠鮠同云一說蛇鱠黃質黑文是其字應從旦夕之旦得聲南朝俗字其從只且之且則俗又譌誤或因不識乃改爲鯪王漁洋琴魚詩議鱣鮠與蔬同押實無此物此字近人又改鮠鮠爲蝦蛆益遠矣

亼字異義駁

了鳥雙聲字魏志明帝紀注董尋上書曰土山淵池使羣臣穿
方昇土面目垢黑衣冠了鳥毀國之光以崇無益了鳥音近潦
倒義爲顛倒李治敬齋古今鞋謂音料掉則屈戌也方言亼懸
也趙魏之間曰亼所謂奇字廣韻二十九篠都了切有亼字云
懸貌俱從了鳥別增象形字不爲典要鄭樵通志六書略象形
人物之形云亼男子陰也又云陰謂之亼與亼同體其說怪矣
然猶分兩字李燾五音韻譜明陳大科刻之有序例斥說文誤
字云亼爲男陰蔡中郎王孫賦曰亼瓜懸而瓠垂卽其字也其
說大怪蔡無王孫賦初學記二十九猴部有王延壽王孫賦云
或羣跳而電透或瓜懸而瓠垂言猴攀枝遨戲二或字連文不
容一作亼章樵古文苑作亼蓋或字脫壞樵注云倒了字爲亼

丁了切懸物貌樵望文訓之陳大科所采乃誤為蔡中郎又誤以為王孫之陰又誤合亼△為一字因以說文為誤唐郭湜高力士傳云李輔國趨驅末品小△纖人小△即小厮或作小△亦非

說文重字攷

說文口部吹噓也欠部吹出氣也口部吁驚也于部吁驚語也口部否不也不部否不也口部右助也又部右手口相助也放部敖出遊也出部敖遊也心部愷樂也豈部愷康也土部塗涂也水部塗涂也皆同字同義分見兩部水部滄寒也从水倉聲欠部滄寒也从欠倉聲實亦同字同義一本木部有闕北宋小字本無其他重字見部尋取也彳部尋為古文得字革部鞞防汗也鼓部鞞為古文磬字刀部劃錐刀日劃也畫部劃為古文畫字欠部歎卒喜也喜部歎為古文喜字口部台山閒陷泥地也徐鉉云水部台為古文沈字重出今本沿為古文沈字同部自有沿為緣水而下也心部悍勇也女部悍為古文姦字人部彳古文保字子部彳古文孟字又有或从重字手部孥擁也夂部夂或加手作

𠂔欠部𠂔愁貌口部𠂔或从欠作𠂔水部湮河津也口部唾或
从水作湮心部𠂔敬也口部𠂔或从心作𠂔自部院堅也宀部
寘周垣或从阮作院木部𠂔朽也金部𠂔或从木作𠂔刀部𠂔
判也支部𠂔或从刀作𠂔木部𠂔尼聲實如梨同部尿或尼聲
作𠂔足部𠂔也尸部居俗从足作𠂔其古文或从或聲及俗
从之重字可以假借通之東部東日在木中木部呆日在木上
杳日在木下束部重束爲𠂔並束爲𠂔此可以會意通之木部
業爲辛聲梓爲宰省聲衣部襪爲龍聲襲爲𠂔省聲此可以形
聲通也其李古文作𠂔𠂔又作𠂔𠂔或作𠂔是所从及聲同而
位置不同者止是一字而𠂔爲刊木𠂔爲屋櫨含爲𠂔吟爲呻
衰爲𠂔袍爲𠂔𠂔爲卜問疑占爲視兆問𠂔爲晚旱爲不雨𠂔
爲日明暑爲熱𠂔爲愛慨爲𠂔慨忠爲敬𠂔爲憂恭爲肅𠂔爲
戰栗怡爲和怠爲慢慎爲勉慕爲習悞爲懼愚爲𠂔𠂔爲亂怒
爲𠂔𠂔爲兩手同械𠂔爲斂手批爲𠂔𠂔爲積汙爲溝行水行
爲水朝宗於海𠂔爲語多𠂔𠂔汨爲治水妃爲匹改爲女字古
从十口爲故叶从十口爲衆之和同但位置不同便異音異義
於六書之例未知云何又皿部盟盟同字則省不省同也而草
部苗从𠂔省又萌从𠂔人部保从采省係云古文采不省采云
古文𠂔𠂔又从𠂔則省不省異字水部漢从難省而俗𠂔从難
皆理羣類之難曉達者亦展轉取義兼收衆師說不能同也

緯字論

漢人言緯讖非聖人所作中多近鄙別字頗類世俗之辭恐貽
 誤後生今檢五行大義釋名引元命包云水立字兩人交一從
 中出者為水一者數之始兩人譬男女陰陽交以起一也開元
 占經地名體引元命包云地者易也言養物懷任易變化含吐
 應節故其為字土力於乙者為地此真鄙誤日名體引元命包云四

合共一者為日太平御覽引元命包云日者口合共一又云雨
 口御士為喜又云屈中挾乙而起者為史又云仁者情志好生
 人故其為人以仁其立字二人為仁又云八推十為木八者陰
 合十者陽數亦不可解又云十加一為土廣韻十月引元命包云罔

言為詈刀詈為罰初學記引元命包云人散二者為火說郭載
 元命包云廷尉立字士垂一人以篆形言詰屈折著為廷示戴尸首

以寸者為尉言寸度治法數之分惟尸稽於十舍則法有分未詳

故為尉示與尸寸一切經音義分別業報略集引春秋元命包

云荆字從刀從井井以飲人人入井爭水陷於泉以刀守之割

其情欲人畏慎以全命也故從刀從井也月令正義藝文類聚

並引說題詞云星精陽之榮也陽精為日日分為星故其字日

下生也法苑珠林引說題詞云天合為大一分為殊名故立字

一大為天太平御覽引說題詞云哈之為言口含也別字又云西

米為粟西者金所立米者陽精又云黍者緒也故其立字禾入

水為黍又引考異郵云其字虫動於凡中者為風注云虫動於

凡中言陽氣無不周也文選西都賦注引春秋漢含孳云劉季

握卯金刀卯在東方陽所立仁且明金在西方陰所立義成功

刀居右字成章刀擊秦柱天東流顏氏家訓書證引春秋說云

人十四心為德詩說云二在天下為酉其言或是或否緯直記

之而已漢以泉為白水董為千里草魏以角為刀下用秦以田

斗為卑晉以亨為二月了恭為黃頭小人宋以劉有兩口齊以

桑為四十而有二黠梁以填為一十一月一八又以侯景為

小人百日侯景以侯為天一人周以宣政為宇文亡日隋以業

為苦來唐以元吉合成唐字李為十八子遼以永為潢土二水

史皆記之緯記言而已豈能日持六書之義執談字形述謠讖

之人而一一代之改訂也隋志言東漢俗儒趨時增廣史緯之

體應爾不得云俗儒趨時也

雖觀圖不檢云谷語錄初也
 三八而一一分之也信出則志百東野翁語初微而賦出也
 與晉書之筆語言而古直謂曰世六書之義以
 其書來而自天古合氣書中卒然十八千版以
 小人而自製最始發語不一人風以望其
 卷四十四而林二股氣以賦而一十八及以別
 而古氣以東語口不知流干以草數以所語凡千
 八十四心語語而為之一千五百其言海氣在

佉路瑟叱書論

阿毘曇毘婆沙論卷四十二有佉樓書大唐西域記云劫初有
 百萬頌帝釋略為十萬婆羅門又畧為八千又一婆羅門畧為
 二千五百邊鄙諸國多盛行之印度博學者所不遵習此皆別
 於梵字一切經音義云佉樓應言佉路瑟叱謂北方邊處人書
 是佉樓書卽所謂二千五百頌者佛本行經云佉盧蝨叱書驢
 屑仙人所造佛書為佉盧蝨叱述出身事多涉汗誣梁僧佑出
 三藏記集云昔造書之主凡有三人長曰梵其書右行次曰佉
 盧其書左行少者倉頡其書下行梵及佉盧居於天竺黃史倉
 頡立於中華梵佉取法於淨天倉頡因華於鳥跡是梵為刺利
 佛書佉路瑟叱為婆羅門佛書本不相同久之遂合為一佉路
 佉盧佉樓亦作迦盧其派別為託特亦作託忒乾隆四十六年

設託特學兼習阿里噶里書學生五年考試一等者以理藩院
主事用其字由託忒譯蒙古由蒙古譯清書蒙古字實本佉路
其初契丹字增損漢字之半遼神冊時造者有契丹字契丹小
字金女真字則太祖熙宗造者有女直字女直小字其西則元
昊本佉路而造畏吾字蒙古初用畏吾字謂之衛兀中統時八
思巴作蒙古字千餘其母四十有一趙岫石墨鐫華云蒙古字
法皆梵天迦盧之變也與佛真言相類蓋蒙古字從畏吾來畏
吾字從佉路瑟叱來是佉路衍派亦久中亦遞變如大篆籀文
楷書不惟運筆不同其部從配合全別今蒙古字非元時蒙古
字今託忒亦非古佉路書矣佛書太子對其師密多羅數說六
十四種書貢高自慢疑非其實然如必蘭納失里自然識諸番
文字蓋有神悟焉非能常理拘也

尺水字義

道藏正一部意林載桓譚新論云龍無尺水無以昇天聖人無
尺土無以王天下尺水言其少以喻尺土初學記載趙煜獻帝
春秋云孫策出教曰龍欲騰翥先階尺水者也今本吳志太史
慈傳注引江表傳孫策教誤作尺木梁沈約華陽陶先生登樓
不下詩云側聞上士說尺水乃騰霄雲駢不輒地仙居多麗譙
亦言所居不同龍必近水今亦誤作尺木唐許敬宗鄂公碑云
翠虬騰驤必先階于尺水亦作木按論衡龍虛篇云短書言龍
無尺木無以升天謂龍從木中升天彼短書之家世俗之人見
雷電擊樹木之時龍適與雷電俱在樹木之側雷電去龍隨而
上故謂從樹木之中升天也是漢時已有樹木之說酉陽雜俎
云龍無尺木不能升天尺木龍頭上如博山形此乃道書鄙論

龍額上自有高骨豈得名為尺木古書之水改為木由一孔之人因謬說改之

中代天... 尺木... 龍額... 高骨... 龍額上自有高骨豈得名為尺木古書之水改為木由一孔之人因謬說改之

書五代史唐書末帝紀後

五代史唐書末帝本紀清泰三年三月丁巳中書詰臺司云德音言不在追窮枝蔓無不得追領祇證六字其不在應作不再因傳寫者音誤作在明宗本紀天成三年正月癸亥詔應避廟諱止避正文其偏旁文字不用虧短點畫其不用亦應作不再因傳寫者脫再形之半而成用末帝本紀清泰二年五月庚戌中書奏準敕引此正作不在減少點畫合二書一以用形一以在聲其元文作再無疑也五代會要諱云後唐天成三年正月詔此後廟諱但避正文其偏旁文字不宜減少點畫宜字鉛塗重寫就紙背視之正是在字然則此數條俱當作不再其不在不用不宜皆非也

人與不宜併來也

沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

謂也沈氏始於漢書厥之五長亦不無限此後始見其詳

引書當分義與文說

宋史禮志九成平元年禮官議云尚書盤庚有商及王史記曰陽甲至小乙兄弟四人相承故不稱嗣子而曰及王明不繼兄之統也其文甚奇似盤庚篇有有商及王之文史記有陽甲至小乙兄弟四人相承語而引史記以解盤庚也者汪君文臺云當由孔光語誤今案史記祖丁傳弟南庚復傳祖丁子陽甲盤庚小辛小乙皆弟及小乙之姪距其父祖丁姪時百有九年小乙可云克壽無逸之篇何以不舉史記所言年數或有未實其為及王則是矣其以及王橫牽入盤庚文者漢書中山孝王傳云成帝之議立太子也御史大夫孔光以為尚書有殷及王兄終弟及中山王元帝之子宜為後晉書賀循傳云循拜太常或以惠懷二帝宜各為世循議殷之盤庚不序陽甲漢之光武不

續成帝別立寢廟使臣下祭之咸平禮官蓋取光議尙書循議
盤庚連綴成文謂之尙書盤庚又檢史記有三弟字必是兄弟
四人相承自定其句而冠以史記曰不悟盤庚史記實無此文
蓋引書義與書文不同無學者展轉承之以旁義爲正文其時
禮官惘惘然謂實有此文不可不慎也

弋者何慕仁欲方義

法言云鴻飛冥冥弋者何篡焉注宋衷云篡取也後漢書逸民
傳序引鴻飛二語注云篡字諸本或作慕今人謂以計數取物
爲慕慕亦取也張九齡有弋者何所慕是用後漢書或本及唐
時今人之義後人不當強誣之爲用法言又強謂之誤也淮南
子主術訓云知欲員而行欲方行欲方者直立而不撓素白而
不汙窮不易操通不肆志自是行字唐人孫思邈則自作仁欲
方談賓錄記思邈謂盧照鄰云智者動象天故欲圓仁者靜象
地故欲方傳曰不爲利回不爲義疚仁之方也易曰見幾而作
不俟終日智之圓也云靜象地則是仁非行可知亦見太平廣
記二百十八卷其前二十一卷載仙傳拾遺宣室志及孫思邈
傳則刪動象天靜象地語而改仁爲行蓋一孔之人但知淮南

不知此自孫思邈言不與淮南同凡校書誤者當改不同者不當改也

校改字論

史記封禪書作伏祠索隱引厯忌釋云伏者金氣伏藏之名藝文類聚初學記太平御覽俱同近刻歲華紀麗改作晉志釋蓋不學者以意訂改之余所得明寫本開元占經中引淮南鴻烈閒詰按晁公武云許慎標淮南書首皆曰閒詰是占經用淮南許本其云閒詰者猶云答難箋釋耳後又得一明寫本乃作淮南鴻烈閒話閒話雖可詫然可知為閒詰之誤及檢閣本影寫者作淮南鴻烈人閒訓是校書者從閒話以意改之不悟其文並不在人閒訓也乾隆二十八年二月京報興柱奏文安水利事言從艾頭村圍堰挖口五處放水入淀河艾頭者村名也在文安大城界傳寫者艾行書似其遂作其頭村校者以為不然則乙之為其村頭文理似順而實非矣潛夫論志姓氏云棠谿

案海潛夫論作泊近委郡蕭山
汪氏繼培謂泊是消之誤當作雕
從易消作周是也

氏讀棠啟漢諱啟乃書爲常開苦城氏不喜枯若之字乃更書
古成漆雕氏以書蝨傳漆作梁而雕從易薄作周後復從而分
常氏開氏古氏成氏梁氏周氏古多此類凡事皆有展轉致誤
之由可以理推也

引書字說

山海經炎水之南有元蛇食塵大人國有青蛇頭方食塵乃從
鹿從主之塵藝文類聚於從土從麤省之塵部載之云食塵以
其部目知塵字非誤蓋采錄時寫者誤塵爲塵編錄時以入塵
中宋太平御覽又從類聚轉販之或云唐僧一切經音義卷十
六引異物志曰蚺蛇食灰喬鹿出鹿與巴蛇同案巴蛇食象蚺
蛇食鹿鹿俱唐人所記此食灰是食象因類書致誤觀此悟編
書當有法也文選魏都賦庶土罔寧注云尙書曰庶土交正毛
詩曰庶士有揭赭白馬賦秘寶盈於玉府注云周禮玉府掌王
之金玉玩好尙書曰王府則有長笛賦挑截本末注云聲類曰
挑決也鄭元毛詩箋條枝落之蓋李善以庶土庶士玉府王府
挑截條截二本不同故兩引釋而注不言二本何焯校文選刪

庶士有揭胡克家刻文選疑王府則有以此悟注書當有注校書當深思也

百家姓書後

南史王僧孺傳云劉湛爲選曹始撰百家以助銓序舊唐書高士廉傳云作氏族志二百九十三姓千六百五十一家爲九等李義府傳言士廉氏族勒爲百卷宋沈括筆談云唐時氏族大率高下分五等通有百家皆謂之士族此外悉爲庶姓婚宦皆不敢與百家等按堯典百姓與黎民各稱鄭康成云百姓羣臣之父子兄弟也故古人所謂百家專以仕宦言之漢則百姓以五律相雜二十有五配以四時見白虎通明時官書有千家姓明文衡載吳沈進千家姓表云約爲韻語凡爲姓一千九百六十八名曰千家姓洪武十四年五月朔日翰林編修吳沈典籍劉仲質吳伯宗等進其書今不行宋時有韻語村書稱百家姓言百家者取其名美或曰吳越時書也宋陸游秋日郊居詩云

兒童冬學鬧比鄰據案愚儒却自珍授罷村書閉門睡終年不
着面看人自注云農家十月乃遣子弟入學謂之冬學所讀雜
字百家姓之類謂之村書今其書通行授者自爲一家言如師
鞏庫聶據漢寶融傳有庫鈞自以掌庫受氏此讀曰舍者釋名
釋車云今聲近舍釋宮室云庫舍也物所在之舍也齊魯謂庫
爲舍故庫狄氏亦音舍皆沿漢時齊魯語音今去广從厂當由
姓庫者不能與俗爭音甘去上筆以識之唐參寥子關史言進
士單長鳴言從兩方口者音丹從兩尖口者音善或笑之引呂
台吳俗下矣從天爲方口尖口分別之證時謂之舉妖其情蓋
與庫氏同而庫氏不言遂立庫姓單氏爭之乃得舉妖之目又
見一曹姓言上兩直者曹魏後上一直者曹參後又逢大也以
丰得音今逢姓云從彖是彖服失誼矣查從且得音今查姓從

且亦無音矣左傳黨氏皆讀掌氏掌古作爪從反爪梁四公有
仇姓則爪之譌今孟子年譜及四書人物考至謂孟子毋仇氏
魏公子之後此書止有黨氏是也其省作党亦存尙聲又也音
如額亦如阿元石抹也先卽石抹阿辛而也姓省作也音若彌
廣韻本有哱音卽說文半楚姓而也姓自減一直以避俗音其
情亦與庫氏同明瓦刺有也先其音爲額森止是人名明人否
泰錄正作野仙而對音作也先者疑也爲姓遽改作也因呼之
爲咩森終古彼此不相喻因讀百家姓乃悟其展轉致錯之由
楊慎云咩堅之姓乃鄴侯之鄴省爲贊又誤爲咎其言至通凡
姓氏字各自爲說墨莊漫錄云暨姓居衣切甄姓之人切以爲
異讀而王應麟姓氏急就彊勉呼甄况問暨注云元豐中進士
唱名有暨陶主司三呼去聲不應蘇頌進日當以入聲呼之果

出應神宗問何以知之頌對三國時吳有暨豔造營府之論恐是其後問陶鄉里乃崇安人上喜曰果吳人也則又非居衣切矣蓋有古今音別共一字而有轉不轉之異又方音別老學庵筆記云江西但姓音檀廣韻自有徒干反姓也此又不然江西人自言但他處人聽之若檀江西人聽之自若但此在心知其意也晉書束皙傳云疎姓去足爲束今山東束姓自呼爲壘梁溪漫志云有沈姓者去水爲尤則以一時之見爲之於六書形聲皆不暇問舊唐書僕固懷恩傳貞元五年詔云蔡叔圮族周封其子韓信干紀漢爵其孥侯君集不率太宗存其祀此是韓王信之孥非韓淮陰侯之孥也尚溪織志蒿菴閒話並云土司韋姓言是韓信後蕭何以書屬尉佗佗賜以韋姓韓之半也韋土司以何書佗詔勒之鼎彝田雯黔書則云並無其事姓纂云

覃本譚姓避諱所改今廣西覃姓自呼爲蟬音云韓信之後與韋姓說別與音譚者說亦別也卞爲地名又爲弁卞本弁官氏弁卞篆隸一字也初姓云本祁姓元姓云本元姓成姓云本盛姓皆以隸言之此皆關小學若孔子娶开官氏开本开字卽弁也卽今卞氏漢禮器碑并官聖妃在安樂里魯相復并官氏縣徭孟母仇氏仇乃爪譌卽今党氏與也先不當讀緬先之類皆學士所當知者

左邱明子孫姓氏論

漢史游急就章有邱則剛左地餘采自緯書是古有邱左兩姓
 或合左邱為複姓始宋鄧名世古今姓氏書不足據也廣韻十
 八尤邱注引風俗通云魯左邱明之後又云齊太公封於營邱
 支孫以地為氏世居扶風邱俊王莽時持節江淮不仕避居吳
 興急就邱則剛宋王應麟補注及自注姓氏急就引同是邱氏
 二派一出太公一出邱明邱明子孫為邱姓義最古無疑邱明
 傳春秋而曰左氏傳者以為左史官言之如司馬遷書今名史
 記也春秋傳公羊穀梁題姓者毛詩韓詩之比左傳不題姓者
 齊詩魯詩之比經義考言左邱傳單稱左疑孔門避諱殊不然
 矣難者曰史記言左邱失明厥有國語複姓無疑此則春秋時
 周公為宰題宰周公不必是姓宰周司馬遷後稱史遷不必姓

案此說不通史記何不自史記乎且
 史記本在太史公書不名史記據公羊
 疏云孔子作春秋因魯史舊名曰春秋
 則史記通云可馬遷因魯史舊名曰春秋
 是史記亦有此名不由子長也
 齊魯以地為氏但取一左字安知其為左
 史乎古人每以不詳也

史又複姓古有左人左師左行左史邱則廣韻四十四複姓獨無左邱鄧名世忽謂論語左邱明姓左作左傳者姓左邱以其時賣卜者有左邱怪姓又以一左姓御史言遂造此怪論誣鬼神也難者曰元和姓纂左字注內稱臨淄有左邱明後引晉左思等爲證是在山東者姓左不姓邱廣韻邱字注內稱左邱明之後有河南吳興二望是其族唐前已徙他郡不在山東案廣韻三十三胥左注云齊之公族有左右公子後因氏焉不言左邱明唐顏師古注意就左地餘云魯太史後遂爲姓非臨淄晉書左思傳云左思字太冲齊國臨淄人其先齊之公族有左右公子因以氏焉思家世儒學云云不言祖是邱明後人何得妄改史傳誣左氏爲邱明後廣韻邱云出河南吳興二望吳興是扶風所徙廣韻引風俗通已言之河南之邱魏書官氏志明著胡周長孫奚伊邱亥七族之始廣韻亦以河南邱爲元魏邱敦氏所改姓纂亦著爲拓跋後姓氏書亦言魏臨淮王豆真後爲拓跋裔又著扶風一望均不言是邱明子孫外徙也齊魯邱少達者故門望不著門第書可證有不可證無宋吳曾能改齊漫錄云得吳興邱遲碑言遲邱明後則邱明子孫亦有外徙者特不可謂廣韻中有此說然以此見左思家世儒學不言爲左邱明後邱遲家世儒學自言是邱明後則唐以後言左言左邱者亦可愧矣

此皆妄說左氏傳自當以左爲姓邱明爲左漢人所傳皆無異論段茂堂經韻樓集

中言之甚詳 宋人華夢得謂左氏蓋左氏之後以官氏若已爲左必以言朱子得

是左史倚相之後左氏爲左之部但云左氏世爲史也本家人雖言世理不知朱

子何所取之元儒葉氏望極辨於人之如其說已破左氏更危言日出據甚矣

癸巳類稿卷八

黟縣山水記

黟俞正燮理初

黟縣山起楠木嶺嶺脈來自休寧婺源界之張公山故黟地也
今嶺在縣東南三十五里南則祁門界嶺東北爲天潛山西北
則黃荆菴山又西北爲南屏山山在縣南十里自北望之平起
方疊如屏亦曰城子山其上峭壁斗巖石竇間有龍湫亢旱禱
之輒應上有龍門道院邑志云南屏實南榦祖脈相地家言也
西爲頂遊山東爲林厯山元和郡縣志云林厯山在縣南百五
十里今山在縣南十里依山北百五十里無唐黟治此志誤也
山高二百仞周十里三面壁立徑危仄漢末黟賊帥陳僕祖山
等二萬戶屯其中建安十三年吳將賀齊討平之史言如此疑

陳僕祖山非賊也保山以禦亂尙未屬吳耳云二萬戶并計山下附之者山上爲帥居也今山上寨址猶存鉏山者時得箭鏃嘗求得之小方而銳銅色紅翠隱然土人卽山爲庵宇明時有林厯書院曰道一堂今不可見庵前有峰員起如香鑪水經注云地理志漸江水出丹陽黟縣南蠻夷中北逕其縣南有博山上山有石特起十丈上峰若劔杪時有靈鼓潛發正長臨縣以山鼓爲候博山蓋鑪象矣山之東爲垂珠洞洞窈邃石骨相次卽石刻佛像泉自石出四時滴瀝洞口地脣出可眺覽嘗與古築孫君學道田段程君驥登此程君有詩又與崇義方君燮溧陽陳君斌登之方君有詩其西有瀑布自千丈崖下下有石曲環如象垂鼻瀑布由環出上有仙人棋局石曰入夜或見金燈如流星千百飛墜滿野吳時殺賊萬餘爾後山空無人居血結

起爲燐積陰相沿鬼火赴此如人赴集場不足怪矣迤西則頂遊山山東北至縣十二里一曰丁峰亦曰南山程君驥登此山言自下至上可十里上頂可容兩席地自東北望之甚銳山形如楷字由形者余言此當是丁由山程君曰不然舊有頂遊大王廟古人稱名之意不可知也又西北山陰爲赤嶺山南爲陶嶺通祁門又西北爲觀雨峯字亦作坐音追余見官書麟州如此又西北爲簸箕塢又西北爲武亭山山東北至縣十八里邑志云高二百仞西接祁門界山陰武林水出焉山故凹凸出入亦曰武陵唐地理志云歙州祁門縣有武陵嶺元和中令路旻鑿石爲盤道宋紹興時黃村黃葆光又就樵徑開通之繼有石磴自乾隆二十六年安慶爲省會邑中士夫文書皆繇此道黟田少常糴米鄱陽自祁門排溪擔負者皆過此古築孫洪維易

以大平石修茶亭爲往來坦途矣又北行爲石母山嘗以重九
興官路下注君步鼇登此盡望見縣南山內地又北爲虎嶺山
西接祁門界虎嶺武嶺疑是唐時官私之名舊時夥祁路在此
虎嶺下達於排溪余家先世有墓在嶺西年年過此嘗疑此嶺
爲路令舊蹟惜志乘不能詳也又北行爲畫工尖聳秀似刻畫
者又北行屬之西山由縣西望之如屏疊翠干雲特爲明秀或
曰仙山上有石中文長尺餘如足迹趾南踵北相傳爲仙人迹
旁有杖痕又北行爲釣魚嶺一日相見山山路迴環行久之乃
至舊處對塢而里數已遠故曰相見樵徑皆然也此爲葉村孔
道又東北行爲方家嶺徑大星道也又東北行東南起高峰
曰發龍峯又東南下行爲干絲隊又東南起爲美爵山山自楠
木嶺層巒相屬脈絡甄明大峰突聳如靈鶴振翮獨昂雲霄又

東南爲芙蓉嶂自嶂東南至縣十二里穹岫巖整衆山環拱其
陽奇木錦繁靈石棋分自此東南岡阜起伏爲雄雞峰逕南坑
綿延至東嶽行祠曰龍尾山上有聖母池碧霞元君祠祠北爲
觀音巖東爲靈虛觀觀前石華表上嵌石扁宋大觀元年朱彥
記云此地去縣一里許龍尾山環之事載圖經幾千百歲元豐
中修觀爲記其事是龍尾山名見宋前圖經明正德十六年縣
志亦云東嶽行祠在龍尾山今府縣志僅謂之東嶽山矣觀東
北有社公祠曰龍尾大社山又東北行當縣城南門西縣城循
山東北麓屬之章水府縣志言城包羅東嶽山非也舊唐書地
里志云黟置在黟川卽今城東北之水矣城內山東北行者爲
城隍山東行者爲縣學山

自楠木嶺東北分行者曰天潛山志云以多隱君子讀書其中

故名亦曰石林山有餐霞凹指月尖日月關諸勝下有潭曰空心潭左爲佛頭嶺其行七里皆老松蒼翠亂雲煙有蒼蒼亭上爲鬱確屏取孔叢邱陵歌喟然回慮題彼泰山鬱確其高粱甫迴連義也登屏山爲觀海臺謂雲出鋪海也下循溪爲偏閣左行爲天苔街街轉則天苔巖天苔者響山也又東爲牌嶺牌嶺東屬之休寧齊雲山牌嶺東北行爲復山復山在縣東南三十六里高二百六十仞峰孤峻石壁四絕初學記引輿地志云有五硯二磔亦謂之五硯磔注云硯下根反從良得聲今諸書從良非也太平寰宇記亦作五硯二磔硯磔旁皆有石壇中央有溝才五六尺許水懸出捫蘿挽葛時有至者山陰曰復巖聳翠激流至其上石壁立天際如太古朽木如赭石畫平嶂舊鄉民避寇巖上寇以山上無水思久圍困之鄉民投下生魚示之乃

引去福建德化縣志云酒饌寨山在縣西高峻乏水昔人避賊賊以久圍困之有女子取酒浣衣以示賊賊謂水多也因解圍去事亦類此天潛山之西有山逕水村考川下插坑屬之李村自林厯山東北分行連山相屬三里許有金竹巖羊腸鳥道上通樵路嘗與程君驥夜飲金竹庵月中上望山巔石亭旁有虎次日問之樵人無見也又東爲黃家嶺十里至竹山下會石山林厯山東行者爲青嶺山亦曰千里山山越所據今居民於山巔植松檜禁樵伐隔山望之林木蔥蔚在雲間亦仙境也青嶺山東行爲黛峰峰有塔院塔七級踞石巔下臨水其山陽爲從坑爲託坑山陰爲規竈青嶺山陽東行者爲喬嶺爲魚亭山咸淳志云婺源浙源山北通黟縣魚亭山是也山在縣東南三十五里高二百五十仞

自南屏山東北分行爲大星山山有大石言是落星所成一曰
大仙山
自虎嶺東南分行爲上堂山宋紹興二十七年靈惠廟碑云其
神謂之胥公乾道二年二月一日敕封顯應侯今居民謂之胥
王廟山名志乘不載孫君學道讀碑知之

自畫工尖東南分行連岡複阜一屬之黃村一屬之古築古築
村東曰東山巨石谿衍桐桂交蔭有泉出石間曰石乳泉泉南
有亭曰石乳亭

自西山南分行逕上江村東南逕下江村陳閻張墩屬之余汪
村

自釣魚嶺西北分行逕葉村北屬之嶠徑山

自方家嶺西分行爲程家山東南逕豐口石榔山方家嶺東北
行爲霽巖北逕黃泥坑大星柱杖屬之石埭廂口
自雄雞峰西分行爲金雞石其南行者一逕灣裏後闡閻山屬
之後溪一逕撒家黨屬之月塘一自南坑西行逕七星墩五里
牌舒家林黃柏塢屬之鐘山

自龍尾山北分行逕西門亭屬之缸鉢山其東行者一逕石亭
東南行爲舊庵山爲缸窰山一逕靈虛觀南行屬之程家莊一
逕將軍嶺將軍嶺者吳將軍賀齊廟在焉討山越者也將軍嶺
東南行爲鼓樓嶺在今縣城東五里隋海寧縣舊城也嶺東南
屬之橫岡前爲橫岡水矣

自方家嶺大山至霽巖東行西轉爲石鉢盂山山高五百仞延
袤三十里有巨石廣數十丈中坳如盂盂中雲起則天雨諺云
石盂戴帽田不慮燥又西南行爲碧山有泉名靈惠清冽異於

多日類和 卷八
常泉山面東南高百仞與靄峰尖對峙自魚亭入黟至石山始
開陽西北望碧山峰環百里此山爲鎮矣山麓舊有太白樓或
言唐李白常棲此自終南詩云暮從碧山下山月隨人歸碧山
乃終南謂黟碧山事莫能明宋羅願以至黟歛之李白爲南唐
學士李白事近實矣石鉢孟山又東爲章山山在縣西北二十
里其麓章水出焉循水西南出爲視溪山逕石亭屬之歷下榆
村麻田蔡村江家段沙田章山東行爲九龍山南行逕白干蓬
下四嶺九蓮山屬之古城村章山北行爲長坑山屬之太平米
坑章山東北行爲太陰尖在縣北二十里其山面北前有官鋪
田自太陰尖南行爲石油山有山庵宋嘉定時建或云其時山
石出油供僧廚僧欲以賣錢油乃不出今流泉尙有油香斷碑
猶存接續漢郡國志酒泉郡延壽縣注云縣南有山石出泉肥

如煮肉泊如不凝膏謂之石漆西陽雜俎物異云高奴石脂水
如漆可膏車然燈石油蓋此類夢溪筆談言石油似淳漆延安
府志云延川縣北九十里石油井出石油六月收以塗瘡瘡
亦曰脂水亦曰石液南雄州志云州東北百二十里有油山高
數十仞旁有小穴出油人取以爲利益所在有之石油山南行
爲風來嶺風來嶺南爲戢兵山一日戢矢山在縣北十五里舊
曰石鼓山高百仞周十里新安志云唐天寶六年改爲戢兵引
邑圖云有石如鼓有石人石驢諺言鼓鳴則驢鳴人哭而長官
不利後鑿破遂不復鳴按太平廣記引歙州圖經文與邑圖同
則鼓破在唐以前矣自石鼓山一南行逕軸里北莊屬之軸上
山水光色如展軸看畫焉一東南行逕嶺下至屏山山椒倚上
其上疊石積翠東南行爲吉陽山吉陽山在縣東北十五里新

安志云高二百五十仞周三十五里上有三峰並起斜倚如積
髻曰三姑尖初學記引輿地志亦謂之靈山山多石三年一遇
野火盡燒故老謂之三姑磨新安志云若非磨年百姓放火輒
有雨滅之按磨讀折磨之磨佛家謂之魔劫神仙謂之厄會皆
以年紀也新安志又云中峰有瀑布泉寰宇記云吉陽水出焉
又引新安記天將雨此山先有鼓角之音人以為準亦曰東山
有仙人石仙人盥邑人舒道翁遇異人傳養生訣構庵山前時
有雙鶴來往之異吉陽山東為石印山山上有石平方特起下
有石燕洞幽邃可容百人昔有頭陀居此每擊磬則羣蛇出赴
洞西有產龍石石分列一在山下一在山上凹龍形自吉陽
南行之山盡石山挹秀橋與竹山下對峙吉陽山東行為東文
嶺一曰東頭嶺又南行逕朱嶺下屬之石山東南行逕西遞東

為長演嶺故魚亭道也又南行一屬之循洋臺與黛峰對岸或
以為潯陽岱峰蓋行人遊戲之目黛峰青嶺相接以石色言循
洋水較深矣長演嶺南一東行屬之嶺山即黟山水經注云浙
江又北歷黟山縣居山之陽故縣氏之其說是而此山素不表
見也山亦曰石墨嶺下有井寰宇記云在縣南十六里是昔采
墨之所今為懸水所漂其井轉深即今墨穴也今采其墨僅染
阜耳按舊唐書地理志云黟漢縣屬丹陽郡晉同醫縣縣南墨
林山出石墨故也今求晉同醫縣事無所出當是音同醫之誤
其言黟縣之名由墨嶺是古說本取黟山為義元和郡縣志亦
云縣南有墨嶺出墨石又昔貢柿心木縣由此得名是唐時以
石墨為可用之物可書字由述之者不明顯著書者以意度之
實則石墨即石炭今假借字為煤黟邑惟此有煤又煤苗不盛

稍采入卽爲懸水所漂利小而害大此古事之鑑江南西道煤所在有之不聞以名縣尤不聞以染阜也石墨嶺上或言亦有靈鼓潛發令長候之以占吉凶又東行爲樵貴谷按寰宇記引輿地志言樵貴谷在黟北昔人入山七日至一穴豁然盡開周三十里中有十餘家云是秦人避地者新安志亦同今縣北二都言有樵貴谷地與古應墨嶺下實在縣東南而深山峻谷林樾秀朗亦靈境也元孔齊至正直筆云潘教授言縣有深山入可數百里老民百二三十歲嘗見大木片長數丈廣二三丈木釘相連不用鐵土民不食鹽醬寰宇記又引邑圖有潛村入石洞口悉爲松蘿所翳每求鹽米晨出宋時見有數十家同爲一村新安志姓氏云號爲潛氏迄宋潛姓數十家南唐劉崇遠金華子雜編云嘗有新安人說本邑深山中有一水居人飲此水

率皆長壽儘有二百歲者鄉人謂爲仙源是亦潛村之類康熙時府志則云黟地不及百里豈有山行七日之遠不悟山行多曲巖壑杳深躅澗攀崖百里之間彌歲難窮宋人言之猶是述古元人方言近事靈異遊蹤非俗情所當糾也汪君文臺云梁書海南傳云黃武五年大秦賈人秦倫至交趾送詣權時諸葛恪討丹陽獲黟歛短人權以男女各十人送倫南史亦同按黃武五年全琮討山越恪後九年嘉禾三年討山越六年平之則黃武五年不當有恪所獲蓋全琮越俘之短者非別有短種古事或記載未審不當糾也石墨嶺又南行爲石門山山在縣東南二十里壁立數百仞下瞰溪潭鑿石爲門開一徑僅通人石絕處橫貫木置板以行曰棧閣石門一曰小劔門宋建中靖國時有縣令朱天錫題字今燒鑿山石易以石道又南行爲桃源

洞山骨秀出臨水道鑿石入五尺許就石崖突出處爲屋於門
題之爲洞府縣往來官路也自樵貴谷東行南屬之石門坦自
東頭嶺東爲源嶺又東南爲靄山山在縣東南二十里其峰巖
重如人大坐又東南爲巖嶺屬之噎潭自巖嶺南行爲艾坑一
西南行爲靄岡一南行爲張坑一東南行屬之界首休寧界自
石鼓山東行者爲北莊嶺東北屬之奇墅自太陰尖西北行者
爲五溪山山在縣北六十里山北有五溪常有雲氣隱蔽其上
山半有石崖下有龍湫歲旱禱者以壺取水水涌壺中者霖雨
隨至其北屬之太平界五溪山陰舊屬石埭秋浦後集云五溪
山在縣南百二十里上有五溪合流而下歸於舒溪至魯港入
江是也太陰尖東北行者爲羊棧嶺踰嶺程十五里嶺北有數
十家曰樵樹下亦曰拙曙驛樵樹拙曙音相亂也自江寧至黟

羊棧爲捷道向置鋪遞府志云寇自池發者警先黟謂此路也
又北屬之太平油竹坑羊棧嶺南有石門嶺巖石深峭春雨後
瀑布懸飛有勝致羊棧嶺東行爲牛泉山山在縣東北五十七
里志云高九百五十仞寰宇記引輿地志云牛泉嶠通廣陽縣
自下上九里一頓凡九頓山常風樹合抱而高不至丈當頂有
泉方丈餘俗云牛跑所致亦猶虎跑泉也山上僅通樵徑雖盛
夏亦衣襦側徑時有斃石處蓋舊通廣陽道廣陽卽南陽隋唐
縣唐省入涇卽今石埭西北之陵陽矣其北則爲牛泉坑其南
爲邕溪源牛泉山南行爲黃堆山山在縣北三十里山頂平曠
昔泗州西峰五溪結茅於此曰西林寺今山上有大聖庵西林
遺址也黃堆山南行爲雷阜屬之雷岡頂黃堆山東北行屬之
歷舍黃堆山東行爲梓嶺下爲梓路寺南屬之東山珠嶺黃堆

山北東行者屬之休寧潘村自梓嶺東南行一屬之潭口一屬之珠川一屬之大周山山在縣東南二十二里石壁幽峭芳叢蘭坂香潔靜明延佇者忘疲矣一屬之天井山山在縣東南二十五里山麓有府均井禱雨有驗目曰府均勝井府均之名莫能明也又南行逕程村屬之休寧西源嶺自黃堆山北行者逕里仁屬之休寧雙嶺又東爲黃山自楠木嶺至此岡巒連絡不斷迴環盤互止一山也其上自楠木嶺至方家嶺爲寧國山行脈自楠木嶺至雙嶺爲杭州山行脈

黟縣水有六一會於石山曰章山南水曰石鼓山水吉陽山西水曰方家嶺南水西武嶺水一會於魚亭曰石山水曰潘山水託坑水曰金村水插坑水石門坦水曰魚亭水一會於靄岡曰魚亭水曰靄山水一會於休寧東亭橋曰羊棧嶺南水吉陽山

東水一會於休寧東夾溪橋曰東坑水而東亭以上水會之以下爲新安江一會於石埭河口曰方家嶺北水曰章山北水曰羊棧嶺北水皆入大江

章山水漢志所謂漸水也其南源南行逕章溪過水口廟下石鉢孟山水自西北來入之南逕規溪山石犖确水行如在規中出規溪尼菴西石壁有宋汪綱等遊記下過西門橋逕何村爲放生處溪水渟流魚聚影焉東南逕歷下舊曰歷陽里有唐建精林院又東南逕榆村又東南合石鉢孟山西水曰雙溪石鉢孟山西水東南行東北納霽頭水逕芙蓉嶂東下爲場口又東南逕百戶村百戶村有三明王用從太祖戰死敵世襲百戶子孫以爵名村矣又東逕黃衣坦又東入章水爲雙溪雙溪下有石堤捍水使北明嘉靖時工也堤之西南有梁時舊注入今城

西北隅出今迎靄門右東達於黃姑墅以溉田曰橫溝今溝上皆民居歲二月啟濬以爲常章水循堤東北行至和尚塍塍所以護廣安寺後地畝也初章水由缸鉢山下至今城西北一由東北出廣安寺後自堤成而水俱北行塍成而水折而東南逕城北門廣安寺前又東逕東門梅溪又東南至江家段沙田而會石鼓山水吉陽山西水

石鼓山水出山南南行風來嶺水自北來入之又南行蓬下水自西北來入之又東南行北莊水自北來入之又東南逕朱村屏山水自西北來入之又東行爲吉陽山西水吉陽山亦曰三姑山黟縣山水紀略云昔有三女飛行吉陽水上或叩之曰余石埭人也遂不見水上有三鯉魚余按陶潛搜神後記任昉述異記文選劉孝標重荅劉沼書注引宣城記並云宣城臨城縣

蓋山上有池舒姑者性嗜聲音化爲水聞歌則泉漏洄流有朱鯉一雙以圖書證之爲今石埭舒姑山吉陽水上三女子殆舒姑歟又西南行逕古城又南行逕古溪獅坑水古城水自西來入之田段程君驥葉村葉君有廣好小學及地里嘗得古溪西故渠窪地溯行過高圻至廣安寺後長生橋曰古章水分出此故舊志乘言夥者若元豐九域志以吉陽爲黟川所合多也今則章水源遠而合多吉陽入章水矣石鼓山水吉陽水自古溪南行至沙田入章水又南行逕東山下過橫岡橋東會方家嶺南水西武嶺水

方家嶺南水出嶺南其東源許思塢西源冷水坑合流東南逕程家山又南逕豐口爲豐溪又南逕胡村納霍溪水霍溪水出釣魚嶺北會於胡村南行逕後闡又東南逕陳閭山下又東南

逕後溪至余村月塘水自西南來入之西合西武嶺水西武嶺
名武亭山一名武林山謂浙武林水出此一名武陵山謂水爲
武陵源黟有桃源之稱由武陵也水出嶺下東北東逕官路下
又東畫工尖南水虎嶺水泉石嶺水自北來入之又東行北納
黃村水南納赤嶺水又東行逕古築頂遊山水逕下洪山來入
之畫工尖北水自西北逕烏石注西千田舍來入之又東行陶
村水自南來入之陶村在頂遊山東北其居曰五柳舍靖節里
蓋淵明後裔又東行過古村心驛北過萬松橋橋材言一石成
之石由蛟水送至嘗過其橋三空工緻堦欄階路割切石材八
百餘其事可言奇矣橋南有萬松亭旁有醴泉其地獨高南屏
山水自南來入之又東行林厯山水自南來入之南眺博山去
水不遠程君驥言水經漸江注云逕其縣南博山讀史方輿紀

要浙江海引防險說云浙江之源始於黟之林厯山一線之源
合流萬壑是依酈道元言浙源爲武嶺水程君居田段葉君居
村心孫君學道居古築三人皆能道古皆家臨此水共持此議
水又東行至汪村合方家嶺南水逕余村東余村於此構雙溪
書屋又東行逕田段北又東行過閭場舒家林水舊庵水自北
來入之間場當縣治南古橫江所由名也瀾文波色有浩渺煙
霞之觀矣又東北行過葉家灣會章山南水石鼓山水吉陽山
西水東行至石山

石山會諸水在縣東南十里連山夾峙播液發靈清淺則鳴漱
盈滿則奔駛東至潘山東頭嶺水自北來會之

潘山水出東頭嶺南逕西遞東又南行西遞西水自北來入之
西遞在府西舊爲鋪遞所由東頭嶺東路則出東亭橋西遞水

又南行長演嶺西水自東來入之山壞樹木蒙密春花上浮木
杪望之不見土石又南過十里鋪橋又南行出潘山東行合石
山上水託坑水自南來入之又東行逕黛峰下望塔院趾盤嶠
挺東逕規竈迴沈澗浥最深靜處也金村水自北來入之
金村水出長演嶺南會石墨嶺西水逕金村出規竈會經流東
行逕循洋臺山後舊有龍屯依山踞崖泓水澄澈人屢擾之龍
乃徙去循洋水中釣臺矗立波際乾隆戊申邑人王毅程學禧
胡德藹等於崖間新開魚亭路構亭以息行人巒影送青波光
激素負擔息肩者亦踏足掉頭若有評賞則知雲水怡曠智愚
同心矣又東逕金鐘潭俗言黃堆山西林寺舊有金鐘朝旨昇
進鐘至此入水金石交不解遂棄之山水相遭自傳空籟耳佞
佛之言固難究詰也又東行石墨嶺東水自北逕樵貴谷來入

之其地舊有桃源書院歲久傾廢又東逕桃源洞下又東插坑
水自南來入之又東南逕石門坦石門山水自北來入之又東
南行至魚亭會魚亭水亭在縣東南三十里在魚亭山北五里
寰宇記云西江魚船至邗門縣舍舟登陸止此東水次淹留待
船故云魚亭咸淳志云黟舊有四亭入墅魚亭其一也方輿家
以爲停留之停未知是否按魚亭之魚必不指西江魚船若亭
墅之亭本是停留之義亦不須疑也入墅今止有奇墅

魚亭水出楠木嶺東東行至水村會黃荆庵山青嶺山水東行
逕喬嶺瑪川至魚亭出永濟橋東南逕攏風灘灘上舊植柳數
百株會經流東南行考川水自西南逕李村來入之脾嶺水自
南逕霞阜來入之又東南會靄岡水

靄岡水出源嶺南逕上坑又東南逕靄山東又東南逕苦竹林

又南逕艾坑又南至靄岡會經流又東行復山水自南來入之
又東入休寧界

休寧東亭橋在黟界東十里故黟地也納黟羊棧嶺南水水出
嶺南南行逕盧村考溪源水自西北來入之又南逕際村邕溪
源水自東北來入之又東南行十都南湖水自北來入之南湖
者十都引邕溪水環注村中而瀦於湖上植桃柳其水淵渟荷
菱發香鱗遊不浚湖東偏有石特高起湖水由堤下出又東南
行橫山梓嶺水自東北來入之又東逕東山下北莊嶺北水自
南來入之又東過珠嶺下裏田方坑水自東北來入之又東逕
奇墅又東爲魚山溪又東逕社禾木坑水自北來入之吉陽山
東水自南來入之又東南逕潭口阜嶺水自北來入之又東行
珠川水自北來入之又東南逕木魚大塢水自西來入之又東

逕王村王塢葉村水自北來入之又東南行源嶺東南水吳村
水自西來入之又南逕程村府均水自北來入之又南逕噎潭
潭在縣東南三十五里石壁削立水觸石盤渦面狹底闊深不
知尋丈宋嘉定時歲旱郡守禱祀得雨爲立龍神祠潭南岸有
怪石三數卓立如人鄉人呼爲石新婦又南行出東亭橋休寧
謂之北源水至白茅渡會靄岡以上水新安志記吉陽水云至
白茅渡入縣界專言吉陽水者時章水入吉陽也云入縣界者
蓋休寧記納黟水之文羅君誤編入黟縣中其致誤之由可知
今府縣志乃言吉陽水過噎潭白茅渡會橫江章水出石山是
讀宋人之書而不知其意又不知吉陽有東西兩水而移噎潭
白茅渡於古城古溪沙田之間不辨地里所在矣

休寧東夾溪橋在黟縣界東三十八里故黟地納黟東坑水水

出東坑東行逕里仁又東南行夾溪歷舍水自西來入之又東
南行梓坑水自西來入之又東行入休寧潘村界阜嶺北水自
南來入之又東逕休寧藍田出東夾溪橋休寧謂之夾源水會
東亭以上水東行爲新安江下爲浙江古漸江水也漢書地理
志云丹陽黟縣漸江水出南蠻夷中宋祁校云漸水入沅疑此
無漸水漸字當作浙字此宋時官校交課者之妄也羅願新安
志云漢志蠻夷中唐盧播注山海經引之作率山今休寧張公
山與山海經合說文云漸水出丹陽黟南蠻中戴氏震云漢志
夷字衍蠻中應作率山今檢漢書地理志言出徼外出塞外者
水首見此縣而源在徼塞外也其源在此縣而地未闢者則言
出蠻夷中北地郡歸德縣云洛水出北蠻夷中郁郅縣云泥水
出北蠻夷中漁陽郡白檀縣云濡水出北蠻夷中

此濡卽濼唐本誤作洳顏

注呼鴟反此依水經濡水注引是晉魏時本

與此南蠻夷中相對知蠻非率誤中非

山誤夷字非衍說文落夷字耳言蠻夷者吳志屢言討平山越
後漢書度尙傳言杭徐試宣城長悉移深林遠藪椎髻鳥語之
人置於縣下由是境內無復盜漢時南方置縣皆大如今湖南
地兼苗族臺灣地兼番族時山越卽蠻夷由戶籍不同今張公
山自有水入漸江校量道里章水源更遠也

會於石埭河口者黟之方家嶺北水水北行逕王村又逕猗徑
墩上水自南來入之昔嘗讀書猗徑汪氏莊屋在水東常倚徙
橋上俯視碧流澄澈念謝華啟秀有義山語云長溪清潄流影
不去文境符合而李義山集中無此語蓋佚篇矣又北逕大星
其北雙河口葉村水自西來入之葉村山水敞靜夏夜無蟲蚋
又自雙河口東行至柱杖村石埭大猗嶺西北水自西南來入

之又西北行至廂口又西北行至太平林村章山北水自南來入之

章山北水北逕章溪出水案有長坑水自西來入之五溪山水自東來入之又北逕太平登塔橋會於林村又會於石埭河口羊棧嶺北水出嶺北逕樵樹下北行牛泉山牛泉坑水自東來入之又東北逕太平油竹坑宏潭會於石埭河口由涇南陵蕪湖入大江高淳縣志丹陽湖有三源其一出徽州府黟縣者為舒泉按舒泉以經石埭舒姑泉下得名其入高淳湖亦以東壩未築時言之

黟水清而不寒其味甘水深淺皆見底多石骨邑人多飲井水味尤腴云水從土中過能養人船至魚亭簾至石山

駐劄大臣原始

太宗文皇帝滿洲國天聰九年得傳國璽於元小王子裔察哈爾林丹汗先是林丹汗屢犯邊睿親王征之林丹汗走死其蘇泰福晉以其子額哲籍畝來歸封額哲親王游牧義州於是時外藩蒙古十六部四十九貝勒及土默特天聰三年來歸兩旗會於天眷盛京合辭上

尊號明年太歲丙子改元是為我

大清崇德元年崇德三年正月左翼土默特天聰六年來歸奏喀爾喀

札薩克圖汗犯歸化城二月丁酉

太宗親征出邊科爾沁天命四年來歸札賚特天命柰曼天聰元年敖漢元年札

魯特二年阿魯科爾沁六年四子部落七年茂明安八年巴林二年翁牛特

七烏珠穆秦八年十一部從征又郭爾羅斯都爾伯特以天命時來歸吳拉忒喀拉沁天聰七年來

求日益齋刻

歸蒿齊特克什克屯天聰八年來歸阿霸垓蘇尼特鄂爾多斯天聰九年來歸未赴調不列又阿霸哈納爾於崇德時來歸皆為內札王子過與安嶺而明之邊臣懼喀爾喀侵軼以薩克

大清兵報示之喀爾喀探之而信遂遜是年明崇禎十一年也三月喀爾喀三汗使來六月設理藩院治各蒙古事七月丁卯諭遣喀爾喀使漠北喀爾喀西域厄魯特皆元故臣也元裔察哈爾既臣服而札魯特柰曼敖漢巴林又喀爾喀舊部故

太宗諭召喀爾喀喀爾喀亦元青吉斯汗後也是年厄魯特伊札胡圖克圖下宰桑十七人來朝七年西藏黃教第五輩達賴喇嘛班禪胡圖克圖和碩特顧實汗使人來朝約同行善事第五輩達賴阿旺羅卜藏嘉睦燦顧實汗孫也先是唐古特四部曰青海曰喀木曰衛曰藏顧實汗逐唐古特汗自處青海喀木而以藏衛處達賴班禪乃逐紅帽大寶法王花帽二寶法王黑

帽三寶法王是以顧實汗與達賴班禪三使同來時自藏衛青海東北行阻於喀爾喀顧實汗又與別部厄魯特不睦使者自言繞仇敵之國行經四萬里也始者蒙古番子尙紅教宗喀巴者為觀世音化身學紅教於薩迦廟而忽歸黃教二弟子達賴班禪轉世行教持咒至驗當明中葉時已出紅教上番部向服喇嘛下設第巴第巴下始為汗王東西南北數萬里視為天神喀爾喀以入藏隔於厄魯特則自別奉大喇嘛哲卜尊丹巴胡圖克圖而亦本於宗喀巴藏衛二喇嘛卜言東土有聖人出當一統故遣使貢方物以振興黃教為言八年

賜達賴班禪書喀爾喀託雅泰等來歸時欲全收喀爾喀而

太宗賓天

世祖章皇帝御極受朝時喀爾喀使臣在列也是年天下定三

部喀爾喀無事順治二年撫顧實汗鄰部西寧暨河西各土司三年蘇尼特騰吉思與睿親王不合偕公主北走投喀爾喀我兵追之圖舍圖汗子及碩雷汗子以兵五萬迎騰吉思我師敗之初喀爾喀欲害公主騰吉思哭曰

太宗皇帝仁育萬國我奈何背恩害公主耶喀爾喀乃止我師亦迎公主還五年喀爾喀來犯喀倫敗去六年二月睿親王征姜瓖欲並征喀爾喀行三日馬瘠道乏水止八月瓖誅十月徵敖漢札魯特察哈爾烏喇特土默特四子部落兵征喀爾喀至喀屯布拉特不見賊而還七年厄魯特渾台吉使來朝九年達賴喇嘛朝

京師築北黃寺居之其行也

接見於

南苑德壽寺

賜金冊印遣王貝勒等護送之

賜厄魯特顧實汗金冊印十年圖舍圖汗車臣汗兩部喀爾喀掠巴林部又來索歸順同部蒙古

命宣威大將軍安親王岳樂討之尋以喀爾喀入貢撤兵十三年厄魯特糾邊夷入犯西寧劫奪牛馬拒官兵

詔大臣至西寧衛訊理按例賠償番子在明屬蒙古者歸厄魯特聽納進其舊屬明者役於中國厄魯特不得爲寇災番子自西寧北沿甘涼西至回地南自河州以南至四川各邊抵察木多南迄雲南在唐爲吐蕃後分二三百部不相統忽弱忽強明人謂之海寇明季厄魯特自甘涼北邊越中國地橫侵之遂役於厄魯特厄魯特居青海者和碩特最強其他土爾扈特輝特

喀爾喀寄牧十八家時時盜竊遂移臨鞏總兵於西寧衛以鎮之十七年詔禁歸化城喇嘛私往厄魯特喀爾喀十八年賜喀爾喀丹津喇嘛敕印時喀爾喀七部跳梁漠北厄魯特四部據西域綽羅斯特渾台吉最強盛伊犁雅爾額爾奇斯烏魯木齊巴里坤縱橫五六千里皆所轄和碩特顧實汗既據青海又以兵入藏滅藏巴汗據有其地之圖伯特衆勢俱張盛甚世祖時天下初定

聖祖仁皇帝嗣位四輔臣未遑治也康熙三年喀爾喀貝勒古木布伊爾登來歸四年台吉巴爾布冰圖來歸十年禁藏中唐古特喇嘛無故來京十三年

賜喀爾喀札薩克阿海岱青喇嘛敕印時吳三桂反三桂與達

賴喇嘛通好達賴爲三桂請赦罪不許十四年察哈爾布爾尼反先是額哲卒弟阿布奈襲阿布奈以罪禁錮立其子布爾尼至是吳三桂反調其兵南征布爾尼遂反

命撫遠大將軍信郡王鄂札及副將軍圖海討之布爾尼走至札魯特貴勒蘇台科爾沁部沙津赴調遇而射之殪乃分其衆爲八旗移宣化大同邊外西至歸化城東至克什克屯北至內札薩克各旗南自太僕寺牧廠中抵朔平邊是年青海諸番部與厄魯特戰有功十六年厄魯特綽羅斯特破青海和碩特初綽羅斯特渾台吉卒子僧格立僧格爲其兄車臣巴圖魯所殺立其子索諾木阿拉布坦僧格弟噶爾丹入藏爲喇嘛還伊犁殺索諾木阿拉布坦而遣使乞封於達賴喇嘛達賴喇嘛封爲準噶爾博碩克圖汗是爲準噶爾其衆曰厄魯特其部曰衛拉

特古曰瓦拉其居曰伊犁其派曰綽羅斯特噶爾丹既立取青海和碩特車臣汗女而往青海殺車臣汗擄其人畜歸五月甲午使來告功進所獲弓刀

聖祖却之是時聖祖方銳意討三藩亦未暇治噶爾丹噶爾丹經歷既多能忍多謀所屬人又最强悍耐苦戰其所破者回部之撒馬爾罕布哈爾哈薩克布魯特葉爾羌喀什噶爾塞拉木土魯番哈密皆素號強富敢戰之國噶爾丹所向皆摧服屬之又約束都爾伯特輝特南向威令至衛藏喀爾喀者全據古北匈奴地元人所以起也西域原所制自厄魯特日習戰鬥武藝遂強喀爾喀自阿魯泰時已不及之其地背負俄羅斯俄羅斯為近百年域外絕大之國東南接漠南則又皆我內札薩克以是局促益不及

厄魯特又內亂年饑人心離散圖舍圖汗又執札薩克圖汗殺之而奪其妾策凌三部亂

聖祖憫之二十五年春使大臣偕第五輩達賴喇嘛使為之和解第五輩達賴已於二十一年死矣初達賴既立噶爾丹又通吳世璠雲南書噶爾丹以為可挾而逞也及其死則使藏第巴桑結偽為達賴猶在者言喇嘛入定不見人中國未之知也達賴使行噶爾丹使其弟多爾濟札布台吉隨覘之以圖舍圖汗待達賴使無加禮罵圖舍圖汗圖舍圖汗怒殺多爾濟札布台吉與師攻噶爾丹噶爾丹大憤謂喀爾喀大悖逆不敬佛乃敢輕蔑喇嘛使又殺其弟遂使喇嘛千餘人入游牧於喀爾喀二十六年九月圖舍圖汗以噶爾丹分兩路入占牧地出兵迎擊不勝即亦安之噶爾丹遂揚言借俄羅斯兵且至矣喀爾喀探

之無其事喀爾喀守備懈而噶爾丹言之不已二十七年
聖祖遣理藩院尚書阿爾尼備邊兼約達賴喇嘛使和解之噶
爾丹故與謀達賴喇嘛事者使至又偏護噶爾丹噶爾丹既至
則壓喀爾喀而軍游牧喇嘛從中應之圖舍圖汗倉卒拒戰大
敗傾國東走時俄羅斯方與我爭雅克薩用兵四十年矣
聖祖意不欲與戰俄羅斯新汗亦請和既有成約內大臣索額
圖等奉使經喀爾喀東部車臣汗地喀爾喀揚言
大兵來救已六月庚申使來乞援使臣不許阿爾尼亦入於軍
丁卯噶爾丹具書來使臣具檄曉諭之得畢使事噶爾丹復踐
之喀爾噶部落散亡牲畜盡其地皆空噶爾丹據之圖舍圖汗
札薩克圖汗子厄爾克阿海巴朗車臣汗子烏墨特及哲卜尊
丹巴胡圖克圖前後糾餘眾投漠南叩關求撫

聖祖以此

太宗聖意也收而贍養之又以曲在喀爾喀
遣使慰噶爾丹使率眾西歸噶爾丹兼有西域回部青海漠北
則益驕蹇不奉

詔二十九年侵託多厄爾德尼又揚言來侵昆都侖五月遂犯
汎界至烏爾會河當是時

聖祖既平三藩定隴蜀收臺灣和俄羅斯天下無事以噶爾丹
勢熾既入犯其志不在小且喀爾喀不可使無游牧也六月辛
丑集大臣於朝大猷軍恭時王常寧神出克勤貝勒王訥赫
下詔親征賊既破喀倫復東趨越烏闌布通而南距京城僅七
百里甲申遣人齎

敕諭之七月乙未撫遠大將軍裕親王福全師出古北口壬寅

駕至邊牆噶爾丹人來其書言喀爾喀我仇也因追之闖入
天朝汎界我在

大皇帝道法中不敢妄行因乞圖舍圖汗及哲卜等丹巴胡圖
克圖乙巳安北大將軍恭親王常寧師出喜峰口康親王信郡
王奉 命屯歸化城噶爾丹書以六月二十七日丙戌發明日丁亥噶
爾丹北去至烏蘭布通撫遠軍及之噶爾丹大敗奔高山頂相
持久之始得去我師追之噶爾丹頂威靈佛立誓不復內犯捷
奏至烏朱穆秦

御營八月己未朔

迴鑾丙寅

還宮丁丑

命簡出征各佐領下各十數人留備之餘俱撤歸十一月甲辰

噶爾丹使達賴喇嘛領厄魯特各台吉上

尊號

聖祖既疑達賴喇嘛數偏護噶爾丹長惡作慝無勸誠意其道
行不類噶爾丹又久據漠北不肯歸虛言頌揚無為也却其表

貢物發還三十年四月丁卯

聖祖出塞五月

駐蹕獨石口外多倫諾爾喀爾喀三汗哲卜尊丹巴胡圖克圖
及各台吉朝見皆還其職以其七部為三部東路曰車臣汗烏

巴什中路曰圖舍圖汗察琿多爾濟西路曰札薩克圖汗策妄

札布為三十七旗此本數也今滋暫指游牧地使比內札薩克

四十九旗本五十九旗歸化城土默特兩旗復

詔建彙宗寺以示興黃教癸卯

還京師三十一年以前征噶爾丹時烏鎗便利立火器營朝鮮

國王進烏鎗三千桿得

旨嘉獎永停朝鮮黃金及藍青紅木棉布貢三十二年達賴喇

嘛入貢

賜第巴桑結爵藏王罷西寧番族給蒙古納進例是年噶爾丹

兩遣人窺根敦岱青二十三年正月噶爾丹居庫克胡東之杭

幾爾察克窺根敦岱青無所獲遂侵喀爾喀又誘喀爾喀札薩

克叛歸舊游牧喀爾喀以

聞是年

賜西藏第巴金印

頒三十四年時憲法列蒙古各游牧節氣三十四年二月噶爾

丹奏索圖舍圖汗及哲卜尊丹巴胡圖克圖七月又奏言之八

月犯汎界至克魯倫河搶掠邠睦札爾託音

詔杉穆巴岱青墨爾根濟農謹備之噶爾丹使私約喀爾喀圖

舍圖沙津為內應夏

駕行圍木蘭沙津奏之得

旨誘之來於是噶爾丹進屯巴顏烏闌三十五年二月丙辰

聖祖親征出獨石口過噶爾圖至西巴勒台

遣人諭之且告以

皇帝出塞爾當來決戰若不戰而逃是無恥也噶爾丹亦偽言

傾國東來且借俄羅斯兵六萬至

大軍遂進至枯庫車爾噶爾丹猶不信

親征也內行至克魯倫河登北孟納蘭山望見布隆

御營黃幄布城網城大驚遽去五月高山望良不
駕至克魯倫河獲其輜重噶爾丹趨西路軍於土喇河於是北
路平北大將軍馬思哈至巴顏烏闌搜討而西路撫遠大將軍
費揚古將軍孫思克康調元邀噶爾丹於特塔克濟敗之轉戰
至昭莫多大敗之斬其妻阿努喀通殺帳下厄魯特二千餘人
又降其丁壯獲其牛羊一千餘萬噶爾丹既懾於

聖祖威靈不敢敵其所喪亡又皆部中精銳則自盡殺其部中
婦女老弱輕騎以逃道中遺漿渾脫及贖酪無算我軍盡收其
逃散部落捷奏至

聖祖自克勒和碩迴蹕

御筆銘察罕七羅拖諾山昭莫多各三十二字八月策妄阿拉
布坦使來甲午

諭策妄阿拉布坦送噶爾丹策妄阿拉布坦者索諾木阿拉布
坦弟也噶爾丹殺索諾木阿拉布坦僧格舊臣七人偕策妄阿
拉布坦逃居土魯番畏噶爾丹故恭

朝命時噶爾丹居札薩克圖之博羅烏那罕空津札巴哈九月
聖祖以噶爾丹窮蹙欲降之

親巡塞外十月至白塔進至鄂爾多斯旗噶爾使人來
詔數其犯汎界之罪又示以待喀爾喀
恩例招撫之

諭之曰以七十日為期噶爾丹若不親至者必進兵矣十一月
自東斯垓班師

命理藩院豫立台站自獨石口至寧夏並察勘行塗宿次以待
方噶爾丹之遣使也授以書歎息曰天下人果不相同

列已類稱 卷八
中國仁聖太平皇帝神靈奇異我所屬之人皆往屬之矣爾至
大皇帝所觀其侍從大臣行止若何歸日商之因泣下使者至
漏言於我大臣

聖祖聞而憐之故益欲其降而噶爾丹卒不至是年哈密內附
三十六年二月丁亥

親征駕出寧夏策妄阿拉布坦與哈密同子都拉達爾罕執送
噶爾丹子色布騰巴爾珠爾而噶爾丹逃於薩克薩圖呼魯克
之南格隔特哈朗古特

大兵循賀蘭山而西時方得達賴喇嘛詐偽事乃
降敕召噶爾丹我使至薩克薩圖呼魯克噶爾丹遣人受書去
不報

聖祖親征時第巴桑結遣尼瑪瑯胡圖克圖至具言達賴以戊
年故今十六年小達賴生十五歲矣達賴遺言小達賴有避忌
不宜參拜故未具奏今案其期達賴以今年十月二十五日出
定迎呼畢爾罕坐牀振興黃教是在
大皇帝求

大皇帝勿豫示人並封進賴臨終牀簀尸鹽拌像

聖祖以其事神異且十六年兵戈之劫情事悉合
許爲秘之使尼瑪瑯胡圖克圖固封表文拌像而遣之歸約以
十月後再入

覲而第巴又自遣使於策妄阿拉布坦我使臣於三月約策妄
阿拉布坦兵擒噶爾丹策妄阿拉布坦兵已行路遇第巴使呼
曰達賴死十六年矣小達賴今年坐牀爾等各安本土無妄起
兵也策妄阿拉布坦聞之卽率衆遙拜哭歸土魯番使者還奏

聖祖以其事已昭布卽追尼瑪瑯胡圖克圖還閏三月壬午
御行營傳齊大臣及各蒙古使尼瑪瑯胡圖克圖開密封出表
讀之及開拌像函而頭已墮落在旁尼瑪瑯胡圖克圖大驚仆
於地衆蒙古皆合掌歎異曰
大皇帝十六年來疑喇嘛今知喇嘛已死十六年十六年事果
非喇嘛所爲益信
大皇帝明並日月且至誠振興黃教喇嘛已死亦當感護法之
意於是以其事

宣示各札薩克爲第五輩達賴喇嘛誦經致贈拌像者以第五
輩達賴尸鹽證第六輩達賴化身古番王鑄像遺意也忽示凶
兆藏中皆危懼藏中初比噶爾丹秘達賴事又阻班禪胡圖克
圖不與中國通至是噶爾丹失所恃薩克薩圖呼魯克獸已盡

部衆離散妻子死亡以戀喀爾喀地舊部多爲策妄阿拉布坦
裹去策妄阿拉布坦復於阿爾泰伺之噶爾丹不敢西使人入
藏至青海又被獲不能達所至之處頻逢怪異烈風淫雨隨之
噶爾丹心迷惑壬辰於阿察阿木塔合仰藥死其將死也欲自
殺其幼子策凌撒魯布女忠濟哈旣念色布騰巴爾柱爾在中
國安樂

聖祖又屢詔召之必非欲置之死已以倔强故至此於是僅自
戕其族丹濟拉以其尸及子女來歸至阿爾泰策妄阿拉布坦
奪之丹濟拉自以其屬人來降四月庚戌朔

聖祖御筆銘狼居胥山三十二字甲寅

迺鑿使責策妄阿拉布坦使歸噶爾丹尸及其子女乃謂其尸
已焚三十七年八月始來歸其尸四十年九月來歸其女朔漠

平受賀立碑告成太學以漠北地

賜喀爾喀塔爾巴哈台山以東爲札薩克圖汗居杭愛山自鄂爾渾河以東爲圖舍圖汗居土喇河自肯特山察罕齊老山以東爲車臣汗居克魯倫河東至黑龍江庫倫諾爾南至各內札薩克西至雅爾北至俄羅斯界東西五千餘里南北三千里以準噶爾舊游牧地

賜策妄阿拉布坦

授色布騰巴爾柱爾頭等待衛後又嫁忠濟哈於侍衛沙克都爾於是策妄阿拉布坦還和博克薩里收僧格舊人及噶爾丹餘眾復成西方大部落當

聖祖出塞顧實汗子札什巴圖倫等八台吉有勞績

賜親王公爵顧實汗部曰和碩特爲四衛拉之一其子在藏爲

達賴汗傳達顏汗至拉藏汗在青海爲鄂齊爾圖車臣汗爲阿

拉善王噶爾丹以密親殺車臣汗而阿拉善王逃入中國

聖祖指與賀蘭山游牧地青海汗絕至是八家復振策妄阿拉

布坦旣立亦娶和碩特拉藏汗姊窺藏中殷富欲奪之則先訐

奏藏王第巴桑結處事不公三十九年又奏書欲攻青海

詔青海勿輕動四十一年以青海番族日繁

命喇嘛商南多爾濟招撫清釐之卽留辦青海事四十二年札

什巴圖倫孫羅卜藏丹金襲親王四十四年拉藏汗殺藏王第

巴桑結桑結旣首達賴事則傾心內附拉藏汗受策妄阿拉布

坦唆使故殺桑結中國亦以其先懷欺謾不之究也初第六輩

達賴喇嘛呼畢勒罕噶爾藏嘉睦榮出裏塘才二年青海各部

落請於西寧塔兒寺坐牀塔兒寺者西寧衛城西南四十里有

塔山爲宗喀巴出世地胞衣埋焉後人就其地立寺黃教祖廟也而藏中別訪呼畢勒罕博克達立之班禪欲入覲又禁絕之

聖祖以桑結旣死恐策妄阿拉布坦據博克達爲亂四十五年詔取之歸京師而送噶爾藏嘉睦粲入藏時和碩特輝特皆歸順獨綽羅斯特有異議其使在藏跳梁不奉

詔五十二年

封班禪胡圖克圖爲班禪厄爾德尼

賜金冊印

鑒其欲來朝之誠也衛拉特分四部時曰綽羅斯特曰都爾伯特曰土爾扈特曰和碩特土爾扈特與綽羅斯特不協率衆北歸俄羅斯俄羅斯處之於額濟納河濱而都爾伯特分出一支

曰輝特仍爲四部策妄阿拉布坦取拉藏汗姊又娶土爾扈特阿玉奇汗女離間阿玉奇子散札布台吉攜衆萬五千戶至而沒入之阿玉奇嫂攜其子阿拉布珠兒入藏禮佛策妄阿拉布坦闌之不得歸又不使阿玉奇入藏熬茶阿玉奇使來貢方物聖祖厚賜之策妄阿拉布坦邀奪於路而絕土爾扈特貢道阿拉布珠爾歸路斷則自藏投中國

聖祖賜以游牧方思所以送之歸者而阿玉奇貢使假道俄羅斯至五月使職方郎中圖理琛由俄羅斯報之阿玉奇妹和碩特鄂齊爾圖車臣汗妻也車臣爲噶爾丹所殺攜其女歸依阿玉奇卽以妻阿玉奇子阿玉奇又故渾台吉外孫我使臣至阿玉奇全家念

聖祖所以待阿拉布珠爾色布騰巴爾柱爾忠濟哈及阿拉善

王者無不感泣爭置酒請使臣請
大皇帝安阿玉奇妹語尤切圖理琛之歸也阿玉奇曰我遣貢
必經俄羅斯數則厭慮阻遏我我屬俄羅斯持教衣冠俱不同
我終歸中國矣垂涕而別阿玉奇欲來歸道不通阿拉布珠爾
亦遂游牧甘州邊外策妄阿拉布坦左右兼并馳突奔逸不可
制將窺藏

聖祖賜之敕不得騷擾唐古忒而策妄阿拉布坦於五十四年
反來侵哈密青海及土默特還犯巴里坤哈密游擊潘至善等
擊之敗去我前使圖理琛移書俄羅斯西畢爾斯科噶噶林馬
諦飛費達拉魚持收其逃亡策妄阿拉布坦聞之亦不敢復東
拉藏汗既殺第巴桑結則日昏憤以策妄阿拉布坦姊夫也子
丹衷又娶策妄阿拉布坦女密親可特一聽策妄阿拉布坦唆

使策妄阿拉布坦於五十五年十月遣台吉大策楞敦多布領
綽羅斯特六千人徒步繞戈壁晝伏夜行五十六年七月至藏
至則殺拉藏汗盡并其衆入布達拉廟搜喇嘛重器送伊犁留
大策楞敦多布守藏以拉藏汗印與第巴達則遂據達賴喇嘛
博克達以自重又自將攻青海和碩特拉藏汗二子其一丹衷
在伊犁依婦居其一索爾札游牧青海策妄阿拉布坦擄之歸
既至伊犁有告丹衷詛咒者策妄阿拉布坦怒殺丹衷而以其
妻博特洛克妻唐古特之輝特韋徵和碩齊以歸道哈密爲我
師所敗也與師來犯於是振武將軍傅爾丹駐兵阿爾泰靖逆
將軍富寧安駐兵巴里坤是年城哈密五十七年置靖逆衛赤
金衛柳溝所我師經理衛藏出打箭爐裏塘而是年我將軍額
倫特都統色倫額提督康泰進兵至哈喇烏蘇糧餉爲賊所截

軍士皆沒五十八年協理將軍祁里德偕富寧安兵至闕展傳
爾丹兵至格爾額爾格策妄阿拉布坦方策應我西北路兵而
五十九年我師已南入藏平逆將軍貝勒延信兵出青海大策
楞敦多布來逆敗之定西將軍噶爾弼出打箭爐達瓦里章巴
者青海人也於裏塘謀逆副將岳鍾琪於五十八年誅之拉里
黑喇嘛自稱河州喇嘛迎師而陰遣番子截奪軍糧將軍覺亦
誅之先是三十九年桑結遣昌側集烈等據明正土司四川提
督唐希順誅之四十七年準噶爾擾藏工布土司死守不下至
是降於岳鍾琪察木多亦納款大策楞敦多布逃回伊犁是年
增西寧火器兵二千五十四年置赤金靖逆二衛五十九年傳
爾丹進兵蹂烏闌呼爾吉屯牧賊兵北顧撫遠大將軍固山貝
子允禔鎮青海延信等帥江寧杭州荊州滿洲兵四川雲南山

東緣營兵於八月由察木多送達賴喇嘛噶爾藏嘉睦粲入藏
九月庚午達賴喇嘛噶爾藏嘉睦粲坐牀我師誅厄魯特各喇
嘛取厄魯特所立達賴喇嘛博克達及桑結妻子歸於是康衛
藏阿里東西六千五百里南北五千里俱定六十年九月丁巳
立碑於達賴所居之布達拉昭地
聖祖御製文也六十一年我師進駐烏魯木齊策妄阿拉布坦
既失達賴則自於伊犁河濱立固爾札廟以奉喇嘛以五十六
年所劫布達拉供器實之尋使人至雍正元年正月丙午
世宗憲皇帝命大臣傳諭其使臣以我

聖祖之恩不可再邀策妄阿拉布坦當自戢尋

命撤阿爾泰巴里坤兩路大兵定準噶爾使臣在第三班朝鮮
使後上朝而策妄阿拉布坦無回奏是年置安西衛及沙州所

青海喇嘛及親王羅卜藏丹金丹津渾台吉等糾蒙古番子犯邊

命撫遠大將軍年羹堯討之毀西寧衛郭隆寺大通衛郭莽寺師出青海十月降貝勒貝子公台吉二十餘人撫其衆數十萬編喇嘛所屬奔拉番子爲佐領二年二月戊午奮威將軍岳鍾琪領兵復出青海壬申大捷獲羅卜藏丹金母及輜重歸三月庚辰奏凱四月壬戌

行受俘禮誅惡頭目助逆者六月乙酉立碑太學

世宗御製文也十月岳鍾琪復出師獲丹津渾台吉及其妻子羅卜藏丹金逃青海故隸四川雲南邊外於是分其地

賜各蒙古又移山北厄魯特居之置大通衛兵而增西寧西二千里哈吉爾西北二千一百里塞爾騰馬步兵五千人城布隆

吉爾置安西衛青海與準噶爾故世姻也亦世仇羅卜藏丹金卒歸策妄阿拉布坦策妄阿拉布坦死子噶爾丹策楞立能用其父人亦卒匿羅卜藏丹金而與和碩特修好給索爾札及丹衷子班珠爾戶策妄阿拉布坦又一女曰達什色布騰亦嫁和碩特羅卜藏策楞噶爾丹策楞謂羅卜藏策楞欲歸土爾扈特則執之亦以達什色布騰與韋徵和碩齊久之藏中熬茶使通噶爾丹策楞不忘藏地也適羅卜藏丹金謀殺噶爾丹策楞爲所覺卽執之欲送中國而奏書言其父已成佛矣已欲振興黃教使天下衆生安樂

世宗怒責以非伊分位所當言而噶爾丹策楞方與藏中阿勒布巴隆布柰札爾柰等謀奪康熙五十九年中國所立拉藏舊臣貝子康濟柰權騷擾藏地台吉頗羅柰以聞三年

命寧遠大將軍岳鍾琪征之時雲南兵由中甸察木多入藏是年改西寧衛爲西寧府築西寧西北大通白塔永安三城皆屬西寧府設青海辦事大臣署分青海蒙古二十九旗設大通總兵又升沙州爲衛而以靖逆之柳溝所隸安西四年岳鍾琪移甘肅貧民屯田沙州改柳溝所爲衛青海番子地升科以河州歸德所隸臨洮五年建安西鎮于大灣城都爾伯勒津移安西衛治之收西寧各寺明國師禪師敕印是年藏中殺康濟柰改中甸維西屬雲南六年噶爾丹策楞來犯噶斯我師擊敗之獲其將棚楚克六月青海台吉諾爾布反於屯格里我師擒之吏部尙書查郎阿至藏奉

命誅阿勒布巴等十一月打箭爐西裏塘建惠遠廟移達賴喇嘛居之時噶爾丹策楞勢熾懼其篡取之也十二月封頗羅奈

爲貝子使總理藏事七年四月壬寅以征噶爾丹策楞告

太廟免甘肅錢糧募增甘肅各營馬步戰兵守兵以傅爾丹爲靖邊大將軍巴賽及查弼納爲副將軍會岳鍾琪出師是年收巴塘裏塘屬四川八年正月遷達賴喇嘛於噶達適噶爾丹策楞有送羅卜藏丹金信至五月兩大將軍皆入朝請

訓以提督紀成斌護寧遠大將軍巴賽護靖邊大將軍噶爾丹策楞窺之十二月使小策楞敦多布及臬將馮木特以二萬人劫西路牧廠於科舍圖總兵樊廷副將冶大雄拒之賊獲利去九年四月傅爾丹進屯科布多築城居之六月噶爾丹策楞來犯傅爾丹拒之軍敗於和通淖爾副將軍巴賽查弼納皆戰歿當是時西路寧遠營巴里坤馬廠被劫北路靖邊營科布多又失事西路聞之則使提督紀成斌進攻烏魯木齊以分賊勢賊

亦兩路設兵大策楞敦多布駐華鄂爾奇斯小策楞敦多布駐
喀喇鄂爾奇斯我北路軍營改屯察罕洩爾噶爾丹策楞乃率
二策楞乘勝鳴角東趨犯喀爾喀額駙喀爾喀郡王策楞勒兵
敗之噶爾丹策楞遯去晉額駙策楞和碩親王授大札薩克時
圖舍圖汗十七旗滋息至三十八旗分二十旗與策楞為賽音
諾顏札薩克親王部今二十二旗圖舍圖亦二十旗以鄂爾渾河以東至喀魯
特哈河為游牧以翁金河為王庭其喀魯特哈河以東屬圖舍
圖汗自是喀爾喀為四部十一月傅爾丹改振武將軍以振武
將軍順承親王錫保為靖邊大將軍進屯科布多又以康親王
為撫遠大將軍是年城巴里坤十年塞卜屯策楞納木札爾自
烏魯木齊擾哈密岳鍾琪遣曹勦紀成斌敗之七月以張廣泗
護寧遠大將軍賊又犯科布多噶爾丹策楞潛越阿爾泰察罕

洩爾杭愛山搶奪哲卜尊丹巴胡圖克圖副將軍丹津多爾濟
拒之值額駙策楞入

觀噶爾丹策楞突至據其地額駙聞之斷髮誓復仇疾馳歸力
戰敗之噶爾丹策楞棄輜重走追之自辰至午即又大敗之斬
其梟將喀喇巴圖魯又率喀爾喀二萬於喀喇森齊淖爾蹙之
又敗之於鄂爾渾河厄爾德尼昭賊三萬人幾盡敗卒由歸化
城下綏遠將軍馬爾賽擁兵不出賊始一一脫去乃斬馬爾賽
凡兩創噶爾丹策楞額駙超勇親王策楞功最多十一年設安
西道分青海南巴喀地居西寧四川西藏中者玉書納克書等
番子三十九族四千八百八十九戶隸駐藏大臣建西寧廣惠
寧佑二寺復郭莽郭隆舊制以安黃教署寧遠大將軍查郎阿
副將軍張廣泗駐西路七月以定邊大將軍平郡王福彭代錫

保駐北路烏里雅蘇台尋移科布多十二年春我師越厄爾齊斯探擊賊賊移帳去噶爾丹策楞下令部中通察所掠人數時我師守巴里坤賊不能南侵又懲厄爾德尼昭之敗也不敢深入以是欲罷兵七月庚子

世宗召王大臣問應罷兵與否莊親王允祿等言應剿之大學士張廷玉等言且撫之若不順則進剿兩議上

高宗純皇帝時爲寶親王言應罷兵

世宗憲皇帝卽降旨罷兵八月量撤北路兵畫哲爾格西拉呼魯蘇爲界準噶爾兵事稍息是年春布魯克巴巴勒布入貢布魯克巴在天竺北藏西南巴勒布亦藏西南邊外國分三汗曰布彥汗曰葉楞汗曰庫枯睦汗與布魯克巴同遣使入

覲十三年撥兵駐防鄂爾渾於厄爾德尼昭迤北築城戍之而

遣使送達賴喇嘛入藏設河州鎮改大通爲協乾隆三年移臨洮歸德所屬西寧噶爾丹策楞遣人來請以阿爾泰山爲界喀爾喀游牧亦不得過札布堪

高宗純皇帝許之撤兩路大兵準噶爾得入藏熬茶如故而噶爾丹策楞復於固爾札廟南增立海努克廟自奉喇嘛凡衛拉供喇嘛者九集賽萬六百戶喇嘛六千餘人是年章嘉胡圖克圖爲達賴喇嘛請巴塘裏塘地時維西土司喇嘛廟巴塘裏塘最宏麗以達賴所降生也故章嘉爲請之

詔以巴塘裏塘商稅賜喇嘛地仍內屬四年進封頗羅柰郡王十年噶爾丹策楞死子策妄多爾濟納木札爾立而幼其姊鄂蘭巴雅爾執其政策妄多爾濟納木札爾聞其姊欲自立爲叩肯汗叩肯汗者俄羅斯女汗號也則繫其姊而亦無威儀智略

至以夜出偷狗爲樂其先世雄桀之風盡矣鄂蘭巴雅爾之夫曰撒音伯勒克輔噶爾丹策楞幼子喇嘛達爾札攻執之篡其位而達爾札昏暴益甚其宰桑撒拉爾率千戶來歸

高宗納之十五年藏王頗羅柰之子朱爾墨特旣襲藏王欲以藏地應準噶爾則奏請撤回駐藏大臣時駐藏大臣傅清布拉敦以朱爾墨特逆謀不可止不如先誅之其黨必反已去其首惡卽反亦易平卽誅朱爾墨特其黨果反四川總督策楞提督尙書公岳鍾琪討平之遂除藏王凡衛藏事皆駐藏大臣與達賴班禪定議付噶布倫四人行之十七年準噶爾阿睦爾撒納殺達爾札而立渾台吉幼子布木之曾孫大策楞敦多布之孫曰達瓦齊達爾札兄弟行也阿睦爾撒納者輝特台吉韋徵和碩齊娶博特洛克時所生實丹衷遺腹子亦和碩特貴種也和

碩特兩汗亡拉藏汗孫在伊犁者阿睦爾撒納班珠爾及索爾札子納哈查皆爲台吉阿睦爾撒納幼育於輝特得輝特叔親表兄弟中與噶爾丹策楞幼子策妄達什善見綽羅斯特內亂與班珠爾謀立策妄達什達爾札知其謀則殺策妄達什以絕其謀阿睦爾撒納班珠爾遂挾達瓦齊三人者同逃之哈薩克已而三人復歸舊游牧阿睦爾撒納襲殺韋徵和碩齊子沙克都爾而并其衆遂通伊犁喇嘛帥各宰桑殺達爾札而立達瓦齊初丹衷以兩釜夾身烙死最慘阿睦爾撒納生徧身血出其母祝曰吉利吉利無爲冤仇也及阿睦爾撒納得志其外祖策妄阿拉布坦基壤汗位外傳而大策楞敦多布親殺拉藏汗者二人反不仇達瓦齊達瓦齊旣立阿睦爾撒納歸舊游牧有渾台吉弟墨爾根岱青六世孫納墨庫吉拉噶拉者突頡兵萬餘

至伊犁與達瓦齊分地達瓦齊戰不勝走厄彌爾舊游牧適阿
睦爾撒納來會誘納默庫吉拉噶拉至雅爾殺之達瓦齊復歸
伊犁四衛拉之分界也綽羅斯特治伊犁和碩特治青海都爾
伯特治額爾齊斯土爾扈特治雅爾土爾扈特北去輝特治之
綽羅斯特自渾台吉始為四部盟長非有君臣之分也自噶爾
丹策楞死益無遠略阿睦爾撒納據輝特欲借綽羅斯特以收
和碩特都爾伯特為四部總台吉伊犁所奉之固爾札廟海努
克廟喇嘛道行卑惡畏阿睦爾撒納如虎坐食無事則又生讒
慝構之於達瓦齊於是綽羅斯特輝特遂有隙和碩特本以連
姻伊犁亡而阿睦爾撒納娶都爾伯特達什女德勒克多爾濟
又以妹庫克妻達什子納默庫而襲殺達什收納默庫為台吉
自遷帳於額爾齊斯當是時阿睦爾撒納合行兩部和碩特又

親屬偏向之初阿睦爾撒納欲繼渾台吉霸業故經理綽羅斯
既與達瓦齊不合則與和碩特班珠爾納哈查都爾伯特納默
庫會哈薩克踐達瓦齊舊厄彌勒地達瓦齊三遣人攻之皆不
克十九年達瓦齊自領精兵三萬又使梟將馮木特將烏梁哈
兵八千攻額爾齊斯阿睦爾撒納倉卒戰不勝七月與其兄輝
特札睦榮率宰桑二十餘來歸十一月至

高宗納之使處札布堪五月都爾伯特策楞策楞伍巴什已先
至和碩特班珠爾亦來馮木特亦以達瓦齊不可輔脫身來歸
綽羅斯特紛紛來降

高宗均納之使處於喀爾喀以非久計也欲以二十年秋進兵
取伊犁阿睦爾撒納以為塞外用兵例以秋乘馬力也我馬肥
彼馬亦肥不如以春彼馬未肥不能遠遁一戰擒之無後患

高宗是之二十年二月丙辰丁巳兩路師啟行五月乙亥北路師至伊犁伊犁素無雷雨是日霹靂一聲雨下如注丁亥大捷六月庚戌擒達瓦齊準噶爾平是役也定北將軍班第定邊左副將軍阿睦爾撒納爵親王出北路定西將軍永常定邊右副將軍撒拉爾出西路北路師至綽羅斯特噶爾藏多爾濟先降百萬控絃之士皆望風降達瓦齊方縱樂飲酒不知也師逼伊犁達瓦齊走格登山遣二人出調兵爲我師所獲旣知達瓦齊所在丁亥夜綠營兵二十二人歸誠厄魯特三人斫其營營皆驚大軍乘之則皆降達瓦齊走天山南至烏什阿奇木伯克霍吉斯執送之並獲羅卜藏丹金送京師六月十月兩行受俘禮赦其死罪而贍養之而阿睦爾撒納論功

晉封雙親王時

高宗分封四汗治衛扈欲其如喀爾喀之長久安治也重兵皆撤獨留兵五百隨班第駐伊犁河北尼楚袞經理善後事宜阿睦爾撒納知四汗已封心狂惑必欲得四部總台吉額駙科爾沁親王色布騰巴爾珠爾自軍中還

朝託之入奏期以七月下旬信可到而額駙不敢奏阿睦爾撒納乃倡言哈薩克布魯特皆畏已故不敢動藉緩朝期其與厄魯特言諱其降也曰我帶滿洲漢人及喀爾喀各蒙古來平伊犁在伊犁不服

賜衣翎頂不用定邊左副將軍印取渾台吉菊形篆印行文宰桑及鄰部渾台吉印形圓其行最遠西域皆信其能借

天朝兵歸定難也阿睦爾撒納又寄信藏中熬茶言已總四部

時善待達賴喇嘛振興黃教兼四部之意已決第欲恩出自上則無後患故未反既不得額駙信則使固爾札喇嘛見將軍中國若不使阿睦爾撒納主伊犁者喇嘛等當自刎死將軍笑而領之其事漸積上聞

高宗以阿睦爾撒納反跡已定馳

諭班第於其未發先誅之彼若入朝是借此逃也可追及則追誅之信未到阿睦爾撒納已定計離伊犁八月偕喀爾喀親王額楞青多爾濟入

朝九月至烏隆古遣人取其妻孥不得則以副將軍印交額楞青多爾濟而北竄忽反顧西行四部亂從逆者蠶起哈薩克沙津等方入貢亦應之台站斷班第馮木特及參贊大臣鄂容安等死之撒拉爾等間道出迎師永常自木壘南退巴里坤軍糧

移屯哈密阿睦爾撒納至伊犁上書猶稱定邊左副將軍雙親王言大臣等乖張狂傲踞高坐見喇嘛口稱

大皇帝命我管轄汝等奴數勸之不聽奴慮伊犁必變奴行伊犁果變奴聞亂馳歸鎮撫求

皇上封奴阿睦爾撒納四部總台吉

高宗以其書及班第所上書隨前後

敕諭班第及烏里雅蘇台收其妻孥密旨

頒示中外革額駙色布騰巴爾珠爾親王爵

賜額楞青多爾濟自盡

命策楞爲定西將軍代永常以玉保爲參贊進討賊我師已數敗之二十一年正月玉保以大軍至特克埒距阿睦爾撒納僅一程阿睦爾撒納使人僞爲台吉伯什阿噶什諾爾布使言阿

睦爾撒納已就擒卽檻送至玉保與策楞卽發紅旗入報且駐軍待之阿睦爾撒納得整旅去二月我師進復伊犁阿睦爾撒納入左哈薩克左哈薩克納之同拒我師值將軍參贊不和緩師五月逮策楞玉保

命定邊右副將軍達爾黨阿爲定西將軍追阿睦爾撒納破之定邊左副將軍哈達哈至伊什爾伊什爾者左哈薩克庭也左哈薩克遠徙去數千里右副將軍之參贊富德師至右部莽格勒特伊右哈薩克亦降達爾黨阿又被給與左哈薩克使命往還頓兵月餘而阿睦爾撒納復歸博羅塔拉伊犁復震領隊將軍和起陣亡策楞玉保亦被戕於塗定邊右副將軍兆惠自伊犁整旅出至濟爾哈朗遇賊力戰而東屯巴里坤時喀爾喀和託輝忒郡王青衮札卜以北路台站繁費且以額楞沁多爾濟

之死也曰喀爾喀青吉思汗後裔向不治罪阿睦爾撒納心欲爲惡額楞青多爾濟何由知之軍興大人往來者多將日日有死罪也衆喀爾喀皆以爲然六月自十六台至二十九台一時皆撤綽羅斯特聞之則皆反故伊犁益亂

高宗以超勇親王子親王成衮札卜爲定邊將軍及參贊納木札爾擒治青衮札卜台站復兆惠自十一月至二十二年正月無日不戰二十二年二月圍解兆惠兵進伊犁

詔逮達爾黨阿哈達哈時四衛拉患痘死者已過半其新封綽羅斯特汗噶爾藏多爾濟叛其姪札魯噶爾布又從而篡之部內自殘殺幾盡和碩特汗沙克都爾曼津依巴里坤以居參贊大臣雅爾哈善得

旨察其動靜輒殺之屠其部衆班珠爾亦以叛誅輝特汗巴雅

爾反殺和起又戰敗而走索倫海蘭察追至其游牧塔爾巴哈
台射而擒之三汗皆亡其部下屠戮未盡者逃入山爲喀喇沁
以食人爲生方二十年之出師也撒拉爾言阿睦爾撒納不可
專任
高宗以爲阿睦爾撒納欲平伊犁與吳三桂滅明唐王心事同
要在有以制其死命而已撒拉爾又言噶爾藏多爾濟不可爲
汗至是其言驗而厄魯特殺劫亦盡矣蒙古番子奉黃教而喜
劫掠兼佛與夜叉二義用之故其盛也喇嘛食肉殺人取皮骨
作供器及其計無復之爲喀喇沁食人其在西藏供養怪異刑
慘法酷喇嘛猶依違佛教伊犁喇嘛則益無恥又無忌憚厄魯
特以死奉之我大臣坐見喇嘛卽附阿睦爾撒納嗾厄魯特反
又值青衮札卜之變謂可不迎

聲教遂使厄魯特等支體屠折身首異處部落逃散千里蕭條
我師再趨伊犁時遠望火光燭天則固爾札廟遭天災火勢猛
甚喇嘛皆焦人心始知所向伊犁復平

高宗命於熱河仿固爾札式爲安遠廟又仿西藏摩耶寺爲普
寧寺爲置高行喇嘛以安四衛拉特歸順之衆阿睦爾撒拉方
聞軍營失律四部搆亂自博羅塔拉來觀釁至則台吉達瓦又
殺札魯噶爾卜迎阿睦爾撒納六月突遇兆惠兵跳而走兆惠
富德窮追之沿左哈薩克左哈薩克降進表貢馬追至俄羅斯
額爾圖拉喀倫七月阿睦爾撒納攜八人逃入俄羅斯俄羅斯
納之時成衮札卜改定邊左副將軍治喀爾喀事兆惠以定邊
將軍辦賊俄羅斯喀昇潭瑪玉拉堅稱阿睦爾撒納六月渡額
爾濟納河溺死其國置月法各異而達瓦齊舊人自俄羅斯逃歸者言

七月於俄羅斯親見阿睦爾撒納兆惠以聞

高宗命理藩院移文俄羅斯薩那忒衙門使送阿睦爾撒納適阿睦爾撒納於俄羅斯發痘死二十三年二月俄羅斯西畢爾斯科噶噶林昇爾哈迪爾昇出其尸於恰克圖喀爾喀親王桑齋多爾濟入奏

命侍郎三泰喀爾喀親王齊巴克雅蘭丕爾馳往驗實以聞自噶爾丹犯喀倫以來中國運糧屯甲於科布多左右及嘉峪關外設軍營時時接仗誅殺者七十餘年至是厄魯特底定定邊將軍兆惠定邊右副將軍富德追沙喇過東布魯特東布魯特五部皆降初準噶爾強盛時回部爲之役天山南各居國財富地大準噶爾留其長於伊犁歲徵其財至哈薩克等行國納馬而已康熙二十一年噶爾丹以嫌繫山南阿布都爾實特三十

五年噶爾丹敗阿布都爾實特脫出來歸

聖祖優賜之遣人護至哈密使歸葉爾羌然以準噶爾勢大年納貢賦噶爾丹策楞以事疑回部則幽繫和卓木墨特死於伊犁又繫其子大和卓木布拉敦小和卓木霍集占乾隆二十一年我師至伊犁於阿巴噶斯岳託釋大和卓木歸葉爾羌釋小和卓木禮之於伊犁使辦回部事阿睦爾撒納反小和卓木和之我師復至逃歸兆惠使副都統阿敏道往視之將招撫之回及厄魯特本異類也初相爲仇回人恨厄魯特抄掠及多求年例私欲食其肉中國至盡除其苛條回人安樂無事卽又相與議論曰我初屬於厄魯特何可背也烏什霍吉斯不得爲義士矣且我回人何可爲人屬中國使來不可納也小和卓木議論定則挾大和卓木殺回子之異已者擇精兵守庫車拘阿敏道

而及害之事聞

高宗震怒二十三年

命靖逆將軍雅爾哈善參贊大臣哈寧阿討之互有勝負久之兩和卓木走入葉爾羌我軍入庫車空城也於是斬雅爾哈善以納木札爾爲靖逆將軍三泰爲參贊又調兆惠自天山北路移師而南先是

高宗以兆惠久於外使之搜殺厄魯特反者三部逸賊畢卽回師休息而兆惠以回部未平願助靖逆軍攻剿以蕞西師之局書奏

高宗壯其志因而用之兆惠至阿克蘇已前降則撫庫車阿克蘇定烏什和闐十月己未進至葉爾羌我師三千人攻之數與戰皆勝丙寅兆惠偵知回部牲牧在城南大河之南思奪取之

由城東橋度度半橋忽斷賊盡出城中精銳及我軍血戰一晝夜總兵高天喜副都統三寶等死之兆惠左右衝擊馬斃又易者屢矣河南散卒漸復合力疲不能復戰穿塹喀喇烏蘇南以死守賊築長圍困我先是兆惠遣愛隆阿以兵八百人迎靖逆將軍納木札爾納木札爾旣見愛隆阿知兆惠軍急疾趨而前夜遇賊亦死之二十四年正月戊子富德自北路移師來援至呼爾璜未及將軍三百里又被圍辛卯提督豆斌力戰死之兩軍皆重困萬里外適二十三年六月

命阿里袞等檢索倫察哈爾健銳營及陝西甘肅官兵帶馬匹糗糧赴軍營接應定邊靖逆兩軍聞定邊軍困

詔促之速行於二十四年正月癸巳至馬蹄跢蹟所過塵埃全起漲天回人來偵者不辨多少也皆駭而返我兵與愛隆阿齊

驅之夜至一處望見燈火方十餘里如螢繞忽離忽合知是呼爾瑞也相率鼓噪而前呼聲震山林前薄之回軍亂富德聞之方夜炊率衆犯圍出富德阿里袞轉戰赴將軍營丙申將軍整陣迎之內外夾擊我軍新舊合上皆喜而奮也丁酉盡劊其圍賊被重創入城自守我軍亦以久勞苦退保阿克蘇

高宗旣厚集兵力付兆惠兆惠旣休息脩理軍裝閏六月兩路出師兆惠收喀什噶爾富德攻葉爾羌兩和卓木聞喀什噶爾失則大懼棄葉爾羌走富德邀擊於賀斯庫魯克敗之再敗之於阿拉楚拉及哈拉庫拉追至洱西洱庫拉淖拉從亡者萬餘人皆降雨和木木挈妻孥及舊僕三百人走入拔達克善拔達克善亦回部也我師索之拔達克善汗素爾坦沙聚其阿渾議論曰布拉敦霍集占罕帕爾子孫也回教經典不得執罕帕爾

子孫與人議論未定而兩和卓木欲邀鄰部亂其國爲所覺則擊殺之送其尸中途大和卓木首爲其從者劫去拔達克善以和卓木尸偕愛烏罕博羅爾二國來降回部平並收西布魯特塔失干瑪爾哈朗霍罕納睦干諸國安集延之浩罕四城貢表九月庚午捷奏至

京師是役天山南北東連喀爾喀北至俄羅斯哈薩克西至哈薩克布魯特南連藏東南連青海闢地二萬餘里

高宗神武竟

兩朝未竟之志凡戰處皆立碑

天章照曜絕域矣凡大典禮皆案故事舉行二十五年二月壬

寅

聖駕郊勞將軍兆惠等於良鄉城南三里在事有功諸臣圖像

紫光閣達瓦齊霍吉斯皆封王入旗籍先是二十年
命都御史何國宗等攜儀器徧測各部天地經緯度二十二年
頒時憲書刊各蒙古節氣日出入早晚至是

遣明安圖增測立回部時節日出入表是年立哈密廳以安西
沙州柳溝靖逆赤金五衛地置安西府以柳溝衛安西衛爲淵
泉縣靖逆衛赤金衛爲玉門縣沙州衛爲燉煌縣後藏烏特噶
里畢爾奇碩拉汗入貢二十六年改大通衛爲縣二十九年伊
犁設寶伊局回部亦於葉爾羌開鑄乾隆通寶錢三十六年土
爾扈特烏巴錫聞綽羅斯特和碩特輝特皆亡可以竊據伊犁
游牧也卽棄俄羅斯率衆南來六月至喀倫知伊犁規模已定
不敢逞乃籍衆歸順曰俄羅斯不興黃教願依
大皇帝興黃教之地以安部衆遂入覲於熱河是年

高宗建普提宗乘之廟於熱河祝

皇太后釐廟成而烏巴錫至烏巴錫者康熙時入貢阿玉奇曾
孫也於是四衛拉之人全四衛拉惟達什達瓦妻以屬下人來
歸無後編其人爲兵居於熱河其外游牧者都爾伯特汗策楞
親王策楞烏巴什在舊游牧額爾奇斯東古木及土爾扈特卓
里克圖汗烏巴錫其三部無汗綽羅斯特則康熙二十五年來
歸一部在烏蘭烏蘇和碩特輝特先時來歸各部王台吉貝勒
貝子公等雍正二年俱處之青海土爾扈特游牧汗依雅爾親
王在喀拉沙爾與古木都爾伯特皆

高宗所指也三十八年以烏魯木齊置迪化州以巴里坤置鎮
西府改安西府爲安西州裁安西道四十六年七月第六輩班
禪厄爾德尼來朝祝

高宗七旬萬壽康熙時班禪欲來不得達至是來如達賴故事
蒙古番子皆歡喜奔走承事

詔仿札什倫布式建須彌福壽之廟於熱河班禪厄爾德尼至
接見於

避暑山莊澹泊敬誠殿班禪跪請

聖安從至京

接見於

南苑德壽寺

世祖接見達賴處也又

接見於

靜宜園昭廟使居西黃寺十一月班禪卒明年二月送之歸凡
賞賚賻贖及經由草地番子蒙古輸納其徒擁之歸者總數十

萬金而珠冠袈裟金玉磁茶器用奇珍異采不可勝計班禪親

兄仲巴胡圖克圖習黃教爲班禪治商上事遂有其財弟舍瑪

爾巴習紅教不得分班禪財班禪所居之札什倫布在拉薩西

南五百六十里爲藏西則阿里地其言拉薩者衛也古之烏斯

卽唐古特俗謂之前藏者也在打箭爐西北三千四百八十里

達賴居拉薩之布達拉中國言菩提宗乘也其東則察木多爲

康爲帕克巴拉呼圖克圖所居康衛藏阿里在唐爲北中西三

印度地印度後退保厄納特阿克其地屬吐蕃今爲圖伯特班

禪達賴轉世遞相爲師圖伯特衆所仰望班禪所居札什倫布

以外地卽屬達賴凡藏阿里之戴琿第巴皆達賴補放仲巴胡

圖克圖外視之私擁班禪遺貲不以分資衆皆怒舍瑪爾巴遂

唆廓爾喀以兵擾藏廓爾喀在藏西南喀倫外先已侵蝕巴勒

布三汗地而與藏之聶拉木濟瀧江攷宗喀接五十三年廓爾喀既入舍瑪爾巴言又以藏中噶布倫丹津班珠爾等增加廓爾喀商稅予鹽則和以土積忿不能平遂侵蝕藏邊聶拉木諸地藏中驚擾成都將軍鄂輝馳往治之

乾清門侍衛巴忠以解唐古特語奉

命往經理其事至則丹津班珠爾等與廓爾喀議和退回聶拉木以聶拉木外札木隙地予廓爾喀又歲予廓爾喀元寶三百立會同分執之巴忠則與聞也乃爲廓爾喀部長拉特那巴圖魯與其叔巴圖魯薩音具認罪表求

天朝罷兵將軍以其輸地具奏請

旨

高宗詔罷兵其私立會同中外皆不知也五十四年廓爾喀入

貢五十五年使臣入都祝

八旬萬壽封拉特那巴圖魯廓爾喀國王巴圖魯薩音亦加公爵而五十六年廓爾喀大至陷邊

高宗方狩於熱河疑之既而大臣奏理藩院侍郎巴忠落水死乃

命窮治其事始知元許元寶仲巴胡圖克圖惜費五十五年不肯予故廓爾喀以是年至

高宗以巴忠輸幣讓地不顧大體邊境大事又欺謾不奏當極典而其身已死乃徙其家於邊是時廓爾喀已裹丹津班珠爾去直趨札什倫布仲巴胡圖克圖棄其貲走前藏札什倫布有喇嘛四五千人尙可守也濟仲喇嘛札蒼喇嘛卜於吉祥天母傳神意言不可戰衆潰廓爾喀數百人入廟肆掠不敢東亦不

身已類稿 卷六
肯遂歸退并大眾伺於邊上而藏中自驚擾駐藏大臣欲援惠
遠廟故事移達賴喇嘛於泰寧

高宗怒治駐藏大臣罪革廓爾喀國王爵

命大學士福康安參贊大臣海蘭察惠齡帥師討之五十七年
五月師至以倡言失守逮濟仲喇嘛剝黃正法而解送仲巴胡
圖克圖及札蒼喇嘛於

京師鄂輝及領隊大臣成德進師收復聶拉木宗喀諸地大軍
追剿至濟瀧海蘭察成德進至熱索橋橋斷海蘭察潛師上游
札筏浮渡奪其險遂入廓爾喀界凡前後七戰七克之大軍齊
至帕朗古又克之直逼廓爾喀所居陽布廓爾喀窮蹙送出所
掠
金冊及

賞件言知是

天朝物不敢燬也舍瑪爾巴已死於陽布卽送出骨殖退回札
本地繳元寶會同具永不致滋事結請

命奏至八月

詔許其歸順赦其罪復封爵五十八年設寶藏局以贍之設鄂
博於江孜定日更定制噶布倫轄於駐藏大臣如內地例喇
嘛自明宗喀巴以來所謂汗喇嘛在古則天帝釋也至是與我
大臣平行在事有功諸臣圖像

紫光閣凡四圖像西師廓爾喀及金川臺灣也藏西北二十程
至和闐爲天山南路衛東北四千二百里至西寧又一路三千
六百七十里至西寧西寧青海大臣所建牙也自阿里以北以
東圖伯特四分青海二十九旗厄魯特汗王各旗喀爾喀八十

二旗游牧五十九旗番子數百部各土司皆喇嘛教獨回部居國行國佛教不能行中國興黃教以撫諸藩諸藩悉爲內地而喇嘛亦諸藩矣宗喀巴經言達賴班禪六七輩後卽不復轉世時班禪第七輩達賴第八輩宗喀巴若先知其事者

高宗神聖百族稟命慮藩部心無所繫也

詔令達賴班禪兩呼畢勒汗當永生西土以興黃教安藩部鑄金奔巴瓶

賜布達拉兩呼畢勒罕互報差異者納名瓶中於宗喀巴前掣之吹忠降神納賄啟爭之弊盡革除喀爾喀及內札薩克胡圖克圖之呼畢勒罕出報名理藩院掣之瓶供

雍和宮兩喇嘛與內札薩克外札薩克諸喇嘛各統其衆服屬中國凡乾隆年間兩定準噶爾一定回部兩定廓爾喀皆事涉

駐劄大臣者又兩定金川一定臺灣及安南緬甸初叛後歸順

總爲

十全武功文在

皇帝嘉慶元年恭上

太上皇帝寶冊嘉慶五年二月

皇帝敬念新疆開闢始自乾隆年間

詔新疆乾隆通寶錢每年鼓鑄二成永以爲例七年六月

詔以春秋致祭伊犁山河祭文億萬年遵用乾隆二十六年所

頒者朕字敬改書

高宗純皇帝九年伊犁建社稷壇是年八輩達賴卒十一年十

二月新攝達賴羅卜藏的達以謀殺莊戶得

旨剝黃交駐藏大臣穆克登額等嚴訊而呼畢勒罕實以十年

十二月出甸麻春科土司家是為九輩凡游牧內札薩克科爾沁等四十九部及小部厄魯特及舊依中國土爾扈特四旗朝期分三班治事分六會

欽派大臣臨視之其駐劄大臣移徙不定今以嘉慶十一年列

之治土默特者綏遠城將軍一人歸化城副都統一入治察哈

爾者察哈爾游牧都統一入副都統一入治喀爾喀者烏里雅

蘇台將軍一人初為定邊左副將軍參贊大臣一人科布多參贊大臣一

人屬烏里雅蘇台兼治都爾庫倫辦事大臣二人治喀爾喀兼

羅斯邊事初止治西域者伊犁將軍一人總統天山南北路初

平增伊犁參贊大臣惠遠城領隊大臣四人惠寧城領隊大臣

一人烏魯木齊都統一入本都爾領隊副都統一入庫爾喀拉

烏蘇領隊大臣一人巴里坤領隊副都統一入古城領隊副都

統一人塔爾巴哈台參贊大臣一人即雅爾本土爾扈特輝特

特汗游牧乾隆三十領隊大臣二人喀什噶爾參贊大臣一人

山南回部參贊伊犁初治葉爾羌後移此乾隆三十年烏什亂

移烏什五十三復移此道光十一年改參贊於葉爾羌其喀

什噶爾幫辦大臣改協辦大臣一人葉爾羌辦事大臣一人協

理大臣一人和闐辦事大臣一人幫辦大臣一人烏什辦事大

臣一人阿克蘇辦事大臣一人英吉沙爾領隊大臣一人庫車

辦事大臣一人喀拉沙爾辦事大臣一人兼理土爾扈特親王游牧土魯番

領隊大臣一人哈密辦事大臣一人幫辦大臣一人治青海者

西寧辦事大臣一人治圖伯特者西藏辦事大臣一人幫辦大

臣一人嘉慶十二年正月

臺灣府屬渡口考

福建之海門戶為閩安為海壇泉州府北崇山環抱南接金門
廈門西南至廣東之香山其南則大洋金門廈門之東南洋為
澎湖三十六島澎湖西為娘媽宮東過洋為臺灣臺灣在福建
辰巽方東北自雞籠山西南至沙馬碇凡千九十四里與福州
興化泉州漳州四府相直自澎湖往水程四更自廈門往十一
更其山脈發福州之鼓山自閩安越白畝洋關潼山至雞籠山
自雞籠山蔥翠層疊而南山南北峙泛海者以雞籠為準則也
山中番族百四十有奇人無姓依婦以居山田植薯芋甘蔗山
有識颯草一節則一年一颯汎無節則其年無颯颯大具風也
其人文身黑齒言語不通中國其居日固如覆船番有生熟熟
番屬中國號中國曰唐閩粵與東南洋語皆自稱曰唐習也熟

番畏生番每出捕鹿收芋蔗啁晰而歌大意言願出行不遇生
番然遇生番則盡力殺之無靈法解詛咒婦人皆知之咒樹木
立死山之西平壤或十里或五十里今府地也淡水廳東北有
噶瑪闐彰化縣東有埔里社西面地肥沃南濱七鯤身最險迤
北過安平鎮南汕爲鹿耳門又北爲北汕青鯤身南鯤身鹿仔
港迤而東北至淡水港北淡水港對閩安中鹿仔港對蚶江南
鹿耳門對澎湖臺灣門戶也後鹿仔港淤改由海豐港卽五條
港小水口則雞籠山西至淡水城五中隔諸番社又西南至嘉
義水口三十又南至臺灣縣八又東南至鳳山二又東南至沙
馬碇五中八里坌對五虎門亦門戶也又山後烏石港加禮遠
港皆東面海與山前三大港皆設稅其他小者或不通舟澎湖
西有紅溝黑溝臺灣北爲萬水朝東船入之直趨東洋南爲南

風氣直趨南皆大溜海水各有界各有所注色不淆其落深最
險水勢旋轉潮水不能入潮高水下潮下水乃高船入之旋轉
不已幸不沒伺潮消長與濶平時破急溜而出也沙馬碇西對
海爲小琉球山當澎湖之南隋大業中虎賁將陳稜一至澎湖
東向望洋而返宋謂之毘舍那國見馬端臨通考毘舍那則生
熟番也元置巡司於澎湖明初內徙其民棄澎湖地宣德時閩
使入洋東至臺始知之謂之臺員見周嬰東番記亦謂之北港
天啟二年高文律擾澎湖總兵俞咨臯用間移之於北港見顧
祖禹讀史方輿紀要泉州澎湖島嘉靖四十二年俞大猷逐海
寇林道乾道乾逃入雞籠山旋又遁去琉球人居之萬厯時海
寇顏思齊逃入臺文報始稱臺灣思齊引倭屯之而琉球東去
萬厯未荷蘭紅毛人自西洋來欲據香山不可則據澎湖又不

可乃南據美洛居及葛留巴以鴉片煙誘葛留巴葛留巴人俱
靡腫不敢動役於荷蘭既而荷蘭聚集精銳攻香山戰敗揚帆
東走至澎湖使人行重賄於福建巡撫援意大里亞人居香山
故事以求澎湖必得巡撫使人善諭之則投日本歲納鹿皮三
萬求臺灣互市地適日本人居臺灣者新奉天主教遂許之築
赤嵌城以居今安平鎮是也荷蘭既得地卽數數與日本構爭
日本既染其教爭不勝盡屬東去憤甚盡誅其人之習天主教
者並約束琉球而荷蘭據有臺灣置歸一王亦不復東天啓初
乃西擾澎湖及廈門四年福建巡撫遂取澎湖其東臺灣既自
古聲教不及不悉其址故籌海圖編無其名明尙以爲外荒也
鄭芝龍者閩人也爲日本壻家於臺灣日本之東歸也芝龍以
舟楫人衆橫於海崇禎元年降明明南渡封南安伯領水師鄭

氏之令北自京口南至漳唐王隆武南徙鄭氏遇之於浙輔而
立之其所據泉州興化漳州汀州邵武惠州潮州

大清順治三年芝龍自安平奉表降以之北行其子成功

本名森唐

王時賜逃入海據泉州之金門廈門八年舟山平魯王朱以海

航海走至金門成功奉之十一年沈魯王十八年入京口窺江
寧敗而無所歸也徜徉海中者數月乃決計盡力攻臺灣荷蘭
人方守鹿耳門鹿耳門水大漲成功舟浮而上荷蘭大驚徵辭
於成功成功曰吾無他求此我家舊地還我子女玉帛汝悉載
以去荷蘭人思之終日不敢戰退保平安鎮成功環山列營塞
山水源困之既又焚其舟師遂去而伺於噶留巴臺灣人猶有
習其教者曰教册成功則盡除之鄭氏既有臺灣名之曰東都
值耿氏開藩福建海禁弛乃招徠客民漳泉惠潮習水者趨地

利泛海寄居地遂富庶聲勢遙連金門廈門康熙元年成功死其妻董氏與衆立其子錦二年荷蘭自噶留巴遣出海王以師助中國取金門廈門既而耿逆反錦尾耿逆後取漳泉諸郡改東都曰東寧承天府運米內渡相持三四年臺地空乏及耿精忠降諸郡以次收復錦走據金門廈門以爲臺援十八年二月荷蘭以夾板船來助攻錦偵知之分兵破其衆荷蘭遁去錦旋死二十二年施琅克金門廈門取澎湖進兵至鹿耳門不得入泊海中十二日潮不至舟師得安忽大霧潮長鹿耳門水大漲舟師浮而入錦子克塽曰昔先人得臺灣鹿耳門漲以爲天助今復然舟師浮而入

皇帝天威不可抗也遂降收其地以承天府置臺灣府北爲淡水廳南天興州置諸羅縣承天置臺灣縣萬年州置鳳山縣西

爲澎湖廳立文廟鼓鑄用臺字鄉試用至字編卷三十年以臺

灣人文盛罷試卷別編例後仍用至字號

道光八年臺地粵籍士子以非福建戶籍

於應鄉試闈中

另編田字號卷康熙五十五年南北兩路生番納貢雍正二年

分諸羅北爲彰化爲縣四乾隆五十二年改諸羅爲嘉義五十

三年生番入朝移鳳山縣治於牌頭以舊城爲興隆里嘉慶十

二年復鳳山舊城十六年於淡水廳東北三貂嶺外蛤蚧關五

圍設噶瑪闐通判編客民四萬二千九百餘丁及番族立樹城

東北至隆隆嶺爲界臺灣俗以寄籍分黨沿積習械鬥故易嘯

聚中更朱佑龍劉却朱一貴吳福生林耀楊光勳林爽文莊大

田蔡牽之亂皆削平朱一貴以康熙六十年四月僭號永和六

月鹿耳門水漲施世驃藍廷珍自南澳濟師討平之林爽文莊

大田以乾隆五十一年十一月僭號順天以卯月爲正圍諸羅

柴大紀拒之黃仕簡由廈門進鹿耳門任承恩由蚶江進鹿仔港徐鼎士由閩安進淡水港五十二年常青恆瑞由五虎門進鹿耳門藍元枚進鹿仔港諸羅圍不解而南路鳳山旋復旋失冬海蘭察自廈門福康安自崇武港俱至鹿仔港賊女軍師金娘方臨陣誦咒持妖術助戰而降番莊錫舍執以來歸遂擒爽文又南獲大田賊平

十一月二十一日

旨也後仍繳進嘉慶十年冬十一月二十三日海盜蔡牽自稱鎮海王擾鳳山浙江提督李長庚自寧波抵鹿耳門十一年正月賊逸去二月以大利益吉祥右旋螺交賽沖阿帶往渡洋六月賽沖阿督各路師追之賊復返置大舟於鹿耳門而去蔡牽

在海中欲從海東入烏石港取噶瑪闐地地在淡水廳山後去淡水城五百里乾隆時已漸墾四月設兵備之十二年朱潰又謀由海東蘇澳入竊五圍南地禦却之漸籌設屯十六年九月乃定設噶瑪闐廳於是臺灣兼山東山西地初鄭克塽降衆議守澎湖內徙臺地人民而棄其地施琅曰是資荷蘭也力持不可及平朱一貴衆議以副將守臺灣而置總兵於澎湖則臺灣有所制藍廷珍爭之乃定今制臺灣兵一萬四千餘皆內地標兵抽撥泛海更戍初以臺地沙土浮鬆不時地動且海外初置郡縣故以樹爲城承平久人心固定始築土石城而淡水廳爲竹城噶瑪闐廳在五圍地九芎樹城也嘉慶十七年冬至日

外紀... 澳門... 嘉慶... 聖祖... 聖訓... 泊船... 聖訓... 之言... 聖人... 郎機... 居於... 大船...

澳門紀略跋

嘉慶壬戌春始讀澳門紀略愛其奇偉甲子冬張徵君炯以重刊本見貽昔嘗伏讀

聖祖仁皇帝康熙五十五年十月辛亥

聖訓云朕訪聞海外有呂宋噶囉巴兩處地方噶囉巴乃紅毛泊船之所呂宋乃西洋泊船之所彼處藏匿盜賊甚多壬子

聖訓云海外如西洋等國千百年後中國恐受其累此朕逆料之言伏惟思患豫防

聖人善教海外臺灣荷蘭日本互爭卒入郡縣版圖澳門則佛郎機意大里亞荷蘭先後窺伺而意大里亞於明萬歷九年入

居於澳二十九年荷蘭薄澳崇禎十年又薄廣州荷蘭恃巨礮大船意大里亞仿其礮製破之今澳中十月夷人攘鬼逐紅毛

與西藏逐牛魔王同蓋以爭所居地深怨而實畏之皆掌故也
海盜之起必有窩綫呂宋實佛郎機噶囉巴實荷蘭又安南廣
南向亦畜盜自底滅亡此數國者遠隔重洋辛苦遠戍其用意
甚深既錄得官書四裔考又讀高拱乾及余文儀臺灣府志陳
倫炯海國聞見錄及此澳門紀略而深惡意大里亞及荷蘭荷
蘭既并淳泥噶羅巴又與佛朗機分瓜哇美洛居又與意大里
亞分地滿其垂涎臺灣靖海紀已昌言之其屢窺澳門有迹而
又畏意大里亞遏其前佛朗機躡其後已見於乾隆八年及十
年之師前同知印君光任張君汝霖所以籌畫之者甚詳惟其
事散見非深思者不能得其條理也荷蘭夾板船此書言有商
船戈船二種其製尤備高拱乾臺灣府志述廣南札船破夾板
船式嘗錄出之與四裔考廣南傳合此書及明史言佛朗機取
呂宋以牛皮惑之高志言荷蘭取臺灣亦然荷蘭之據臺也初
養盜後敗於盜凡海上警非盜使外夷即外夷使盜此可佯爲
不知不可竟不知也荷蘭之屬爲淳泥爲噶囉巴爲瓜哇爲英
吉利爲瑞爲璉佛朗機之據澳也奉釋教後改奉天主教不十
年澳門遂爲意大里亞所有此二事最可寶貴意大里亞久假
澳門順治時乃遂置兩王於此

今天子明聖撫外夷有道不過以澳門爲天文生客館耳且事
久難驟更以西洋之互爲窺伺知此書必不可廢徵君爲同知
張君令子論世知大體因書其大要而歸之嘗與徵君言澳門
南有十字門二重其真爲天主教窟穴乎抑澳門終如臺灣爲
民居設重鎮西洋人船行避十字乎久之必有定也嘉慶丙寅
冬十一月

北魏書地理志齊人樂音接十字平久之後音改

南齊十卷門二即其真音天子改音又音改

武定今字音改音其大異音改音與音改音

大變音改音其音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

今六字音改音改音改音改音改音改音改音

左山考

山東通志山川志云曹縣左山在縣東二十里即左城也又名

左岡左邱明父墓在焉曹州府志山川志云左山在曹縣西北

六十里相傳為左邱明父墓曹州志此曹州未升府時即今荷澤縣輿地志云

左山在州南五十里山南有舊州治古蹟志云魯太史左公墓

在左山邱明父墓也案驗左山方位通志誤矣今荷澤宋為乘

氏曹縣宋為濟陰俱屬興仁府府為五代曹州舊治即濟陰則

今曹縣城西北左山之西南古城是也唐傳異記云濟陰郡東

北六里左山有龍興古寺可以相證濟陰城隋置在左山右太

平寰宇記濟陰云左岡在縣東北五里以其近左城也今通志

於曹治亦云山在東不悟城隍東徙執簿尋求迷軌躅矣先是

北魏置西兗州治定陶水經濟水過定陶縣南又東北荷水東

出又東逕魏冉冢南又東北逕定陶共王陵南注云世謂之左城亦名之曰葬城則左城由在魏定陶之左今左山東北舊城也左城之名由魏定陶城定之左城有定陶恭王陵左山則有慎到墓宋陳師道披雲樓記云古陶西南有山圖記謂之南右山州人所謂南魯太師慎到之墓又云慎到墓今名左山太平寰宇記則左岡與南右山各列云南右山在縣西南四里誤以古陶西南入濟陰西南虛增一山也金大定末濟陰治東北徙七十里明洪武元年又西北徙七十里二年定今治左山遂在治西後人不得名左之義遂以左墓當之府志陵墓志之言謂左山左公墓有宋盛琳撰碑通志亦同琳碑既絕不見而明天順五年大明一統志兗州府時曹屬兗陵墓下則云魯太史墓在定陶縣陶邱之上葬魯太史左邱明之王父有宋盛琳碑是琳並

不言邱明父也追尋舊文言左墓者亦並不言邱明祖萬歷三十八年曹縣知縣錢達道登左山記云考之邑乘春秋左太史瘞骨此山故以山屬之左左山者緣左史而得名也又萬歷舉人郭文英左公廟碑記云州治之南四十餘里靈聖湖迤南有土隆然一邱號爲左山不知始於何代州誌則謂邱明之墓蓋周良史云是萬歷以前州誌邑乘又以爲邱明墓其廟創始萬歷亦止以祀邱明今通志府志秩祠左公祠下並云宋崇寧元年呂希哲希能有寶乘塔題名不悟明人造廟而引宋人他處題名納入之殆不可通也寶乘塔者隋仁壽二年於濟陰法源寺建塔五級藏定光佛舍利六顆宋慶歷時復詔修之賜名寶乘皇祐五年知濟陰縣錢明逸作左山興化寺寶乘塔碑銘詳敘其事其說左山止云曹州左山時治山右名義易知絕無及

左公者陳師道披雲樓記云左山下多左姓故名其時左姓人亦無言邱明者明人當徙治後疑於左山名義州志縣志改太師為太史遂侈然以左山為左邱明墓一統志以濟南肥城屬時濟南既載邱明墓則以曹州左山屬之邱明王父今通志府志見其互異則又斟酌遠近屬之邱明之父使邱明三世寄名慎到墓下其作偽之迹不可掩也

左邱明墓考

肥城東平嶧曹皆言有先賢左邱明墓方志多岐何以核其實也肥城本漢地里志泰山郡縣東漢省入盧其東平國富城蓋分其地北魏則肥城地俱入富城孝昌三年始復置肥城唐省之半入平陰半入乾封元史地里志東平路平陰云至元十二年以縣之辛鎮寨孝德等四鄉分析他屬明年改寨為肥城肥城有元抹罕遺愛碑云至元十二年割平陰之沙溝等五鎮孝德四鄉復置肥城縣時案圖記平陰縣東南三舍有古肥城得之牛山南因址建城元史地里志濟寧路肥城云至元十二年以平陰辛鎮寨東北十五里古城改設今縣是也水經汶水注云泌水西南流逕肥城縣故城南泌即今城南肥水今縣城即漢城元人蓋據水經知之水經注又云泌水自肥城故城又西

南過富城則魏富城治在今治西南魏富城本漢肥城地魏書
地形志東平郡富城注云有富平城卞城武強城左邱明冢魏
富城爲今肥城邱明冢見古籍者以魏書爲始冢在肥城佳證
一矣通志建置志云魏孝昌三年置肥城古蹟志云後周置肥
城建置古蹟並云唐省入乾封此則疎也富城地唐時東北入
乾封西南入平陰水經濟水注引京相璠云平陰齊地在濟北
盧縣故城西南十里南去防門三里太平寰宇記長清縣云盧
城在縣南五十里今長清治遷於宋治東北十里則京相璠所
言盧城當在今長清治南六十里水經釋地云盧城在今長清
南十五里是不知徙治又倒讀寰宇記平陰縣志云盧故城在
縣東北七十里長清境內其迤西南十里正今肥城西北境內
爲唐平陰治唐元和郡縣志平陰縣云左邱明墓在縣東南五

十五里應在今縣西南地佳證二矣通志建置志云唐省入乾
封宋省入平陰此又疎也宋乾封改奉符不得云省其肥城之
南地在平陰則仍唐舊太平寰宇記云鄆州平陰縣本漢肥城
謂其治爲肥城地又云隋開皇時置榆山縣大業二年移於今
里改名平陰則宋平陰治始隋大業時一與唐同又云左邱明
墓在縣東南五十五里亦與元和志合佳證三矣明天順一統
志二十二濟南府陵墓云左邱明墓在肥城西南二十五里蓋
五十五誤刊字檢肥城志云縣西南五十五里肥河鄉都君莊
有左邱明墓都君莊者通志云舜居此成都處鄒平成君啟洸
至衡魚得元正覺寺碑讀之文作都軍蓋古屯練處今莊名衡
魚肥水亦曰衡水也邱明墓依古籍在今肥城審矣東平州志
則疑左墓在其境內不悟魏東平地大非今州地也太平寰宇

記沂州承縣云左邱明墓在縣東北七十里與鄆州平陰墓並
列宋承縣東北地當在今嶧縣元于欽齊乘云左邱明墓在嶧
州東北七十里又云平陰復言有左邱明墓意右嶧墓而宋以
前無徵明一統志二十三兗州府陵墓云左邱明王父墓在定
陶縣陶山曹州志明萬歷時錢達道登左山記引邑乘云春秋
左太史瘞骨此山郭文英左公廟記引州誌云左山邱明墓山
東通志曹州府志舊曹州志皆云左山爲左邱明父墓案左山
爲慎到墓其旁左城爲定陶恭王墓左山在濟陰城左故名左
明移曹治而山在治右後人不得左山名義改慎墓以當之志
乘之蹤迹如此烏可據以亂肥城邱墓也

俄羅斯佐領考

八旗通志旗分志云鑲黃旗滿洲第四參領之第十七佐領係
康熙二十二年以尼布綽地方取來鄂羅斯三十一人及順治
五年來歸之伍朗格里康熙七年之宜番等編爲半個佐領卽
以伍朗格里管理後二次又取來鄂羅斯七十人遂編爲整佐
領伍朗格里故以其子羅多琿管理羅多琿故以大學士馬齊
管理今以豐伸濟倫管理謹案此卽今承恩侯尚書恭阿拉所
管理之佐領也八旗通志初集亦言順治五年俄羅斯伍朗各
里來歸康熙七年依番等來歸此皆自拔來投者

平定羅刹方略云康熙二十二年四月羅刹殺斐雅喀居民留
嫚書而去七月甲申瑪拉等送所獲羅刹五人又送二十六人
至京四裔考亦云二十二年羅刹之衆有過黑龍江者降其兵

目三十餘人此卽通志所言之三十一人方略又言南岱攜至羅剎二人則四裔考遺之

聖祖仁皇帝聖訓柔遠人云二十二年九月乙未戶部議奏羅剎歸順吉里郭里等應交與正白旗編入佐領下壯丁少者上曰羅剎歸順頗多應令編爲一佐領鑲黃旗之佐領蓋自欽定也薩布素傳云康熙二十二年投誠羅剎宜番鄂噶圖席圖頒吉里戈里鄂佛那喜等酌給官職案方略十一月癸未上諭云宜番近授驍騎尉岳噶圖席圖頒及新投誠之吉里戈里岳佛那西馬克西木俱授七品官其新投誠內之岳佛那西費禮普令馳驛至薩布素處酌遣招撫四裔考云遣降番宜番米海羅莫海對往諭誤也宜番未嘗與米海羅等同往招撫方略云二十三年正月薩布素令宜番等往諭卽以招撫米海羅

等二十一人送京安插是米海羅等投順卽送京也方略又云是年七月獲羅剎一人曰費岳多羅送京安插熱河志二十三年十二月十六日

上諭於恒滾等處之俄羅斯許其歸順待以不死而生養之是也二十四年三月獲羅剎噶瓦力刺等七人逸去一人五月破雅克薩城巴什里等四十人願降此則通志所言後二次之七十人也七月羅剎又遣裔番等四人誘我俄羅春被獲旋縱之歸羅剎名衣番者衆非卽康熙七年來歸之宜番也熱河志二十四年六月十四日

上諭雅克薩困迫已甚而後歸降宥其罪釋之使還是也四裔考云二十四年七月釋衣番等四人歸國語無原委覽者惑焉其噶瓦力刺等六人亦於進兵時放之還南岱攜至之二人亦

已縱歸方略載噶瓦力刺供詞所謂前放回之二人已送往國主處是也計所獲順治五年一人康熙七年宜番等二十二年三十三人二十三年二十四年七十二人而遣歸者十二人總得羅刹近百人居東直門內胡家園衚衕其姓氏源流則八旗氏族通譜皆不載也嘉慶十一年三月

俄羅斯事輯

俄羅斯在黑龍江四部喀爾喀雅爾左右哈薩克圖理雅斯科北西至荷蘭英吉利海又南抵務魯木居國也其先起於右哈薩部西鄙其人曰羅刹亦曰藥殺當南北朝魏太和時羅刹始立國曰俄羅斯其人用天主教欲殺佛佛遇惡物奇怪輒以羅刹名之羅刹地小聲名文物皆不著傳七百餘年部人漫衍至西海由怛羅斯城以北至計由居焉蒙古太宗時諸王莽賚叩擊奇卜察克進兵攻俄羅斯降之元末諸王外鎮者勢離析羅刹內亂俄羅斯部長伊番瓦什里玉持乞援於其國西北之西費雅斯科而割國西之那爾瓦城賂之而自立爲汗其國寢強明嘉靖時南滅庫程汗阿斯坦拉汗遷其人於阿爾泰山北遂南與韃靼瓦刺鄰東曰西畢爾斯科接今黑龍江喀爾喀西曰

喀山斯科接雅爾哈薩克圖理雅斯科自伊番瓦什里玉持汗
二十二傳至額勒克舍靡汗羅費持都莫斯克窪斯科是爲察
罕汗最强盛有大斯科七日莫斯克窪斯科日計由斯科日思
瑪廉斯科日佛羅尼使斯科日郭羅多阿爾哈連斯科日西畢
爾斯科日喀山斯科斯科者若中國省治府城一斯科所屬小
斯科數十柏興數百柏興若縣治也其地東西北三面臨海廣
三萬餘里山川城郭人物畜牧種植五方風氣部類別處羅衛
與中國同其書橫行自左而右東合拉提諾西合托忒烏珠克
而轉譯蒙古清漢文崇禎時雅爾額什爾努拉之土爾扈特和
鄂拉勒克汗惡綽羅斯特越哈薩克投俄羅斯察罕汗指喀山
額濟勒河之南圖理雅斯科之東哈薩克之北馬努託哈無城
郭地與之使爲藩部時

太宗文皇帝大兵方定黑龍江索倫達瑚拉及使馬使鹿兩部
俄羅春東北際海爲自古疆域所不及而俄羅斯亦東南略地
奪雅克薩尼布楚地樹木城居之兩師相值各罷兵旣又南向
侵擾布拉特烏梁海奪四佐領崇德四年

大兵再定黑龍江毀其木城歸而未議置戍也俄羅斯旣富庶
互市例人至其國市者則衛藏以西沙章汗愛烏汗其外市則
西至安集延伊犁哈密喀爾喀東至黑龍江秋高馬肥被罽捆
貨而至面白微頰高準采鬢髯紅氊帽油鞞帳居者布列黑龍
江西岸地其植麥種自西域來爲麪潔白性宜人人物甚都雅
而數與我爭邊境

世祖章皇帝順治十一年於黑龍江征之十五年調高麗兵征
之又數遣大臣督兵皆以餉不至半途返順治十二年十七年

俄羅斯兩附貿易商人至京城者奏書於
世祖而絕不及邊界事康熙初又屢用兵十五年貿易商人尼
果賴等至

聖祖仁皇帝召見之

賜察罕汗書論邊界事而察罕汗久之未荅也二十一年定策
屯田大出師征之收其人及火器編其人爲佐領隸

京師鑲黃旗滿洲二十三年薩布素刈取雅克撒尼布楚田禾
以船載歸二十四年五月甲申我師拔雅克薩縱城中羅刹歸
去而二十五年正月俄羅斯復來城之我師往爭俄羅斯人以
死守不肯去是年荷蘭使至聞其事曰俄羅斯西臨西洋我鄰
國也

聖祖命作書付荷蘭轉達之而額勒克舍靡汗羅費持亦於是
年卒額勒克舍靡汗羅費持無子有一女曰票多額勒克舍雅
費持素梟雄爲女子時習戰鬥宮中以兵爲戲經略布武無有
敵者嗣父察罕汗位是爲察罕散丕特里普爾汗亦曰叩肯汗
其國言男曰叩女曰叩肯也叩肯汗旣卽位究尼果賴事案地

圖曰

中國皇帝仁聖且限以行國我西北西費雅斯科西南圖理雅
斯科雖小部近肘腋所當爭也九月乃遣書中國議和二十六
年七月使至塔爾喀圖舍圖汗境文書往返二十八年十二月
丙子定邊界以額爾古訥河爲界歸我雅克薩尼布楚定市於
哲卜尊丹巴胡圖克圖之庫倫而磨崖刻會議七條滿漢拉提
諾蒙古俄羅斯五體字於黑龍江之吉爾巴齊河東岸其漢字
則行書也秋議定則遣使索那爾瓦城於西費雅斯科不與以

兵征之盡并其地數千里以已名名之曰散丕特里普爾斯科而遷都之於是其國大斯科凡八七道置噶噶林守之都城置大臣四總八道之治又索阿藻城於圖理雅斯科控噶爾汗控噶爾汗不與則盡奪其阿藻東北地前後用兵二十餘年國中戰甲不少解嘗徵土爾扈特攻西費雅斯科謂土爾扈特無用用以壯觀而已綽羅斯特汗噶爾丹之擾喀爾喀也揚言假俄羅斯兵六萬又火器手六萬至喀爾喀大驚二十九年五月癸

丑

聖祖諭其商人馳告疆吏無助亂其時俄羅斯方西向用兵故無南侵意也三十三年其使自土魯番哈密來入嘉峪關互市時爲立館於京城中玉河橋西定三年一互市來者不得過二百人以八十日爲期三十五年噶爾丹爲我師所困求救於俄

羅斯俄羅斯不肯應噶爾丹遂亡五十年土爾扈特使由俄羅斯至五十一年五月

聖祖使圖理琛等往報之道出俄羅斯經西畢爾喀山兩斯科往返行三年以五十四年三月歸繪圖呈

御覽又爲異域錄數萬言記兩斯科東西所經又言其國北界夏至無夜其汗二十七年元日乙丑當康熙五十一年十二月十六日二十八年元日辛未當康熙五十二年十一月二十七日我康熙五十二年閏五月俄羅斯則每歲十二分分二十九三十三十一日歲在三百六十六日上下也我使過境時察罕汗命邊臣厚禮之又遣兵護我使歸旣而汗卒亦立其女自是其國皆傳女雍正五年八月復與我議喀爾喀以北自楚庫河以西沿布爾穀特山至博穆沙畢鼐嶺爲界而定市於恰克圖

時俄羅斯方攻西藏西南五千里之務魯木以其地尙佛請於世宗憲皇帝遣人至中國學喇嘛以通蒙古使命兼學蒙古接骨大夫年滿替換遂爲例六年遣子弟入國子監讀書於滿漢助教各派一人教之居於舊會同館其衣服飲食由理藩院給發乾隆十九年土爾扈特使由俄羅斯入貢二十一年九月至熱河二十二年我師定西域凡俄羅斯人逃在伊犁者皆察出送還而逸賊阿睦爾撒納逃入俄羅斯患痘死

高宗純皇帝命理藩院移文俄羅斯撒納特衙門使送賊二十二年正月俄羅斯出其尸於恰克圖公驗之四月厄魯特舍楞害我副都統唐喀祿而逃於俄羅斯察罕汗受之以屬土爾扈特我使索之又不與

高宗怒嚴新疆喀倫絕恰克圖貿易自博羅伊察格圖喀倫至尼布楚南七百里澤倫圖喀倫測北極東西相去二十六度以東則黑龍江舊界西爲哈撒克外藩而舍楞於三十六年誘俄羅斯土爾扈特全部趨伊犁時俄羅斯與圖理雅斯科兵爭圖理雅斯科以其先控噶爾汗失地故背俄羅斯不朝貢俄羅斯征之屢戰屢捷而土爾扈特逃俄羅斯收其地馬行東西三十日南北二十日改建他藩不復問土爾扈特所往土爾扈特至伊犁喀倫計蹙歸順諸大臣皆以納俄羅斯屬部是興兵端也高宗命理藩院移文撒納特告以伊犁本我地舍楞乃我叛人諭以大義而遂受之俄羅斯亦無他言四十四年開市五十四年復以納我逃人閉關嚴大黃出界之禁五十六年土爾扈特喇嘛撒馬林僞造俄羅斯書誘土爾扈

諭理藩院移問之撒納特衙門言僞書用印兩顆鈐蓋不合式

又非邊界頭目鈐記且請通市

高宗察其誣許通市時叩肯汗第七傳矣俄羅斯於中國不遣
正使皆貿易人來附請

大皇帝安中國亦因其人荅之嘉慶十年今汗遣正使來至邊
界議禮不合而返今汗者始以男汗治俄羅斯地遠禮別使命
不至

皇上亦置不問也

述曰俄羅斯之不見於史也蓋有故元史地里志河源附錄後
西北地名僅有阿羅思三字而丁酉歲之師又謂之幹羅思則
明初人得之元遺臣者時俄羅斯方漸起故不能詳也其大也
在明中葉明方與韃靼瓦剌日搆兵其款塞不過緩兵趨市苟
且旦夕固不能如漢唐西域北庭置都護校尉中外往來可以

從容垂訊西北遠國即商人至邊境亦不過以尋常賈胡視之
其不知之也固宜非是其人自古未嘗一至漠南也俄羅斯地
大人衆天氣和藹如中國故亦有花痘之證惟沙漠行國趁涼
者無之蓋居國皆如此也俄羅斯有火器

平定羅刹方略言康熙二十三年正月十一日我師抵雅克薩
以其烏鎗歸絕域紀略云邏車國所遇皆檀烏鎗黑龍江外紀
言其納藥箭中凹凸如梅花式鮎碇亭集畫雅薩樂府注言其
國精火器異域錄言圖理琛入其境伊國具鎗礮旗幟以迎土
爾扈特又借之以衛我使者今雅克薩城有康熙時獲俄羅斯
礮三位則言俄羅斯無火器者非也

聖祖仁皇帝文集云噶爾丹揚言假俄羅斯火器兵攻喀爾喀
豈得舉其所無以自敗哉康熙六十年俄羅斯人來言其地去

北極二十度以上爲北海堅冰凝結人不能至

聖祖以爲始信東方朔記北方層冰千尺冬夏不消之言不謬是其國已極北而或以其西南屬國之控噶爾汗謂在俄羅斯北且謂控噶爾能征俄羅斯又以女汗有男侍俗間小說遂謂我使侍衛碩託與其汗訂十八條議於枕席之上其說皆佻謬且亦安得有十八條議哉土爾扈特之來歸也實由舍楞唆搶伊犁俄羅斯故置之不敢追至無可奈何而歸順我豈能拒之使必敢死於我俄羅斯始聞其搶我伊犁寇發自彼不能止之及其歸順則又望我興數百萬師徒盡執土爾扈特數十萬人送還之無是理也故我於俄羅斯不爲納其屬部俄羅斯於我亦非絕置屬部於不言其勢固有所難言也乾隆二十三年閉關三十六年土爾扈特始來四裔考次之二十六年又云三十

年閉關外間小說遂謂二十年後以土爾扈特嫌絕不與通揣擬失旨此其落落大者故詳考事實著於篇咨於故實此庶近焉

緬甸東北兩路地形考

雲南地十四府四州三廳省治西南七百九十里曰元江州西

南千二百三十里曰普洱府西一千一百五十里曰順寧府西

千二百里曰永昌府永昌虎踞天馬二關外為緬甸緬古朱波

也在唐為驃國長三千里廣五千里西北連東天竺東有今省

西北麗江大理屬土司地兼野人番獯怒夷宋曰緬元時其國

東至大理西北直成都中國不測其地方幾千里也明初置宣

慰使司嘉靖時孟養滅之後復興東并木邦孟艮南并洞吾北

并孟養孟密孟拱其人有得楞普澣洞吾擺古等十種又以力

制諸土司勢大熾號九萬里蓋妄語見天啟六年正月雲撫閔學洪疏萬曆中劉綎

兵至其阿瓦城巡撫陳用賓又約暹羅夾攻之緬降立入關曰

萬奴曰神護曰巨石曰銅壁曰鐵壁曰虎踞曰天馬曰漢龍

國朝順治十五年明桂王朱由榔及沐天波走永昌十六年正月走騰越二月至囊木河入緬界自蠻莫舟行達井亘五月緬人處由榔於阿瓦南赭硜白文選走木邦李定國走耿馬抵孟緬滅孟艮據之沅江土知府那嵩起兵與之應我師滅沅江十七年文選以桂王拘於緬思出之自木邦興師越錫箔攻阿瓦新城將破矣爲緬所給退兵再攻不能克走孟艮會定國是時吳三桂在雲南忌明有後請於

朝滅由榔以歲明局移檄緬甸使送由榔十八年三桂師至孟卯三月瘴發班師五月定國文選會攻阿瓦造船於上游緬人燒之時其酋莽孟白弒兄自立國未定欲借外兵鎮壓之暗結三桂九月三桂帥師由騰越取道南甸隴川孟卯至木邦分兵出孟定之姚關十一月由鎮康孟定會木邦定國走景線文選

據錫箔江三桂一晝夜馳二百餘里至錫箔江橋斷結筏以濟文選走茶山分兵追之至孟養文選降三桂自帥大軍至舊挽坡去阿瓦僅六十里緬人請兵遂進次蘭鳩江蘭鳩江去阿瓦僅十里其上游則騰越西之戛鳩江也戛鳩江至老官屯下流六日卽阿瓦莽孟白以之熏轅其大臣以舟送由榔出時十二月朔也三桂奏凱還康熙元年四月三桂殺由榔於是我典屬所收永昌府南孟定等地數千里爲土知府三宣撫司五安撫司三又收普洱府南車里等十三土司地出七百五十里外乾隆十五年緬王莽達賴入貢受瑞輯西琛額十九年莽達賴與得楞錫箔等構兵爲所殺木梳酋長甕藉牙因有其國甕藉牙死子孟腦立孟腦死弟孟駁立據阿瓦木梳孟密孟養孟拱孟良木邦大古喇等十三路最南近海爲洞吾古喇北路爲孟密孟

密之西爲孟養北爲孟拱孟密之蠻暮新街老官屯爲阿瓦運
鹽及通市中國地直虎踞關外其東路爲木邦爲孟良孟良所
屬爲整欠孟勇整控大孟養有香伯城諸地在耿馬土司袞龍江南
地勢稍平由阿瓦東北行過來卡卓落至大山宛頂再三日則
永昌西南孟卯土司也莽者緬之孟良路也緬言君長曰莽紀
故孟良長亦曰莽莽女曩占嫁赭經緬自古利宴古利宴者其
先中國人從明桂王沒於緬緬單字還音號爲桂家者也二十
三年曩占勸之起兵攻養藉牙敗而逃於外土司孟連孟連欺
古利宴孤弱凌之曩占怒二十八年秋燒滅孟連而自歸於中
國永昌府知府楊重毅與武弁謀申言蠻反討平之遂置古利
宴於極典以邀功曩占駭痛逃歸孟良三十年孟良酋長孟容
爲其姪召散所拘時孟駁新立召散據孟良而孟容子召丙逃

入孟遮召散追之破孟遮三十一年並擾普洱府南九龍江檄
攬壩諸土司當是時邊報警居民一日數徙皆曰莽子來也是
日莽匪我師滅之召散逃歸阿瓦我檄索之不與我師征孟良
曩占既怨永昌又恨緬欲緬得罪

天朝遣使乞濟師緬命木邦助之木邦亦莽也以莽復孟良諸
土司軍報題以木匪在事諸臣憤憤不知其卽緬甸也旣而木
邦叛緬緬滅之曩占所滅孟連其土司曰刀派先者逃入中國
自供緬之支裔守臣不以入告至是緬匪以兵來索孟連

高宗命復訊之始知莽匪木匪皆緬匪遂定議征緬阿瓦先後
在事者劉藻楊應琚劉德成哈國興同華封朱崙李時升趙宏
榜等收復諸土司又收普洱南車里外孟良整欠孟勇整賣景
線六本景海順寧南孟連孟撒永昌南孟育耿馬元江西南孟

多日英和 卷九
龍補哈新土司繳外地四五百里入版圖又收緬北野人三十
二年木邦大山蠻暮亦內附我師進駐新街於是緬地十三路
亡其三勢急遣使議納款而又別遣兵入犯欲脅和我師出鐵
壁關緬卽北行闖入萬仞關與我師相尾滋擾永昌騰越之間
無寧日旋又陷新街蠻莫我師退居銅壁關緬請權罷兵互市
不許我師進復新街蠻莫壓緬而軍而緬復東陷木邦在事諸
臣皆惶懼

嚴旨詰問則皆奏報失次於是易帥以承恩公明瑞爲總督劄
寧爲巡撫而明瑞帶將軍印木邦參贊珠魯訥從將軍由錫箔
攻東路北路參贊額爾登額分兵由猛密自老官屯期會阿瓦
將軍自木邦入過白小破蠻結過革隆山之天生橋至宋賽而
困宋賽爲賊柵最嚴處屢攻之不克貴州卒王連者騰上肉薄

拔其柵衆進連拔其十六柵守之而總兵索柱失天生橋緬自
蠻結趨木邦木邦軍僨參贊自到死北路軍至老官屯無陸路
不能入退至旱塔時屯糧於宛頂接應將軍而木邦路不開內
土司俱被擾有緬兵北路師至孟卯南行路不達折而東南行
赴將軍將軍旣不能入又不得兩參贊信取道孟弄東退繞那
亥孟籠象孔大山趨木邦又不達則繞孟腊至宛頂緬匪則萃
木邦蠻結旱塔之衆於宛頂三十三年正月將軍力戰受重傷
自縊死按察使楊重英於木邦被遮居於緬寺五月將軍柩至
京

高宗以額爾登額徒欲自全師以出可以謝責擁勁旅緩行置
將軍於度外睨視其死而陷其軍士也比謀反大逆置極典並
斬提督譚五格緬知賈禍大竭力增兵以備我使擺夷轉達書

請罷兵又附書被遮官兵請和

高宗命大臣阿里衮阿桂阿思哈舒赫德等馳往經理戰備發健銳營火器營兵四千荊州成都滿洲兵四千索倫兵三千吉林兵一千新滿洲兵一千厄魯特鄂倫春各三百赴軍營三十四年二月大學士公傅恒請行卽以傅恒爲經略阿里衮阿桂爲副將軍出銅壁關討賊時野牛壩舟師亦集遂收孟養孟拱二土司而南至新街三路師會緬來逆大敗之進至老官屯阿桂哈國興等又敗之緬人固守老官屯副將軍公阿里衮以疾卒於軍經略以地險水師亦不能入也以禍福諭緬首緬目渺茫莫報日願以兩軍適中地築壇受要約及期意變哈國興單騎往與之言言未畢渺茫莫已去經略又病足退居銅壁關高宗以西師開拓二萬里不藉緬甸一隅之功且當

國家全盛之日曲赦緬罪緬亦不敢輕量中國又百餘年教養將士不忍以之嘗試毒癘也

諭經略使罷兵適經略於銅壁關見緬甸正使具陳悔畏且餽經略禮幣約入貢遂

詔副將軍伊勒圖阿桂班師遷孟拱土司渾覺於關內棄關外地阿桂以定邊右副將軍留雲南經理之而緬背約不入貢不送出被遮官兵三十五年老官屯目諾爾塔移書索木邦蠻莫孟拱三土司副將軍下文書切責之緬復留我都司蘇爾相高宗以緬甸詭計知我兵限於天時地利不可深入故激我興師而坐收其利

敕阿桂於秋冬閒酌遣偏師擾其邊界使之奔命不暇於是時時小出師征緬而緬方南向用兵暹羅三十六年三月阿桂請

大舉征緬得

旨嚴飭革職以溫福代之是年金川反溫福阿桂皆赴四川置緬匪值孟駁亦死子贅角牙立四十一年兩金川平贅角牙懼冬請入貢送楊重英蘇爾相出求開關貿易四十二年送蘇爾相出而楊重英不至緬甸風俗柔撻多詐其樂若唐時沒弛彌十二曲近樂器接內兜達呼稽灣斜枯聶兜姜聶聶兜姜結莽聶兜布其音啁晰聞其音知其人亦其地氣盤鬱沮洳使然也緬東爲葫蘆廣南南爲暹羅物產略同向時老官屯海鹽煙魚足自給其象牙蘇木翠羽碧砮玳瑁翡翠玉蔥玉木棉布羽毛緞布大小呢碎花洋錦碎花印花洋布糖青及波龍老廠新廠之銅恃雲南官采買及商販買者自用兵關閉其南海道販出價又賤葫蘆國又以茂隆銅勝輸中國中國銅益充緬加戍東北

而力戰東南其用日絀大學士公阿桂大學士伯李侍堯馳往履勘邊界於永昌潞江土司順寧緬寧廳安守兵長坡廣岫散漫蜿蜒則七隘八關扼其要姦細益不得出入於是瘴煙黑水之鄉人知安處而緬亦毒焰盡經用曠竭百姓愁怨矣四十七年其酋孟魯殺贅角牙而自立國人又殺孟魯立孟雲孟雲者蠻藉牙第四子少爲僧緬寺孟駁父子之事皆不與知國人立之而值暹羅之難暹羅國踣長居緬西南海其人裹人腦骨曰聖鐵騎象而戰緬於乾隆三十六年滅之鄭昭者中國人也乾隆四十三年暹羅遺民憤緬無道推昭爲王乘緬匪抗拒中國人傷財盡之後盡復舊封又興師占緬地贅角牙爲所困者屢矣暹羅於四十六年入貢陳其事不使亦不止也四十七年鄭昭子華嗣華亦有武略孟雲不能支乃東徙居蠻得五十一年

鄭華受

封孟雲懼五十三年由木邦齎金葉表入貢送楊重英等出

高宗哀憐之諭暹羅罷兵五十五年使賀

八旬萬壽受

封爵許通使定十年一貢嘉慶十年秋暹羅貢表又言方出師

攻緬得勝

皇帝頒敕諭解之冬緬甸叩關求入貢蓋乞救也疆吏以非貢期拒不納而緬已削弱矣

述曰緬甸之猖獗也一在索土司於內地一在抗拒官兵不輸誠歸款而用兵脅和悉索財賦糜爛其人民失大援遂為鄰國所窺伺也嘗綜乾隆年間用兵地大如準噶爾回部險固如金川皆摧破其始皆覆育生全之及其再叛始行芟夷安南亦猖

獗與緬甸同一旦悔悟親入朝遂蒙

赦宥而卒以阻兵之故國內空虛為粵南所并緬甸則困極然始歸命蓋初亦自念重罪不可赦故鋌而走險豈知入貢以後天朝之所以勞之來之者為緬甸之所夢想不能及者哉故不觀於安南緬甸之撤兵不足與言安邊之

睿謨不觀緬甸安南兩次之受降不足與言不嗜殺人之

聖德與準噶爾回部金川之自取滅亡是以求其事比而論之緬甸自古稱險阻阿瓦之蘭鳩江上為夏鳩江亦曰大金沙江亦曰檳榔江其上游由工布逕雲南出鐵壁關瀾滄江則由察木多入雲南車里下為九龍江出緬甸東其潞江則由衛入怒夷逕雲南永昌入潞江土司龍川江亦由喀木徑雲南漢龍關入緬其水與衛藏為首尾老官屯者特阿瓦運鹽之道上下游

俱嶄絕乃其國不爭之險也江之東爲木邦爲孟艮江之西北爲孟拱孟養南爲木梳阿瓦諸路由順寧永昌南孟定土府而南至其東路由騰越西渡戛鳩至孟拱孟拱東孟密夾江而下東北則蠻莫西南則老官屯老官屯前北路參贊及傅文忠與緬戰處蠻莫乾隆三十四年阿文成造戰艦於此當時謂之野人壩者也三十三年文成言其地崖險徑窄斷難行船或言蠻莫江由新街下西流入大金沙江是桂王舟路非必容樓船大艦也讀史方輿紀要云麓川寄箭山滇略言過此盡平地一望數千里絕無山溪亦無果樹是野人壩以西亦沙漠地行金沙者至阿瓦北井梗卽陸行過者梗半日程卽達阿瓦夫阿瓦能制孟密孟拱孟養則三路者亦必有路以達阿瓦矣誠能舍老官屯覓路搗阿瓦亦功名之盛也劉綎嘗由姚關隴川至阿瓦而王驥追機思發僅刻石大金江邊白文選李定國吳三桂入緬至阿瓦城下則皆由東路意以地勢易馳騁故歟用依舊邸抄輿地考四裔考大臣傳及志狀鉤稽推排記其出入緬甸地勢大略具矣

蓋地論

元史天文志云札馬魯丁造西域儀器廓賚依阿勒資漢言地里志也其製以木爲圓球七分爲水色綠三分爲土地色白明史天文志亦云西洋人言地圓按地圓古蓋地說也回回西洋亦知之耳玉海引書緯帝驗期云西王母於大荒之國得蓋地圖慕舜德遠來貢之自皇甫謐改作益地圖見初學記引謐帝王世紀學者遂不通究其義周髀算經云天象蓋笠地法覆槃極下地高滂沱四隕而下則地本圓在天中素問五運行大論云地者形虛者精精形之動猶根本之與枝葉黃帝曰地之爲下否乎岐伯曰地爲人之下太虛之中者也帝曰馮乎岐伯曰大氣舉之也風寒在下燥熱在上濕氣在中火游行其間故燥勝則地乾暑勝則地熱風勝則地動濕勝則地泥寒勝則地裂火勝則地固

月令正義引考靈曜云四表之內並星宿內總有三十八萬七千里天之中央上下正半之處十九萬三千五百里地在于中注云地厚三萬里下遊則地上畔與天中平上遊則地下畔與天中平是證地在太虛之中文子自然云樸至大者無形狀道至大者無度量故天圓不中規地方不中矩夫天誠圓中規始能運地則橢長事類賦注引姚信斫天論云兩地之說下地卽上地之根也天北行乎兩地之間耳書正義云渾天者地在天中天周於外日月初登於天後入於地天繞地明矣則渾天亦同蓋說蓋說亦有不同易晉云明出地上明夷云明入地中大戴禮曾子天圓云如誠天圓而地方則是四角之不掩也嘗聞之夫子矣天道日圓地道日方呂氏春秋圓道云雲氣西行云云然冬夏不輟水泉東流日夜不休上不竭下不滿小爲大重

爲輕圓道也水升雲而西迴也俱謂地止一面其謂地四面者周髀算經云日運行處極北北方日中南方夜半日在極東東方日中西方夜半日在極南南方日中北方夜半日在極西西方日中東方夜半極北以極南準之此方夜半彼方日中藝文類聚引尸子云海水三歲一周流波相薄故地動水從地下西迴周四面也山海經云天地之東西二萬八千里南北二萬六千里廣雅亦云然禮正義引鄭注考靈曜云地厚蓋三萬里其疎率徑一圜三地九萬里而周亦鄭義也周末積衆人聞見人蹟所到著於讖緯隋唐以前西域之言又與之應山海經注引河圖玉版云從崑崙以北九萬里得龍伯國其人長三十丈崑崙以東得大秦國人長十丈從此以東十萬里得佻人國長三十丈五尺初學記十九河圖龍文云二丈五尺從此以東十萬里得中秦國人長

一文初學記引河圖龍文云天之東西北極各有銅頭鐵額兵長三千萬丈又有金剛敢死力士長三千萬丈天中太平之都
有都甲食鬼鐵面兵長三千萬丈都甲食鬼鐵面兵即佛說之
阿修羅佛謂之捉月羅睺一切經音義云羅睺計都此譯云障
月明史李天經議云即正交中交行宿今俗遂以為怪宿然語
必循其本傳聞之譌中必有不譌者今西域阿諾國男長數丈
女如中人鳴金攻之男子逃則略其婦女以歸長阿含經亦言
修羅生女端正生男多醜則阿修羅女嫁天帝釋不足為異而
說其人高至天能捉月與河圖言長三千萬丈同一失實河圖
言長人在東佛在西見之是交周矣佛書起世經云佛告諸比
邱若閻浮洲日正中時弗婆提洲音義云前鼻離體日則始沒瞿耶尼
洲音義云多牛市一日則初出鬱單越洲音義云其地為最高正當夜半

瞿耶尼洲日正中時此閻浮洲日則始沒鬱單越洲日則初出
弗婆提洲正當夜半鬱單越洲日正中時瞿耶尼洲日則始沒
弗婆提洲正當初出此閻浮洲則為夜半弗婆提洲日正中時
鬱單越洲日則始沒閻浮洲中日則初出瞿耶尼洲正當夜半
佛告比邱若閻浮洲所謂西方瞿耶尼洲以為東方瞿耶尼洲
所謂西方鬱單越洲以為東方鬱單越洲所謂西方弗婆提洲
以為東方弗婆提洲所謂西方此閻浮洲以為東方南北亦然
樓炭經天地成壤品云日繞須彌山東方日出南方夜半西方
日入北方日中如是右旋更為晝夜是佛家古說依周髀謂地
圓也佛本行集經成無上道品云小鐵圍山並大鐵圍其間從
來黑暗此之日月不能令彼處光明顯赫實著鐵圍之日開元
占經載梁武帝云四大海之外有金剛山一名鐵圍山金剛山

北又有黑山日月循山而轉周迴四面一晝一夜圍繞環而於南則見在北則隱武帝既依佛作此說其臣又承制作注武帝嘗依蓋天難渾天其以南北爲隱見金剛卽北極下蓋天義也瞿曇悉達列入天體渾宗中自病其書矣初學記引河圖云黃河出崑崙山東北角剛山東則河源之崑崙墟亦曰金剛又大

地之中亦曰崑崙卽佛說之須彌在中國西北蓋天所謂天門在西北是也初學記引括地象云崑崙之山爲地首又云崑崙山爲柱氣上通天崑崙者地之中也藝文類聚引龍魚河圖云崑崙天中柱也曲禮正義引河圖括地象云地中央曰崑崙其東南萬五千里曰神州博物志引河圖云崑崙山應於天最居中中國在東南隅是西北崑崙並非河源太平御覽河圖始開圖云崑崙之墟有五城十二樓藝文類聚河圖文略同博物志

引括地象云崑崙山神物之所生聖人仙人之所集也古經史天爲蓋天地爲蓋地史記大宛列傳云禹本紀言河出崑崙其高二千五百餘里日月所相避隱爲光明也其上有醴泉瑤池淮南子地形訓亦云西至三危之國石城金室飲氣之民不死之野佛亦言須彌爲天宮佛所謂天富貴人也河圖有括地象爲古地里書比之佛書無不合者河圖言東佛言西非圓周乎地平上天見其半越二百五十里而極差三百六十分天之一天則仍見其半若地非圓更無說以通之此皆隋唐以前說札馬魯丁之製未可謂爲創獲西洋人入中國用佛義而諱其名其儀器本之萬年回回俄羅斯當明時已西接西海北接北海艾儒略等職方外紀坤輿圖說又侈陳冰海若所足履目驗者而竟不知有所謂俄羅斯至錢少詹大昕爲定地球圖說強爲

納入之然則地誠圓亦非五大洲即五大洲亦必不如西洋人
 所說地之圓不圓與西洋人無涉乃世人為皇甫謐所愚以蓋
 地為蓋地謂舜據此作十二州不知圖名蓋地在肇州之先則
 名義不通並唐錢起蓋地圖賦亦不能解而以地圓出西洋驚
 懼之今學者又以地圓出西洋而漫非之無怪乎耶蘇之徒自
 以為奇特也

蓋地海論

史記言鄒衍深觀陰陽消息著書十餘萬言其語闕大不經上
 至黃帝以為儒者所謂中國者於天下乃八十一分居其一分
 中國名曰赤縣神州外如赤縣神州者九乃所謂九州也於是
 有裨海環之如是者九乃有大瀛海環其外禮記曲禮正義引
 地統書括地象其語亦同此古蓋地說也鹽鐵論論鄒云鄒衍
 非聖人作怪誤惑六國之君以納其說此春秋所謂匹夫熒惑
 諸侯者也論衡談天篇亦謂衍迂怪虛妄今案法言五百篇云
 鄒衍迂而不信問道篇云鄒衍有取乎曰自持問神篇云鄒莊
 有取乎曰言天地人經德也揚雄據渾難蓋故不信蓋地之論
 而謂其言經德自持則雄所見古儒所說名理皆與衍同非後
 人淺見所能及史言衍終始大聖上至黃帝學者所共述大致

隨世盛衰衍言即非經見亦必本於黃帝乾坤鑿度云易平坤道平易注云北荒平易萬里連均夫海者三分萬形經曰坎北方無海平易北荒迷遠也乾坤鑿度黃帝書也數引萬形經又云天地宜盡閼地道距水澈注云天地盡有閼澈之所聖人不能測度地道以水為澈澈者盡也此鄒衍所謂大瀛海際天地也坎北方無海平易而古人近言四海者爾雅釋地云九夷八狄七戎六蠻謂之四海大戴禮五帝德以幽林交趾流沙蟠木為四海古經言海者如此此鄒衍所謂裨海不必是禹貢之海合北方平易古文也凡一大國必有小部環之黃帝所治者大鄒衍所謂盛其後德衰齊秦相帝中國地小非司馬遷桓寬王充時中國也何反禁衍追述古初且衍熒惑何君諸儒詆衍遷怒妄也衍所說又與河圖合河圖云地廣東西二萬八千南

北二萬六千有君長之州有九阻中土之文德及而不治藝文類聚

引又云昆侖山應於天最居中八十一域布繞之中國東南隅

居其一分博物志此衍之所據也其說又在蓋天王蓄渾天象說

云周徑為蓋天者尚不考驗而乃論天地之大日月所不照陰

陽所不至日精所不及儀衡所不測皆為之說虛誕無徵是亦

鄒子瀛海之類也開元占經引蕃是粗工安知奧義周髀算經

云極下不生萬物則人迹不到故乾坤鑿度云北方無海其二

地道距水澈澈為水窮故鄒子云大瀛海環之則推而知之二

說通也意大里亞人言天下五洲中國喀爾喀西域回部西藏

緬甸安南琉球日本高麗烏洛侯哈薩克以至西海又南至暹

羅越洋至噶留巴呂宋蘇祿等為一洲意大里亞亦為一洲又

有三洲總為五乃不知有俄羅斯儒者不信鄒衍乃信西夷極

下萬物不生西夷豈能至萬形經言北方無海其是非後世必有目歷而知之者今俄羅斯言其國北距海古人不強知之云無海不害其為博而篤惟鄒衍能言之嗚呼大賢哉鄒衍也

彌婁山鐵圍山考

維摩詰所說經佛國品云十寶山須彌山雪山目真鄰陀山摩訶目真鄰陀山香山寶山金山鐵圍山大鐵圍山黑山鳩摩羅什注云此十寶山雪山以下九圍繞須彌妙法蓮華經序品有目真鄰陀山摩訶目真鄰陀山見寶塔品有目真鄰陀山摩訶目真鄰陀山鐵圍山大鐵圍山須彌山法師功德品有鐵圍山大鐵圍山彌樓山摩訶彌樓山藥王菩薩本事品則云土山黑山小鐵圍山大鐵圍山及十寶山嶽山之中須彌山為第一大唐西域記云蘇迷盧山唐言妙高山舊曰須彌又曰須彌婁皆謠略法苑珠林云日月所照臨處以蘇迷盧山為中亦曰須彌亦曰迷留亦曰彌婁按此二唐僧所說未能得實須彌山亦自為須彌婁其單言彌婁彌樓迷留者自屬目真鄰陀山言摩訶

目真鄰陀者自是摩訶彌樓山目真合音爲彌鄰陀合音爲樓
非須彌也維摩詰所說經言黑山大小鐵圍山在十寶山中法
華藥王菩薩品則三山在十寶山外疑是法華文誤也鐵圍山
者樓炭經天地成壞品云日月城郭繞須彌山大鐵圍山泥犁
品云有大鐵圍山復有第二大鐵圍山中間杳杳冥冥其日月
大尊神光明不能照及佛本行集經成無上道品云小鐵圍山
並大鐵圍其間從來恒常黑暗未曾見光此間日月不能令彼
處光明照耀顯赫立世阿毘曇論云大鹹海外有山名曰鐵圍
周迴三十六億一萬三百五十由旬故佛多以須彌鐵圍並言
佛說五苦章句經云百億須彌山百億鐵圍山以其名顯故極
言之鐵圍有二山須彌止一山故知彌樓摩訶彌樓是兩目真
鄰陀不得以彌樓爲蘇迷盧之省略謂有兩須彌也須彌佛說

在地心中起世經言崑崙山爲閻浮提洲地之中心須彌山爲
四洲中心鐵圍山在四大海外長阿含經言四洲地心卽須彌
山海外有山卽是大鐵圍維摩詰所說經秦僧肇注言須彌山
卽金剛山秦言妙高開元占經天體渾宗引梁武帝說則云鐵
圍一名金剛又云金剛山北又有黑山日月循黑山而轉黑山
在十寶山數晉譯方等般泥洹經北齊譯大悲經隋譯大威燈
光仙人問疑經俱別列黑山今俗說黑山卽鐵圍山非也黑山
雪山香山俱大山佛國所謂十寶山華嚴經二十二謂之天地
十大山釋迦氏譜引西域圖經云五天竺國北洎雪山南洎大
海六萬餘里又引閻浮圖云蔥嶺西據香山東南縣亘至於蜀
都此閻浮圖蓋釋家所作

由旬義

佛本行集經角術爭婚品云婆羅極叉十溝也其數目溝壤穉
垓京兆億萬千百十一以微塵起一遞七乘之爲窗塵爲兔塵
爲羊塵爲牛塵爲蟻爲蝨爲芥子爲大麥爲指節爲半尺倍之
爲尺二尺爲肘四肘爲弓五弓爲杖二十杖爲息八十息爲拘
盧舍八拘盧舍爲由旬是以八千弓爲拘盧舍六萬四千弓爲
由旬唐慧苑華嚴音義十定品云三百弓爲里四里爲俱盧舍
則以千二百弓爲俱盧舍九千六百弓爲由旬立世阿毘曇論
云四肘爲一弓五百弓爲俱盧舍八俱盧舍爲由旬俱舍論云
七麥爲指節三節爲指二十四指橫布爲肘豎四肘爲弓五百
弓爲拘盧舍大唐西域記云五百弓爲拘盧舍八拘盧舍爲踰
繕那則以五百弓爲俱盧舍四千弓爲由旬西域記又云由旬

三十里爲印度國俗正曰踰繕那其由旬由延踰闍那皆譌略放光般若經云俞旬三十里根本說一切有部尼陀那注踰繕那當三十里欲令易了故有言驛之處是三說皆以三十里爲正義秦僧肇維摩詰所說經不思議品注云大由旬六十里中由旬五十里小由旬四十里翻譯名義集選云由旬三別大八十里中六十里小四十里元應一切經音義云俱盧舍者牛鳴聞五里由旬者正言踰繕那四十里是三說則至四十而極更無四十以下之說然華嚴音義云拘盧舍四里由旬三十二里又云準本行經由旬十七里餘二百八十餘步今按本行無積步之法不知華嚴音義從何置算西域記云踰繕那者自古聖王一日軍行也舊四十里印度三十里聖教所載惟十六里阿毘曇論亦云俱盧舍二里由旬十六里是由旬有六萬四千弓九千六百弓四千弓八十里六十里五十里四十里三十二里三十里十七里餘十六里之別魏慧覺譯賢愚因緣經須達起精舍緣品云舍利弗言佛行日半由旬須達卽於道次二十里作一客舍此旁出之言有屋舍相去里數最爲明證則四十里爲的數也

